

S P E A K E R : 'Engmahlo mai maia sum deh-
chhuah chu tihral ani ang a,
Thawhrim a khawl erawh chu
a pung ang'. (Thufing 13:11)
Tunah Question kan la nghal ang a. Pu F.Lalthanzuala
zawt turin i lo ko ang.

Pu F. LALTHANZUALA : Pu Speaker, PWD Minister zahawm
tak chhan atan Starred Question
No. 57-na

(a) Hnahthial - Thingsai kawnga
Tuichang Lei (bridge) hi Sorkar-in dawh a tum em ?

(b) A tum anih chuan engtikah
nge hna a tan dawn ?

(c) Eng ang chi (Bailey or Sus-
pension, etc.) Lei nge a dawh dawn ?

(d) Truck full load kal theihna
tur ani em ?

(e) N.Vanlaiphai leh Cherhlun
inkar PWD kawnga Khawthlir khama kawng, tun thlenga Motor
lian (Truck) kal theihna la ni lo fo hi, kan Sorkar hian
Motor lian kal theihna turin engtikah nge a siam dawn ?
tih ka zawt e.

Pu R. TLANGHMINGTHANGA : Pu Speaker, Member zahawm tak
MINISTER chhanna chu -

(a) Tum e.

(b) Sorkar kumtharah tan ani ang.

(c) Suspension bridge ani ang.

(d) Ni e.

(e) Kumtharah Motor lian kal

thei tura hma lak tum a ni.

S P E A K E R : La zawt duh in awm em ?

Er. K. THANGZUALA : Zawhbelhna, Pu Speaker

S P E A K E R : Helam hi an ding hmasa deuh
hleik.

Pu K.T.ROKHAW : Pu Speaker, Suspension Bridge tih hi Truck lian, full - load kal theihna tur chuan, suspension bridge hi a then nasa si a, full-load han kal nan chuan a ngaihtuahawm lo maw ? tih ka zawt belh e.

Pu Speaker, kan Minister hian PWD a rawn lak atangin a fakawm viau in ka hria a, Aizawl khawpui kawng te en hian black-top nei vek ani a. Chuvangin, hetiang Sorkar chak tak kan nei hi a lawmawm ka ti a. Chutah chuan, kei hian a bik takin Chhim lam tan hian a thenah beiseina lian tak kan nei a. A bik takin ka bial-ah Mohreh leh Chapui inkar saw 4 Kms an lai zo tawh a, 8 Kms vel hmabak laih tur a la awm a. Engpawhnise, kawng hi kumin chhung hian min laih sak thei ang em ? tih zawhna pakhatna

Tin, a pahnihna-ah chuan, Engineering-in-Chief hi post siam belh tum ani em ? (interrupted)

S P E A K E R : Kan Member zahawm tak te khan a relevant deuh hlek kha zawh i tum ang u aw. Chhan tur tho ani a, kan dan kalphung ang khan a relevant deuh hlek in kal tum ila, chuti lo chu question hi a chuang leh mai mai ang e.

Pu K.T.ROKHAW : Pu Speaker, kha lai kha anih leh insurance a awm ang a, Chief Engineer hi pahnih an awm ang a, tih ani a, kan hriat ve danah chuan, kha kha a dik em ? Anih leh pawisa renchem an tum em em lai hian, Chief Engineer Office pahnih a awm chuan Estahlishment pahnih a awm a ngai dawn a, kha tah khan sum sen belh teuh a ngai dawn lawm ni ? tih kan zawt belh e.

S P E A K E R : Minister i/c chhang turin i ko ang.

Pu R. TLANGHMINGTHANGA :
MINISTER

Pu Speaker, Serchhip bialtu zahawm takrawn zawh kha, a hre chiangtu pawl tak pawh ani ang a, Suspension Bridge tih hi thirzai rinawm tak, mahse Motor design tuten design in khatiang ani a. Khami hisap khan kan design in khatiang ang a derthawng tur zawng ni lovin an ti thei turah kan ngai a. Tin, hetiang bridge hi suspension bridge hi a tlawm zawk a, Bailey bridge hi a to va, churang chuan a zo tawk tur rau rau han siamah khan Sorkar tan a manhla zawk a, a rintlak thova. Suspension Bridge hi matric ton 180 vel zawh thei tura ruahman a ni a. Tin, bailey bridge hi chu motric ton 240 vel zo a ni a. Chulai chu a awm tawk leh rinawm tawk tura siam tur anih avangin re-inforce rinawm tak a foundation te tih tur anih avangin kha kha chu then tur lovah ngaih ani.

Tin, Member zahawm tak zawhna dang lehang chuan Km 8 hmabak min tih sak thei ang em ? tih a kha Km 4 vel tih tawh tihah khan, hei hi chu kan nei chho mek a ni a. Tun pawisa awmdan a zirin sawlai chu kan hotu- te pawhin an ngai pawimawh hle ani tih a kha kan sawi duh a, Tuipang bialtu kha.

Tin, Engineer-in-Chief a awm dawn tih thawm an hriat a kha, kha kha awm tura ruahman chhoh tawh a ni a. Tin, Engineer-in-chief kha Post creat lova tuna kan awm ang a Secretary cum Chief Engineer tih ang deuh a kha Secretary khan kengchho mai tura kan beisei lain Sorkar lam leh Finance te, DP & AR lam ten Engineer-in-Chief hi a hran a post creat nise, tiin an ruahman ta a. Chumi hnuaiah chuan Chief Engineer pahnih awm tur an ni a. Chu chu Cabinet leh Finance leh DP & AR te leh Sorkar-in remruatna a siam tawh, a taka chang chho tur a ni a. Chumi atan chuan pawisa kum khat-ah cheng nuai 3 leh tlem a ngai a, chhanna nidangah khan kan nei tawh a, chulaia chu Member ten in nei emaw, ka hre lova. Amaherawhchu, zawhna dangah a awm tawh a, khami kha chu kum khatah cheng nuai 3 leh sing 6 vel chauh extra expenditure awm tur ani. A hma a kan hisap dan erawh chuan, cheng nuaikhat hnuaia ni a, mahseng Sorkar-in post hi awm law law se a tih tak avangin cheng nuai 3 leh sing 6 vel extra expenditure ngai tur a ni a. A dang erawh kha chu tuna existing post atanga siamchhoh tur anih avangin extra expenditure awm lem lova tih theih tura beisei ani. Nichina Chief Engineer Office dang pahnih pawh kha tuna S.E. Post kha up grade a, additional C.E. Post kha up grade a, tuna an establishment kha ring chhova post dang creat belh ngai lem lova hman chhoh tur anih avangin chu chu extra expenditure vak a awm dawn lova ni.

S P E A K E R

: Starred Question 58-na zawt turin Dr.Lalzama i lo sawm ang.

....207/-

Dr. LALZAMA : Pu Speaker, Industry Minister
chhan atan Geology and Mining
Office hian Soft Wire lei nan
Rs.360000/- hmangin Soft wire
materials pawh received vek anga ziah a ni a, mahse a tak
hmuh tur awm silo hi engtizia nge ni ? Tin, Geology and
Mining Wing hian kumtin lump sum Rs.64 lakhs non-plan
atangin Rs 50/- lakhs vel an hmang niin a lang a. Mizoram
tan an thawhchhuah sawi tur tling engemaw achievement a
awm em ?

Tin, kum 1998 - 1999 chhung
hian Field Officer te atangin Progress Report pek tur
pawh an la nei lo hi engtizia nge ni ?

S P E A K E R : Chhang turin Pu Lalhmingthanga
Hon'ble Dy.Chief Minister i/c
Industry Deptt. i lo sawm ang.

Pu LALHMINGTHANGA : Pu Speaker, Member zahawm tak
DY. CHIEF MINISTER azawl 'N' I bialtu zawhna
chhanna kha (a) na kha -
Soft-ware materials Rs 30,6000/-
lei a hmuh tur a awm si lo tih hi Geology and Mining
Office-ah hemi Soft-ware hi a awm a. Chuvang chuan hei hi
lei a ni ngei a. Tin, hmuh theih pawhin a awm a ni.

Tin, (b) na-ah khan, Geology
and Mining hian kumtin Plan Fund Rs 64 lakhs leh Non-Plan
fund Rs 50/- lakhs vel an hmang niin a lang a. Mizoram
tan an thawhchhuah sawi tur tling eng e awm ? tih laiah
hian, Geology and Mining Wing hian an Budget hi a lian lo
viala a. A total a han belkhawm pawhin heta a han tarlan
hi Rs 1 crore leh Rs 14 lakhs a ni mai a. An hlawhte leh
thil dangte nen kha chuanin facility lian lutuk a neih
theih loh a ni. Chutichung chuanin hemi under ground water
kan tih, thingtlang khua gravitation emaw, pumping emaw
a tui lak theih lohna laiah te hian chumi zawng tur atan
chuanin hma hruaitu an ni a. Drilling hmun tam takah an
ti a, chutah chuanin PHE Deptt. lam te leh Deptt. dang
Agriculture lam te nen a in coordinate in drinking water
te an pe thin a, chutiang hna te chu an thawk a ni.

Tin, chubakah chuan Industry
din chungchangah Geology and Mining Wing hian Mizoramah tunah
hian hma a la mek a. Chumi Industry din a tum danah chuan,
khami lei hnuai a kan thil hlu neih chhun te han zawn chhuah
phawt a, chumi tlawhchhan a din tur chuan, Industry lama

tui mite tan khang kha a buatsaih a. Status of minerals phase industries in Mizoram tih lehkhahu te an buatsaih a, kha kha a thehdarh mek bawk a. Tin, a Department pawhin chutiang ang chuan hmalak chhoh a tum mek bawk ani.

Tin, S.Hlimen te, Lawngtlai te, Serchhip te, Aizawl te leh Saiha hmundang dangah hian a khat tawkin hei, Leimin rapthlak tak hi hmun hrang hrangah Mizoram ah a awm thin a. Hengah hian Geological condition te zirin an study a, chubakah Lirnging Micro-earthquake tih ang te an study a, chutiang chuang Budget tam vak lo nei mahse, Ram tana thil tangkai tak an beichhe mek ani.

Tin, (c)-naah khan kum 1998-'99 chhung hian Field Officer te atang pawh a Progress Report pek tur pawh an la nei lo hi - tih lai a hi 1998-'99 inkar taka hi tunah hian progress report koh chhoh mek a ni a. Chu chu thil serious lutuk a ni lova, Field Officer te pawhin heng hi an rawn theh lut ang chu. Kha kha chhanna a ni e.

*Speech not corrected.

Dr LALZAMA : Pu Speaker, Hei kan Dy. Chief Minister chhangtu zahawm tak kha wrong information a dawng niin ka hria. Tunah pawh hian tun kum 98-99 three quarters-ah hian Field Officer te an Progress Report-ah pawh NIL tih vek a ni a. An Plan Fund an hmangzo ve vek a ni a, hengte pawh hi engnge ni a chhan tih kha chhuichian theih ani dawn lawm ni ?

Tin, chulo leha chuan hemi Computer Software lai chungchangah hian kan spans 6.0 hei hi cheng nuai khat singruk leh sangthum man a ni a. Tin, spans cartographer hi nuai khat singli sangthum man a lo ni leh a, tichuan nuai thum singruk man a ni a. Hei hi computer engineer te pawhin spot verification nei a, anih leh nih loh endik mai theih a ni a. Hei hi endik theih ani dawn lawm ni ?

Tin, chulo leha chuan he Deptt. hi enthat pawh an ngai hle in a lang. A chhan chu hei an Vehicles te reng reng pawh ZRG - 2565 hi Office kawt tuala ding reng, a ke pahnih khat lek nei, a part te pawh thlawn nual tawh a ni a. Heng hmang te hian Bill a awm a, tunah pawh lak an tum mek a ni a. Tichuan, dawt Bill a awm nual mai a. Chulo leha chuan Vehicle 1987 a lei 89 atanga hman tawh loh Office kawt a ding reng, hei pawh hi sale letter tih bo avanga registration pawh siam theih loh, mahse vaviin niah chuan repair na Bill a lem in pali a awm a. Chu chu a vaiin Rs 41750/- tih a ni a.

He Bill lem hi kumina siam vek a ni a, tunah sawn Vehicle chu Office kawtah a ding reng a ni si a. Direct Kotary drilling rig tih a ni a, number pawh kha a nei thei lova. Chutiang chuan hei dik lo tak tak hian thil awm niin a lang a. Tlemte chung a rinawmlo chu tam tak chungah pawh a rinawm theih lohva. Chuvangin, hengte hi Sorkar-in a enfiah thei dawn lawm ni ? chawp leh chilh a enfiah chi tak pawh a ni ang a.

Tin, chulovah, tunkar thawh-tanni khan Rs.9 lakhs an nei a, thawhlethni zingah Rs 5 lakhs an nei leh a, nilaini zingah Rs 1.5 lakhs an nei leh a. Nimin tlai lam te kha chuan a awmlo vek tawh maithei Bill tam tak a lut a ni bawk a. Chuvang chuan, heng Bill tihluh chawp te hi a changtu Minister zahawm tak te hriat-pui a tih em ni ? Chungte chu kan zawtbelh leh ani.

Pu R.LALZIRLIANA : Pu Speaker, kha Ruling Party MLA khan khalai Deptt. kha a hrechiang hle mai a, chuvangin kan Minister zahawm tak khan action lak a tiam thei nghal mai lawm ni ?

Er. K. THANGZUALLA : Pu Speaker, hei kan ramdi depah hianin Oil Exploration vel hi programme a kal mek a, khami Bhubandar structure an ti a, Cachar chung Mizoram chung chu 7.5 sq.kilometers a huam ve a. Heta tan hianin "Petroleum Sharing Contract" sign a ni tawh a, chumi dawtah chuanin "Petroleum Exploration License Center atanga dil leh a ngai a. Hemi hi tun thleng-in dil lohin a la awm avangin khuti laiah hna tan pawh an harsat hle in an sawi a. Hei hi engnge a chhan tun thlenga Petroleum Exploration Licence hi an lo la hmuh loh hi.

Pu ZAKHU HLYCHHO : Pu Speaker, a relevant lo lutuk lawng chu ka ti a. Nikum lam khan Saiha chhak Lungzarhtun, Bualpui tih velah Lunglu an hmu an ti a, a khawnawtin an buaipui a, chaw pawh ei hlei thei lovin. Kha thil thleng kha Geology and Mining ho khan an va enfi ah niin ka hria a, mahse an enfiahna result kha mipui hriatah engmah puanzar a awm ta si lova. Kha kha an va enfiah ta lo nge ni ? an va enfiahah khan engnge an va hmuh chhuah reng tih kha he House--ah hian Minister khan a hriat chuan min hrih thei angem tih ka rawn zawhbelh ani.

F. LALTHANZUALA : Pu Speaker, Thingsai bulah khian kum engemawti laiah khan Chinai a awm tih a ni a. A panna kawng te Motor kawng siam vek tawh a ni a, mahse a reh leh ta vang vang mai a. Khalai thil kha engtinngge Sorkar hian hmalak zel a tum? tih ka zawt e.

S P E A K E R : Minister in-charge chhang turin kan ko ang a, kan zawhna te hi a relevant vak lote pawh a awm a, mahse Deptt. hnuai a mi a ni a, lo chhang thei anih chuan a tha ah kan ngai ang a, a lo in buatsaih lemlo anih pawhin in thiam loh vah kan ngai chuang lo a ni ang chu.

Pu LALHMINGTHANGA : Pu Speaker, zawhbelhna hmasa
DY.CHIEF MINISTER ber, question neitu North I bialtu zahawm takin a ahan sawi supplementary question kha, hemi software hi a hma a information ka hmuh danah a ma hmuh ang tho hian information ka hmu a, Software leinan nuai thum leh sangruk hman a ni a, Amaherawhchu, a software a hi Office-ah a awm lo ani tih ka dawng ve thova. Tichuan, ka ko ta a, Superintendent Officer, Geology and Mining bik changtu leh Geologist pakhat an lo kal a, hemi software hi rawn keng ngei ang che u ka ti a. Tahchuan specialist te kan ni ve lem lova, an rawn keng a, ka Office-ah, unit hnih a ni a. Tichuan, eng ang chenin nge a chung-ah thil a awm tih, computer thiam mite tan lo chuan kei chuan ka zu hrethiam lova. A Unit pakhatna hi 'Special analysis system, analysing special data, comprising the bottle of explorer, photopraper, prospector and pioner' tih a ni a. Tahchuan, Instruction bu engemaw zat pecked tel ani bawk a. Tichuan, hemi man hi nuai khat leh singruk leh sangthum a ni a. Tin, a Unit pahnihna hi 'cartographer electronic soft ware for use in special information system' a ti a. Tahchuan, a man hi nuai khat leh singli leh sangthum a ni a, a pahnih a belkhawm hianin hetia zawttuin a zawh ang ngei hianin, Rs 30,6000 a nita ani. Tichuan, hemi soft ware hianin Recording Key a kengtel nghal a, chu pawh chu ka Office-ah min entir a. " Hei, intihderna a awm lomaw ? Kei chu lay-man Politician ka ni a, mahse pawnlama a than dan hi chuan he Soft ware hi a awmlo tih a ni a", ka ti a. Tichuan, Officer lokalte khan, 'a dik chiah a ni, Ka pu, kan tihder lo chø' an ti a. Kha kha chu thudik turah ka ngai a. Hemi a Unit pakhatna leh pahnihna hian instruction bu kha lian pui pui Research Institute Ottawa, Canada, TYDAC in a an siam a kengtel nghe nghe a. Kei chuan han thlek ngial mahila, a instruction kha ka hrethiam ve em em chuang lova. Chuvang chuan thudikah ka ngai a, Software chu a dik turah ka ngai a ni.

....211/-

Tin, Computer-ah hian Hardware an tih chin hi chu amah a khawl leh hengho hi a ni ta a. A soft ware chu Bill Gate-a ten an hausak phah a, thluak bawm lai kha a ni a. Khami thluak bawm disc khat kha chu layman pawhin a hriat ve theih deuhvin ka hria a. Kan en khan chuti ang tumah chuan ka ngai a ni. Amaherawhchu, expert ka ni lem lova, intihderna a awm anih chuan chung chu thudang ani tawh ang a.

Tin, adang leh ah chuan 'drilling rig kawtah a ding reng e' an tih hi ka beng a thleng fova. Tukhat chu ka zuk en teh ang ka ti a, tumah hruai lovin ka zuk kal a, Office Garage kawtah khuan drilling rig pakhat chu a ding ngei a. Amaherawhchu, hman ngai vak loh ani tih kha a Chiang viau a. Tin, a dang ka hmuh leh chu ZRG Truck pakhat, accident tawh niawm a ni. A engine lamah nasa takin hliam a tuar a, rei tak ding tawh a ni a, a chungah Sintex Tuizem hi a in hung a, a rei tawh hmel viau lehngal a, chutiang chuan ka zuk hmu ani.

Tin, Member zahawm tak pakhatin Bill chi hrang hrang a dik lo a siam a tih angte kha, a awm anih chuan House-ah hian Assurance ka pe duh a, Sorkar-in a zawng ang a, a tul dan angin action pawh a la ang. Chu chu House pumpui hian min hriatpui sela ka duh ani. Khatiing thil diklo kha a awm tur a ni lo. Kan lo en ang.

Tin, Progress Report chungchang-ah hian thlir dan hrang hrang a awm theiin ka ring a. Mimal malin field atanga an thehluh leh thehluh loh kha chu Chiang takin an Office-ah ka cheek hran lova. Amaherawhchu, tunah hian progress anga kan ngaih chhoh awm ve chu - Hei kan ramah hian sawmi Muthi thlang Tuirial lam depah te, tin Seling ram hmun hrang hrangah te, tin N.Vanlaiphai Leilet bul chho ramah te, tin Chawngte kawng Lungrang leh Rualleng ramah te sawn, Lime-stone chi hrang hrang a eng deuh chi te, a dum deuh chi te, Geology & Mining hote hian an locate hlawm a. Chung chu building material leh internal decoration-ah te floor lamah te a that leh that loh an test hlawm a. Tichuan, an cut hnuah polishing te an ti a, chung ang ho chu field lama an hrih te chu ani. Hei a sample ka rawn keng kim lova, he a sample hmanhmawh taka ka rawn ken mai hi Muthi rama Lime-stone an hmuhchhuah chu ani. Tichuan hengho hi Geology & Mining expert hote hmuhchhuah chu a ni a, an classify dan chuan heng granite black granite heng kan Gate-a kan bel angte hi chuan strength a ni lo na a, a chhah erawh chuan strength tha tak chu a nei ve a ni. Hei hi Industries a tan leh Mizoram pawhin production atana neih ve theihah an ngai a ni. Tunah hian kan Sorkar hma a, North Eastern Council Meeting Aizawl-a a awmte khan an lo sawi tawh a, fund pawh dah a lo ni tawh a ni. Hemi dungzui hian Zemabawk-ah sawn cutting Machine Industries pawh set-up tum mek ani.

Tin, heng a raw-material hmun hrang hranga awm ho a kha enganga lakkhawm a, eng ang a vawn zui tur nge ni ang tih pawh ngaihtuah a ni tawh ani. Chuvangin, Field lamah engmah ti lo der anga han in sawi pawh kha a ni ber lova. Tin, tunhnaiiah khan Bangalore Exhibition-ah te pawh an zuk participate ve a, chungah pawh a ngaisangtute leh a duhawmtute pawh an referential leh an address te pawh lak an ni. Chutiang chuan Geology & Mining atang hian hna lak mek a ni.

Tin, thil thenkhat, thil hku i tawh han sawilang lawk ila, North I hi ka bial ve avangin 17.12.1993 khan hemi tak hi chu keimahin Delhi-a ka cut tir a ni a, Muthi pa in lung pakhat min pe a, plan discussion a kan kalin hemi chungchangah hian Budget-ah kan sawi dawn a, chumi tum a ka ken, keima cut tir ngei a ni. Amaherawhchu, a kalchho mumal ta lova. Keipawh kha April 28, khan Office ka chhuahsan leh tak mai avangin chhunzawmna mumal lutuk a awm lova. Tunah thia 3 emaw kan han Sorkar ve leh ta a, 'Hei hi uluk deuh hlekin i bei chho ang u hmiang', kan ti a. Hmalak mek a ni a. Chuvangin, thil tilo lutuk deuh va han sawi kha chu a famkim lo deuh a ni. Kan tih tur tih mai remchang rih lote pawh kan Officer-te pawh in an nei ang tih pawh a rinawm a ni.

Tichuan, kan sawilan duh ber a chu khang Geology Report chungchang thu te leh pawisa chungchang thu kha thil serious em em a ni a. Khalai kha chu Chiang takin kan en ang a he House-ah hian tun Session chhunga a theih loh pawhin, Member te hnenah kan rawn hriattir dawn nia.

Member zahawm tak Pu R. Lalzirliana khan action lak a rawn tiam thei mai lawm ni ? a tih kha chu, ka chhang nghal vekah ka ngai. Tin, Member zahawm tak Pu K. Thangzualla, Serchhip bialtu in a rawn sawi kha, Oil exploration chungchangah khan a oil hrim hrim a mai hi Central Subject anih avangin ONGC hna ber a ni a. Keini State Mining hi chuan kan va khawih ve thiang lova, mineral mineral a classified chin hi kei ni khawih ve theih chin a ni mai a. Chuvang chuan helai-ah hian kan zu kal thuk lutuk lova. A Licence chungchangah hian a tul angin kan lo thlir ang a, hman ni khan kan Geologists ho te chuan min ti ti puina an nei zawk a. Tin, hemi licence chungchang thu pawh hi a Xerox copy min hmuh a, mahse ka kawlta lem lova, Chiang zawkin ka lo en ang e.

Tin, Vapar-ah hian Gas hi an strike niin kan ngai a. A bak ONGC investigation reng reng hi secret anih thin avangin, Official-in engmah keini lam hi min hriattir lova. Amaherawhchu, Electric Generation chungchang thuah hian influence kan neih deuh hlek avangin, khumi Vairengte atanga hla vaklo Bagha chhak si-ah khuan, Natural Gas hi an strike niin kan hria a. Chuti laite pawh chu tunah hian correspondence kan nei a. An chhanna kan la hmu chiah lo a ni.

....213/-

Tin, Pu Zakhu Hlychho, Saiha bialtu zahawm tak sawi Lungzarhtum-ah te, Bualpui-ah te, Lunghlu hmanah khan an hmu niin sawi a ni a, Geological & Mining hian an va verified ni tur a ni a, chumi result chu enge ni ? a tih kha, Official-in ka la zawt miah lo mai a, chuangin Official Information han pe tur chuan information tunah ka nei rih lo a ni. Amaherawhchu, Official ni lova, pawnlama thu leng vel hi chu ka hre ve nial nual a. Mahse, helai House-a in hrih tur chi-ah ka ngai lova. Kan zawt Chiang ang a, a chhanna chu Member-te hnenah kanrawn sem leh dawn nia.

Tin, Member zahawm tak Hnah-thial Bialtu Pu Thangzuala'n 'Thingfal bulah Chinai an hmu a, a kawngte pawh laih tawh a ni e', tih lai kha - Chinai hi kan ramah hian a awm ani, Chinailung kan tih ho a hi. Amaherawhchu, Chinai kan tih hian a percent a thu a ni a, a lime deposit kan ti dawn nge ni, a Technical term-in kan sawi ve thiam lova. Kan ramah hian Chinailung chu a tam mai, Entirnan hengte pawh hi sand lime stone a ni tho va, a Chinai contain a hi a awm tho va. Tin, heta a var neuh neuh hi ocean sand emaw, tunhma a lo inphum tawh a kha ani ta mai a. Amaherawhchu, tun thleng hi chuanin Mizoram chhunga Chinailung Geology & Mining tena an pek tawh te leh, pawn lama an pek tawh reng renga hi Cement Factory han siamna atan emaw a rinrawl atan chuanin a percentage hi standard a la tlinglo reng renga. A Chinai content a hi 45% aia a san tal loh chuan thildanga hman a harsa ta thin a. Chuvaing chuan kan Pangpar Lungpui kan tih zawng zawngte pawh hi a nihna takah hi chhian Chinai ani, a chhungah hian Chinai engemaw zat a awm a, a Pangpar lai tak a te pawh hi Chinai in a a siam a ni tho mai. Amaherawhchu, hengho hi a lime content a kha 15% te, 20% te, 25% leh 30% tih angte a ni a. 40% han thlenga hi kan ramah chuan la hmuh chiah a ni lova, chuangin Thingsai bula kan tih angte pawh hi han explore tak taka Industry-te pawh dinna atan Cement Factory han siamna atan emaw te hi chuan tun thleng chuanin a la pawm hleih theih loh an ni hlawn. Chu chu information kan hmuh dan a ni e.

Er. K. THANGZUALLA : Pu Speaker, zawhbelhna pahnih, pathum kan zawt ang a. Kan Dy.Chief Minister zahawm tak ine a lo enzui tur zinga a tel theih chuanin. Hei underground water investigation-ah hianin 1998-99 ah hian Rs 18,00,000/- kan nei a. Amaherawhchu a drilling rig (machine) kha a hman tlak loh avangin hna thawh tak tak engmah a awm lo tih report a ni a. Hengte hi min lo enzui sak tur zingah khan a tel thei ang em ? tih kan zawt a.

....214/-

Tin, Geo-Technical Investigation ah khanin '98-'99 ah nuai ruk leh point 5 an nei bawk a. Hemi hnuaiah hianin Land-slide Investigation te, Slope stability te, Hydro-Geology te, kang kha a huam a; South Hlimen Quarry Investigation an tih loh chu tih vak dang awmin a lang lova, heta nuai 6.5 te pawh hi lo enfel tur zingah khan a tel thei ang em ? tih kan zawt a.

Tin, khami Geology & Mining hnuaiah khanin Officer lekhathiam tak tak, Doctorate Degree nei te pawh an tam a, amaherawhchu hnathawh an chalk em em a, Zoram tan, thil thawh tur an ngah hle in an in hria a. Mahse hnathawh harsa an ti em em mai a, enge a chhan ? Enge an harsatna leh an mu tan ? khu khu min chhui-sak theih chuan, kan zawtbelh ani.

Dr. LALZAMA : Pu Speaker, a changtu Minister zahawm takin a a chhannaah khan han zawhbelh leh lawk kan duh chu - Software chungchang kha, Computer Engineer (expert) te pawn a endik theih lawm ni ? Endik nita sela. Tin, chulovah nichina kan sawi cheng nuai 9 tunkar chhunga Bill han siamchho zawt zawt mai a kha eng-tiziange ni ? kha kha endik nita bawk sela. Tin, Plan Fund hmang zo vek si a, Progress Report pawh awm lo 'NIL' tih ringawt mai kha a chhan enfiah ni bawk sela. Chu chu a tih theih lawm ni tih chu kan zawt ani.

Pu SANGHMINGTHANGA H.PAUTU: Pu Speaker, a relevant chiaah lo na a, mahse, kan Minister zahawm tak khan Mining lam kha an sawi tel deuh zawk bawk a, remchanga han leiin a rawn chhang ve thei mai em aw ? kan ti a. Hei Khawbung bial chhunga Buang, Khaw-dai, Hmarthlang K.M. thum velay khian Lungalhthei Deposit a awm ani a, khimi khi Geology & Mining lamte hian enna an nei tawh em ? Nei tawh nise, enge a Potential ?

S P E A K E R : Minister in chhangse, i duh-tawk ang.

Pu LALHMINGTHANGA : Pu Speaker, Member zahawm tak,
DY. CHIEF MINISTER : Serchhip bialtuina 1998-'99 a
underground water zawna atana
Rs 18 lakhs leh Geo-technical
survey khami atana Rs 6.5 lakhs awm a rawn sawi te, Member
zahawm tak Aizawl 'N'-I bialtuina a rawn sawi, Computer
Expert ten hei hi en theih ani lawm ni ? a tih kha.
Expert-in en ngei se ka ti khawp mai a, kei chuan ka en
tawh a, Expert ka ni lova, ka tih kha. A dik leh dik loh
ka hre lova, min hrilh danah khan ka inngat mai lo thei
lova. Kha kha chu Computer Expert pawh entir ila, tha ka
ti. Thil diklo ho hi chu tun Sorkar hian kan lai-chhuak
ngam vek tur a ni a. Chu chu kan lo ti ang a.

Tin, Rs 9 lakhs tunhnaiah hman
sawt sawt han tih kha kan lo en bawk ang. Tichuan, a Result
zawng zawng hi engmah zep awm lovin, Assurance ka pek tak
ang kha hemi House-ah hian kan theh lut hman kher lo ang a,
Member-te Information atan kan rawn circulate dawn nia.

Serchhip bialtu zahawm takin a
a rawn zawh, hei mithiam tak tak hetah hian an awm a, hna-
thawh hi harsa an ti a, thawh an chak a, engnge ni a mu
tan ? tih laiah, tupawh kan zawng mek a ni hei hi, a hrang
hrang hi kan interview a, khawi laiah nge a mu tan, eng ber
hi nge ni tih zawngchhuah ka duh a. Chu chu kan tih tum mek
a ni a, hnathawk thei a siam hi kan tum a ni. Tin, Kawnpui
bialtu zahawm takin a rawn zawh, Khawbung bulah Lungalhthei
a awm tiha kha, tunah hianin Buang bulah maw ? kha kha
en mek a ni a.

Mizoram hmun hrang hrangah
hianin Lungalhthei hi an hmu zauh zauh a ni. Amaherawhchu,
a deposit a tam lam te, leh khatiang angte kha establish
anih phawt loh hi chuanin, a export tura hma lak ngawt
theih a ni lova. Tunah hi chuanin Buang bul a mi pawh
hi Geology & Mining Deptt. hian an enfiash mek a ni a.

S P E A K E R : Minister in-charge tena assu-
rance an rawn pe ngam kha a
lawmawm hle a, assurance commi-
ttee pawhin Beng in lo chhi
zui zel dawn nia. Tunah Starred Question No.59-na. A
zawt turin Pu R.Lalzirliana lo sawm ang.

Pu R. LALZIRLIANA : Pu Speaker, ka Starred Question No. 59-na -
(a) LPG Cylinder pakhat manah hian LPG man sale tax.commission etc. a break up engzatnge ni theuh le ?
(b) Danin a phut angin Mizoramah hian LPG Distributor te hian an consumer te inah Cylinder hi an dah em ?
(c) Tun maiah hei hi an ti thei lo anih pawhin consumer te tana awlsam zawk nan Area Demarcation anga a Area bik nei a mahni hmun ni mai lova, consumer te hmun remchang chang a LPG Cylinder semtir hi Sorkar hian a ti thei ang em ? tih Hon'ble Minister i/c Food & Civil Supplies Deptt. ka zawt e.

Pu AICHHINGA MINISTER : Pu Speaker, Saitual bialtu zahawm takin zawhna a rawn siam, LPG Cylinder pakhat hian LPG man, Sale Tax Commission, etc. a break up engzatnge ni theuh le, tih kha, hetiang hi a chhanna a ni -
Billing price - 133.32
Bank Commission - 0.40
Loading of empty Cylinder - 0.50
M.S.T. - 14.40
Profit margin - 9.91
Selling price - 158.53
(b)-na. Danin a phut angin Mizoramah hian LPG Distributor te hian an Consumer te In-ah Cylinder hi an dah em ? tih hi. Vawiin ni thlengin dah rih lo, tih ani.
(c)-na. Tun maiah hei hi an ti thei lo anih pawhin Consumer te tana awlsam zawk nan Area Demarcation ang a area bik nei a mahni hmun ni mai lova, consumer te hmun remchang chang a LPG Cylinder semtir hi Sorkar hian a ti thei ang em, tih chhanna chu -
Area Demarcation siamfel vek tawh a ni a, consumer te hmun remchang a LPG Cylinder semtir anih theih nan Sorkar-in hma a la mek a ni, tih hi kan chhanna a ni e.

S P E A K E R : Starred Question No.60-naah kal leh ila. A zawt turin Pu Zakhu Hlychho i lo ko ang.

Pu ZAKHU HLYCHHO : Pu Speaker, zawhna No.60-na
Minister i/c Forest & Envi-
ronment Deptt. chhan atan -
kih leh hralh khapna order a siam em ?
(a) Supreme Court-in Thing
Mizoram-a Thing zaitute hi eng permit-in nge an zai ?
(b) Khapna order hi siam tase,

S P E A K E R : Minister in-charge Pu Rual-
chhina i sawm ang.

Pu RUALCHHINA : Pu Speaker, zawhna No.60-na
MINISTER chhanna -
(a) Siam e.
(b) Supreme Court-in khapna
order a tihchhuah atang khan Forest Deptt. in tu hnenah
mah permit a la pe chhuak lo. Chuvangin, Mizofama Thing
zaitute hian permit tumahin an nei lo.

Pu R.LALZIRLIANA : Pu Speaker, zawhbelhna -
Supreme Court order avangin
kan buai chhia chu a ni ta
mai a, keini ram chu, ramdang
te pawh an ni a. Hetianga an order hi kan zah tak tak anih
si chuan Forest Deptt. hian ramhnuaiah hian Check Gate
vela lo man mai lo hian ramhnuaiah kalin Thing an kit tur
te hi kan dang thei zawk lawm ni ? Check gate-a an lo
mante hi kan dah chhe mai dawn emaw a ni si a. Zai-thar
a ni tih hriat hluah hluah vek a ni bawk si a. Excise
Deptt. ten zu an zawng a, ramhnuaiah an bilhna te an tih
chhiat sak a, a hmanruate an laksak ang hian tih law law
a theih lawm ni ?

Pahnihna-ah chuan Sorkar hian
Teak hralhna permit an pe a, a lawmawm viau a. Amaherawhchu,
chutihlai chuan Bairabi rail station ah khuan in zuk kal
chuan mimal Teak ni lo, kum 20/30 atanga lo phun tawh,
wawiin a kih tih hriat reng reng hi tam tak mai rail phur
engemaw zat a awm tawh a ni. Chu chu Forest Deptt. hian
nangmahni Deptt. Thing kha hralhna tur order in Deptt.
hnathawktute hnenah hian in siam ta em ni ?

Pu ZAKHU HLYCHHO : Pu Speaker, zawhbelhna. Supreme Court-in hetiang a Order a siam hnu pawh hian Thingzai hi la hralh reng a ni a. Kan hnung deuh khan Aizawl-ah hian Thingzai hralh-tute an strike a ni tih kan hriat khan theih ang tawkin tu tu te emaw zawtin verification te ka lo ti ve nua a. Hetia Supreme Court-in a khap hnu hian a Deptt. lam hian tan an la leh sauh zawk niin a lang a. Report kan dawn dan chuan Forest R.O. leh Forester ten an Thingzai seize kha an rawn escort leh tawh zawk a. Tichuan, Pu Speaker trip khatah hian Rs 5,000/- te an la zel a. Tin, khatia anmahni in an rawn escort kha chuan gate-ah khan an forester te leh an thawhpui te chuan an lo clear ve leh mai a. Khami Forest Check Gate atan khan Rs 3,000/- a ngai ve leh a, tichuan trip khatah hian Rs.8,000/- te sen a lo ngai ta niin an sawi a ni. Hei hi kan Minister hian a hria em ?

Tin, chulo zawhna dang ka han siam leh duh chu hetia Supreme Court-in khapna a rawn siam hnu hian Teak permit in thing dang an zai leh si a ni tih hi kan Minister hian a hria em ? Teak permit neiin Teak kha zai si lovin thingdang an zai leh si a, tih hi Sorkar hian a hria em ?

Tin, pathumna a ka zawh duh leh chu, hei kumin hi ram a kang nasa em em mai a. Hmun tinah han kal ila, ram kang hmuh tur a awm a, heng Aizawl velah te phei chuan zantin ram kang hmuh tur a awm a. Kangthelh Motor tlan vut vut hi kan hre reng a, hetia Thing hralh tur an kit a, an zai ai hian ram kang hian kan Environment hi a ti chhe nasa zawkin ka hria a. Chuvangin, helam ah hian kan Minister hian eng ang chiahin nge tan a lak ? T.V.-a a interview kha ka lo en ve reng a, tan a la viau dawna ka hriat lain tunlai hian ramkang hi a zual sauh sauh mai si a, T.V.-a interview chin chiah kha a duh-tawh mai em ni ? engatinge vawiin ni a heti em em a kan ram kan tih kan, tunhma in hetiang em em hian ram a kang ngai lovin ka hria a, eng ang chiahin nge ram kangah hian hma a lak tih pawh ka rawn zawhbelh duh ani.

Pu C.LALRINSANGA : Pu Speaker, ka lawm e. Hei tuna kan question nen khan a in relate lutuk lovin ka hria a, amaherawhchu bial chhunga kan harsatna hi rawn tarlan ve hrim hrim thain ka hria a. Hei ka bial chhung Pangzawl bulah khian sanctuary forest deptt. hian an nei a, Khawnglung Sanctuary tih a ni a, khimi a sanctuary lawng lawng a khi chu pawh hawi em em pawh niin alang lova. Amaherawhchu, khimi a Sanctuary

khi Tuichang Lui-in a dai danga, khami piah a ral leh lamah khan Tlangpan ram an ti a, chu chu a khaw mipui ten Lo neih nan an bawh ber a ni a, hei tun kumah pawh Supreme Court in a, he ram a hunhalh na avangin Loneitu te tana harsatna lian tak kan nei nghe nghe a. Tichuan, helai Tlangpan ram mipuiin a kan bawh ber mai Sanctuary atana zauh belh ani hi mipui harsatna lian tak nakin hun kal zel tur pawh a thleng thei a ni a, hei hi engtinngge ni mipui harsatna hi min sutkian sak dan a awm em tih lai a kha kan zawt ve ani e.

Pu K.T.ROKHAW : Pu Speaker, kan Sorkar-in a Thingzai a man tawh te hi cubic khat engzatin nge a hralh leh dawn ? tih ka zawt duh a. Chumi rual rual chuan hei Mizoramah Thingzai a eizawngtu chungkua tam tak an awm a, an thingte man sak ani ta a. Hemi an Thing an man sak te hi hralh leh anih pawhin, a neitu te hnenah hralh leh ni tase, tin, man tlawm zawk a hralh dan a awm lawm ni ? tih kan zawt-belh e.

Pu RUALCHHINA MINISTER : Pu Speaker, Saitual bialtu zawhna a zawhbelhna kha - Ramhnuai a kan hma a ven vat theih ani lawm ni ? tih kha chu ven tum reng a ni a, mahse ruk ruk nak nak a hi chu a rukin a kal ve leh thin niin a lang a. Tin, Deptt.-in thawktute hnenah hian hralh phalna a pe ta zawk em ni ? tihah kha chuanin Deptt. hian emaw, Sorkar-in emaw thawktute hnenah hralh phalna a pe ngai lova, engemaw ti a tiru an awm anih chuan thudang ani.

Saiha bialtu zahawm takin a zawh a kha trip khatah Rs.5,000/- te leh Rs.3,000/- te an lo pe a, chutiang chuan an phur mai thin anga a rawn sawi kha chu Sorkar-in hriatna engmah a nei lo. Chutiingin, ti turin tumah a ti ngai lo. Tin, Teak permit hmanga adang an cut hlahh thin tih pawh kha permit hmang sualte dinhmun ani ang a, chung chu mahchhuah an nih chuan Dan anga hrem theih anni ve thung anga, man an nih loh chuan a ruka thil ti anni tih a tilang a. Hemi Teak permit-a Thing dang lak hi phal a nilo reng reng a, strick taka zawn anni.

Tin, ramkang chungchang thu kha kan uar ang reng viau a, amaherawhchu, sum leh pai harsatna avang zawkin a prevention leh ramkang thelhna ang kha hmalak a har hle a. T.V.-ah te, Doordarshan-ah te leh Radio-ah te chuan theih tawpin tan kan la a, thu

te pawh kan thehdarh a. Tin, Division chhungah tepawh Committee te siamin tlawnggai pawlte nen V/C te nen Committee te pawhin din a ni a, ramkang tur veng tur a tih an ni a. Tin, khua a mite pawh lo an vat anih pawhin meikawng tha taka sial a, ram tikang lo tura zirtinna kan nei in tan kan la a. Hemi T.V emaw, Radio emaw a tan kan lakna ringawt ni lovin.

Pu ZAKHU HLYCHHO : Pu Speaker, anih leh heti em em a ramkang hi khawilai emaw talah a tikangtute hremna a awm em ? manchhuahna an awm em ?

Pu RUALCHHINA MINISTER : Pu Speaker, hei hi manchhuah a har khawp a, manchhuah theih nise, keini pawhin kan duh em em ani. Ram tikangtute hi man an har khawp a. A then in ram kal engemaw mai thlahdah, mei bung paih atanga kang a ni ang tih te an ring bawka a. Tin, Bawng nei ten Bawng chaw atan tiin an hal ru a ni ang tih te, ngaihdan a awm bawka a. Amaherawhchu, a eng a pawh nise, rinloh lam atanga kangmei lo chhuakah khan a haltu hriatchhuah ani lova, man pawh tun thlengin kan la neilo. ani. Hei hi a har khawp mai.

Champhai lama kan zin lai pawhin ram a kang a, kan R.O.-te leh engemaw te pheih chu kan han kal lai pawhin kangthelh te a lo kalbo te pawh an awm tih kan hria a. Chutiang chuan theihtawp kan chhuah a, mahso ram palaileng leh ramzau tak tak Motor-a tlan zung zung theihna te anih lemloh avang hian ramkang hi chu Forest Deptt. hna-thawktu te mai atang chuan ven chu a har khawp mai. Tin, mipui vantlang tangrual a Committee te pawh siama a Division Headquarter-ah tepawh siama chutianga tih anih chung pawh chuanin ram a kang tho tho thin. A vang pakhat nia lang chu, Ram hi a ro em em a, tin, kumin ang khawken kumah hi chuan mei pawh a kal zual bik a, kangmei tuar thenkhat Kolasib-a kan zuk hmuh te pawh thli a rawn tleh a, chu chuan ramnuai kha a rawn phur a, dan rual loh khan mei kha a rawn kal a. Tin, Sava-bu alh sa leh nungsa kha a chhem leng a, hmundang a ti alh leh thin nite pawh khan kan hria a. Chutiang chuan In pakhat pawh a kangral der mai nghe nghe a ni. Chutiang chuan kumina mei awmdan hi a danglam bik hle niawm te pawhin kan hre nghe nghe a. Fimkhur loh vang nge ni, eng vang nge ni ? khawthal vang hrim hrim nge ni tih tepawh kha zuk hriatthiam a har khawp mai.

Tin, Vanva South Bialtu in-a Khawnglung Sanctuary chungchang a rawn zawh kha - Khatianga a belhchhahna tur emaw engnge maw a awm pawh ka hre lova, he Sanctuary hi Square Kms 41 a zau a ni a. Hei hi notify tawh a ni a, chumi baka extension a awm kha ka hre lova. Chuvang chuanin harsatna leh engemaw dang a khua a mite tana han siambelhna awm khan kan hre lem lo ani.

Tin, Tuipang Bialtu in-a Thingzai man sa rate chu enge ni ? a tih kha chu, engemaw tiin, ni e, a figure a kha chu a har duh khawp mai. A class a zir te, a hmun a zir te khan zuk tham fak fak tur kha a har ang reng khawp mai a. Rs 140/- a ni a, Aizawl-ah chuan, Thingtlangah a hrang leh ang a. Tin, kha pawh kha a thing class a zir khan a hrang leh bawk ang a. Chu chu tuna kan dinhmun deuh hlek a ni a.

Tin, man tawh sa te hi engtia tih tur nge ni ang ? Man tlawm zawk a hralh dan te a awm em ? tih thu hi kan ngaihtuah nasa hle a. Association ang a insiam te leh, a thingzai man sak te nen pawh a huhovin tumah inthlim lovin, in hrethiam in kan han beiho thin a. Amaherawhchu, a harsa ang reng khawp mai a. Supreme Court-in order an siam wang ani

S P E A K E R : Question Hour a tawp a, kam hnih khat kan khaikhawm ang e. Awle, kan Question Hour a tawp e. Hei kumin hi khua a kheng a, ram a kang nasa a, a pawh khawp mai a. Hei hi kan Forest Minister leh LAD te pawh hian tan an la hle na a, a aia nasa hian han la leh se chu kan ram chhanna tha tak anih ka ring. Awle, zawhna hun a tawp a, Budget hun lamah kan kal ang a, supplementary demands for 1998-1999 hi a vaiin vawikhatin kan Chief Minister, Finance changtu in han move teh se.

Pu ZORAMTHANGA CHIEF MINISTER : Pu Speaker, Mizoram Governor recomend-na leh, i phalna in 'Supplementary Grant Demand 1998 leh 1999' chhung a mi, pawisa hman leh, a vaiin vaibelchhe zahnih sawmnga paruk, nuai sawmruk leh pariat, singkhat leh sangnga, hemi hi he House-ah hian ka rawn move a, Pu Speaker, a detail hi a tam khawp a, ka chhiar chhuak vek ang em ?

S P E A K E R : A hlawm a move kha a tawk main ka hria.

Pu ZORAMTHANGA CHIEF MINISTER : Ahlawm a ka move hi kan House hian a duhtawk mai em ? A bu-ah khan kan nei vek bawk a, 50 page a ni a, hun a duh rei ang reng viau a, kan sawihona te a tih tlem takin, a hlawm hian a total hi ka rawn move ni mai sela.

*Speech not corrected.

S P E A K E R : Tikhan an han ti ta a, a copy kan nei theuh va. Tunah hian a rawn move ta a, sawi duh nei in kan sawi ang a. Chumi hnuah Minister i/c Finance khan an wind up leh ang a, chutiang zawng chuan i kal zawk teh ang u.

Pu ZORAMTHANGA CHIEF MINISTER : Pu Speaker, a tlangpui han sawi dawn pawh khan heta mi ringawt pawh hi 54 a ni a. Han sawi den den pawh khan hun a duh rei khawp mai a. Chuvangin, a hlawmpui a ka rawn move kha kan Member zahawm tak te hian an sawi duh sawi sela. Tin, Supplementary Demand for grant kan rawn tihah khan a hriihfiahna chu a tawpah khan kan dah vek bawk a. Khami kha repeat leh emaw ani mai ang a, ziak chu sem vek ani tho va. Chuvangin, hetianga sawi hi kan ti ngai vak lova, House-ah hian an duh pheih chuan a sawi theih a kha kha i duh tawk ang.

S P E A K E R : Tunah Supplementary Demand kha Minister-in a han move a, sawi duh nei kan awm em ? Pu Nirupam sawi rawh.

Pu NIRUPAM CHAKMA : Pu Speaker, supplementary Demand hi heta a landanah chuan Bill a tam ber a, Sorkar hnathawkte hlawh total-ah chuan crore 10 nuai 57 singhnih sangruk a ni a. Tin, hei hi kan demand ah pass a ngai kher em ni ? Central Sponsory Scheme, India Sorkar-in a pek tur, keini state sorkar-in kan contribution ringawt kha Minister zahawm takin sawichiang sela

nakinah CSS ringawt pawh hi 70 lakhs 30 thousand a ni a. Ka hriatthiam loh chu Central Sponsory Scheme, Central Sorkar-in a Central Sponsory Scheme Mizoram Sorkar a pek tur kha keini in a House-a pass a ngai khèr em ni ? tih ka zawhna nisela.

Tin, a requirement thenkhat hi, hei hi Budget estimate-ah puan theih niin ka hria a. Hetia demand hrang hrang kan en chuan rural budget siam lai kha hotuten ngun takin an ngaihtuah lovin ka hria a. A tam ber chu budget siam lai hian a khung theih a ni, chuvang chuan budget siam hian fimkher takin ti sela, nakinah R.E. State-ah dil ngai lovin thlen thei niin ka hria a. A chhan chu entirnan Supplementary Demand hi Additional requirement a ni a, entirnan ecupment office atan lei tur chungchang hi at the time of budget preparation. I think the deptts. should think about their requirement. But, this year, what will be our requirement in the midst of the financial year ? Kha kha a tam ber chuan an siam thiam ang a. Tin, public that loan interest hi a tam viau, khami kha chu budget siam lai khan a tihfel theih loh em ni ? We cannot refuse the State because it was expenditure of all the bills incurred. So, what I request the Hon'ble Finance Minister and Chief Minister at the time of preparation of the Budget is to see to the entire requirement of the Deptt. concerned. It should be reflected so that we may have no more deficit. Thank you.

*Speech not corrected.

PU ZAKHU HLYCHHO

: Pu Speaker, a te neuh neuh hi chu zawt lo ila. A lian tham deuh hi chu kan Finance Minister rawh hrilhfiah atan

kan zawt duh a.

Hei, BADP-ah hian additional requirement hi Rs 849.38 lakhs lai page-na-ah khan a awm a. Demand No.45-ah khan, BADP hi Central atanga kan hmuh ni maiin ka hria a. Engah nge heti em em a sang hi R.E.-ah a lo lan tak, State Matching Share tur em ni hei hi tih ka rawn zawt duh a.

Tin, Chutiingin Demand No.46-ah khan additional fund of Rs 1482.71 lakhs hi Tourist Lodge, Tourism-ah hian a ngai niawm tak a ni a. Hei hi a va sang ve ? Kan Budget pumpui aipawhin a sang daih mai a. Demand No.53-ah khan MAMCO-ah khan Rs 230 lakhs kha additional fund requirement a ngai a, hei hi kuminah hian Sawhthing hi MAMCO hian a lei bawk ni lova, engnge ni Rs 230 lakhs ngai ta hi, ?

Tin, chulovah chuan, hei, P.W.D.-ah hian Rs 2524.58 lakhs kha additional fund pek-belh niin a lang a, a va sang em em ve ?

PU ZAKHU HLYCHHO : Pu Speaker, a va sang em em ve, hei hi engnge ni a chhan ? Heti em em a Department then-khatte nuai 20,40,50 lek lek an nih laia P.W.D-a nuai 2524.58 lo lang ta hi tih kha a rawn hrilhfiah atan ka han zawt a ni.

Er.K.THANGZUALLA : Pu Speaker, tlem han sawi ve ka duh a. Hei Demand 2 phek 3-naah hian Raj Bhavan repair nan hian nuai khat a lo lang a. Raj Bhavan hi P.W.D enkawl niin a lang a. Anni lamin a repair nana nuai 1 an lo seng ve hi engnge a kalhmang aw ka ti a. Tin, Demand No.16, Civil Supplies phek 25-naah crore 24 zet mai additional an han ti ta hi, a hisap a hi a sual hrim hrim nge ni a, engnge ni a chhan. A hnuai Explanatory notes hi a Chiang vak si lova, a hrilhfiah theitute kan zingah awm tawh lo mahsela, engnge maw han hriat theih awm a awm em ? tih te.

Tin, Medical, Demand No.26-ah hian phek 50-naah hian Lakhs 103.21 hman a ni a Machineries and Equipment-ah. A hnuai Explanatory notes-ah hian hemi hman hi engmah a chhan engmah sawina a awm lem lova, a hrilhfiahna tak. Hengte zozai an duh belh ta hi engnge a chhan ni ang aw tih te a ngaihtuah theih a. Hei Damdawi In hian equipment hi an nei chhe em em mai a. Serchhipah khian December thlain Police Custody-ah mipakhat Zu avanga an man a awm a, Police Custody-a a awm lai khan a boral a, Tichuan, a chhungte a thih thu an hrilh chuan Damdawi Inah a ruang chu a awm tawh a, Damdawi In Post Mortem min tihsak rawh u, engnge a chhan kan hre duh e an ti a. Mahse, Doctor-in equipment kan nei lova, in duh chuan Aizawl-ah kan refer ang che an ti a. Mahse, mitthi chhungte khan sum an neih loh avangin kalna kan nei lo an ti a. Post mortem lohvin an phum ta ringawt mai a. An chhungte rilru a dam theilo khawp mai a. Hotu lian zawk hnenah pawh lehkha an thehlut niin ka hria a. Chuti khawp chuan Equipment, Damdawi In ho hian an nei chhe si a, hetí zat duh belh a lo lang leh ta pawh hi hriatthiam a har deuh hlek a.

Demand No.39, Soil & Water Conservation, phek 76-naah hian crore 5 lai mai an han duh belh a. Hei hi MAT VALLEY PROJECT an ti a, Mat Valley Project-ah hian hetiang ang crore 5 hmanna awm project pawisa kallai hian sawi leh hmuh tur awm a awm mang bawk si lova, engatan nge an hman ang aw tih te ngaihtuahna a awm viau a. Hengte hi engti takin nge an hman, crore 5 hmanna chu mipui pawhin a hriata, Sorkar tan pawh thil chhuanawm tak tur niin a lang si a. Mahse, mipuiin kan hrelo riau niin a lang a. Hengte pawh hi engti zia nge tih hriat a chakawm viau a.

Tin, Demand No 46, Electricity, phek 99-a an duh tel crore 14.82 te pawh hi Tourist hi a lo lang nawlh mai a. Tourist Lodge hi Electric Department hian an lo nei ve reng nge, an ni hianin hetia Tourist Lodge an expenditure hnuafia lo lang ve ngawt pawh hi hriat a chakawn hle a.

Tin, Demand No.54, Public Works-ah hianin phek 116-ah hian crore 25.24 lai an han duh belh a. Hei pawh hi building leh road construction thil niin a lang a. Heng hi engtizia nge heti em em mai a pawisa hman khum mai hi. Hisap a fuh lo nge ni, plan angin thil kan tan lova, tiang hianin thil awmze nei lovin kan hmang vak vak mai tih te pawh hi ngaihtuahna a siam viau a. Heng atang ringawta han chhut pawh hianin Supplementary Demand hi crore 50, crore 60 kai thelh, han belh khawm chuan a ni ringawt mai a. Hetiang angah hianin thil kal tawh chu a kal tawh a ni a. Amaherawhchu, kan Sorkar thar kal zelah hian kan fimkhur a tul zia min zirtirtuah tang se ka duh viauva. Plan anga hna kan thawh loh hianin pawisa hman dik loh leh hman chuan hi a awm thin a. Chuvang chuan heng pawhin a entir chiang tak chu, plan angin, annual plan kan buatsaih angin pawisa kan hman thin loh vang niin a lang a. Anih loh pawhin, engemaw emergency thil pawimawh takte a lo awm anih chuan thu hran. Amaherawhchu, a tlangpuin heng hi tuna leiba kan ngah em em nachhan te pawh hi niin ka hria a. He wawiina kan thil sawiho atang leh Supplementary Demand atang hian insiamthatna tur pawh kan hmuh phah awm viauin ka hria a. Chu chu kan sawi belh duh a ni e.

PU C.SANGZUALA

: Pu Speaker, tuna member zah-awm tak tak te zawhna letling deuh hlek khan kan supplementary chungchang kan zawt

ve duh a, zawh theih tho niin kan hria a. Hei thal lai hna chi ngawih ngawihte a awm a. Supplementary siam anih rau rau chuan hna tul zual daih law law tura supplement-na kha han dil mai awm tih te a ni dawn lawm maw ni le, heng-an hian engtinge supplement-na tur hi an han hisap/chawh thin aw tih te min ngaihtuah tir a. Entirnan, Demand 13 naah hian District Administration tih hi ka zu locate fuh em, ka zu bel fuh em chu ka hre chiah lova. District thar te kan lo nei nual a, tunhna deuhah khan, khang kha a nih tur angin nih tir turin sum a awm lo a ni tih ri te kan han hre leh si a, khang te kha a daih law law kan lo ruahman lo em ni aw ?

Demand 19-na L.A.D te, tin, demand 54-na Public Works angte pawh hi thal lai hna chi tam tak thawh harsa vak lo awm tak a awm a, chung te pawh chu hetah'a va tam ve' tih a nih lai khan lehlamah a daih tur awm kha in lo hmu lawk thiam lo em ni ? tun thal chho a thawh atana kan duhte a cover phak lo leh hle lawi si a, fur huna thawh remchang leh manglo hnate a lo awm anga.

Tin, chutih lai chuan heta han zawh kai chi a ni em, budget a ni ve thova, zawh kai chi a nih pawh kan ring ve thova, a nih loh pawhin chhang lo mai sela. Hetia Supplementary demand a awm thluah thluah lai hian original budget hman zawh loh te hi a awm khiah em le ? Khangte pawh kha keini ang chhui ve phak loh a ni a, thil awm thei a ni em aw ? Chungte chu kan din phah ve a ni e. Pu Speaker, ka lawm e.

S P E A K E R : Zawt fiah leh duh dang kan awm em ?

PU C.THANGHLUNA : Pu Speaker, zawhna angreng deuhin sawifiah tur tenau deuh han sawi ta ila. Helaiia Supplementary Demand, Department hrang hrang mamawhna han en hian a tam berah hi chuan Additional D.A. @ Rs.22% of pay a tel vek mai a. Amaherawhchu, thenkhatah khan a rate a kha 22 nilemlote a lo awm ve bawk si a, entirnan, demand No.37, Horticulture-ahte kha chuan 20% chauh an demand bawk si a, hei hi additional D.A rate hi Horticulture employee-te tan hian a danglam em ni ? tih te.

Tin, demand No.6-naah khan a rate tarlan a awm ve lova, explanatory note-ah khan. Khang kha eng ang percent-in nge an chhut tih te a rate lo inanglo ta nuaih mai kha engnge a awmzia tih kha kan Finance Minister zahawm takin a sawifiah hunah min hriih sela thain ka hria.

Tin, heng Department hrang hranga supplementary budget-a work lama tam tak tak demand belh lo ni ta kha hei hi a tlangpui thuin plan fund-te a ni a. Khang Plan Fund kha kan supplementary demand-ah hian tuna demand a kan dah hi a hranpaa pek kan ni nge bei hi kumthar budget ami tur kan lo hmang lawk tih te kha min hriihfiah se thain ka hria. Ka lawm e.

PU R.LALZIRLIANA : Pu Speaker, kan supplementary demand han enkual hian Motor repair-na hi a tam hlawn hle a, demand No.4-na ah chuan Administration of Justice-ah 8.48 lakhs a ni a. Hetia han en mai pawh hian kan Supply Department demand No.18-ah khan 21.20 lakhs a ni a. A vai maiiah hian Social Welfare-ah te 8.67 lakhs a ni a. Fisheries-ah 6 lakhs a ni a. Chumi ka sawi duh chhan zawk chu, heng Electricity-ah te, a dangte nena inbelhna in 30 lakhs lai a ni a. Helaiia kan motor enkawl danah hian Sorkar hian hei aia strict zawk hian tihdan a awm thei em ? tih hi ngaihtuah chhuah a tul ngawtin ka hria.

Hei, kan Chief Minister zahawm takin MLA-te Motor min pe dawn a, min pek hlan pawh hi kan nghakhlel viau a nia. Kan Motor-te hi a chhe lutuka, Workshop-ah kan han lut a, mahni han kal chiah hi chuan Sorkara bill leh private-a bill-te hi a lo dang ta a. Tin, Workshop thenkhat ten engatinge hleihluak taka an bill nachhan hi ka ngaihtuah ta a, thil ka hmuhchhuah tak chu kan Department Minister thenkhat ten an duhsak Workshop-a Work Order an han pek hlan an bill chu a lo sang ta deuh a niin ka hria. Hetiang a nih rau rau chuan Sorkar hlan Workshop tha tak siam mai sela, Mechanic lah an ngah a, hetiang a nih chuan dawta inbumna hi chu a tlem deuh mai awm e ka ti deuh a ni. Helaiah hlan officer-te ka tihna ni lovin, officer lo pawh Driver/Handleman-te nen lam hlan a siam tur aia tam hi kan ei deuh vek mai a ni. An awm rei phei chuan Driver-te hlan an Workshop luhna te hnenah khawngge Rs 500/- Rs.300/- min lo pe teh tih vel mai mai hi a tam em em mai a ni. Chuvangin helaiah hlan a lo lang leh lo thei si lova. Motor kan enkawl danah hlan a tu ber nge han mawhpah tur ka hre lova, kan Minister-te hlanin Department chante hnenah hetah hlan a tha ange an tih kher lovah te pawh lut rawh u in lo ti palh anih phei chuan ti a inennawna, motor repair-na bill tam lutuk a te hi chu kan tih reh mai theih phei chuan a tha em em dawn a ni tih ka ngaihtuah ve avangin ka han sawi chhuak ve a ni e.

S P E A K E R : Sawi leh tur kan awm tawh lo a nih chuan Minister in-charge-in han wine-up sela, a hlawmin pass a han dil nghal bawh dawn nia.

PU ZORAMTHANGA CHIEF MINISTER : Pu Speaker, kan supplementary Demand kan ngaihthlak ang khan a tam khawp mai a, vai-belchhe 256 lai a ni a. Tin, tam lo thei pawh a ni lova, he thil hi a tirah pawh kan Plan-size hre lawk lovin kum engemaw chen chu kan kal a, tah chuan Vote-on-Account-in kan kal a, Budget siam dan mumal leh plan siam dan mumal pawh awm thei lovin kum engemawti chen kan kal avangin, hei hlan min tibuai em em mai a ni. Chuvangin Vote-on-Account-in kan kalpui ngar ngar mai a. Hei hlan kan Budget buatsaihtute lu pawh a ti hai em em mai a ni. Amaherawhchu, India ram pumpuiin a phak tawh a nih rih miao si avangin, kan tih loh theih loh a ni ta a ni.

Tin, Supplementary Demand hi han ngaih maiah chuan pawisa Rs nuai sangkhat lo nei ta ila, nuai sangkhat kan nei dawn tih kan hriat si chuan, nuai sangkhat hman zawhna tura kha Department-ah

mumal takin semdarh kim selang, tichuan heti zat kan duh belh leh tih tih a, a hnua pass belh emaw ngai lo hian, a ngai a nih pawhin tlem a zawng tala siamremna awm a, heti em em lo hian a tih theih lawm ni tih chu a dik khawp mai a. Hetia han hisap maiah hi chuan a kal dan pawh ni tur a ni. Amaherawhchu, kan budgeting system-ah hian a tlachawpa lo kal tur hi vaibelchhe tel a awm a. Budget pass laia pass hman si loh, a hnua lo kal leh hi a tam em em mai a ni. Chu chu Supplementary Demand-ah lo chuan a hmehbel theih tawh bawk silo a, chuvanga hengte hi lo kal thin a ni a.

Entirnan, kan zawhna zingah knan Centrally Sponsored Scheme-te hi kan pass ve zel a ngai em ni ? tih te a awm a. Hemi kan Budget-ah hian voted leh charged hi a awm a. Heng Governor enkawlrate, eng engemawte, han pass ngai lem lo, charged a awm a. Administration of Justice leh Governor lamahte. Chutiang tih loh hi chu hei Public Department-te pawh charge a ni a. Hemi charge tih loh hi chu eng atanga lo lut pawh ni sela, pass vek a ngai a. Chuvangin, Centrally Sponsored Scheme a hnua lo kal a te pawh hi House-in a hman phalna(an lo hmang tawh a nih pawhin) hman phalna kan pek zel a ngaih avangin, Centrally Sponsored Scheme-te pawh kha pass zel a ngai a ni.

Tin, a dawt lehah chuan, Centrally Sponsored Scheme(C.S.S) te pawh hi tlai khaw hnua lo kalte a tam zawk a ni a. A tirah khan State-ina kan cho let ve theihna tur leh kan thawh ve tura kha, kan neih dan kan hriat mai siloh avangin a tlai deuh a. Tichuan, a hnu deuhah hei a do let ve na tur "heti zat kan nei e, hei hi kan scheme a ni" tiin kan zu pe thla leh ta a. Tichuan, kum chanve hnua, kum tawp dawn hnaih lamah te a lo kal a, kang kha kan han hmang leh char char a, Budget pass laia tel hauh lo, heta Supplementary Demand-a pass loh theih loh vaibelchhe tel tam a lo awm ta a.

Chutiangin, kan GAD-te pawh a tirah Budget kan pass lain kan neih tur zat hi kan hre hauh lo mai a ni. Tahchuan, engemaw Token Provision-ah tlem a zawng nuai 2/1 lekte kan han dah a. Tichuan a hnua khaw nuai za tel khan DADP-ah te khan a lo kal leh ta si a, chu chu supplementary demand-a pass loh theih loh a ni leh ta thin a. Chuvangin heng kan supplementary demand-te hi a tam thin a ni e tih kha a tlangpui thuin kan sawi pawr pawr ni sela.

Tin, hei kan hriat theuh angin, kan Sorkar hi tun thla hnih khat tak tak hi Department kan han en tan ve a ni ve chauh a. A budget-a pheikha chu a tira a siantua pawh kan ni lova. Chuvangin kan chiang hman lo em em tih chu member zahawm tak tak ten min hriatpui vek a. Tin, a Department-in hna a lo thawh lai hun tam bera pawh kan zuk enpui phak loh a nih avangin, a detail tam taka hi chu han hriat rual a ni lova.

Chuvang chuan kan member zahawm tak ten Supplementary Demand chu a tawp a, hrilhfiahna an han keu a, nuai heti zat hi Damdawi lei nan a ni, motor chhe siam nan a ni, heti zat hi In sak belh nan a ni e, heti zat hi chumi atan a ni, tih kha kha demand 60 hnai thuak 50 chuanga khan, demand khatah pawh khan engemaw zat a awm a. A vai kha chuan 500/600 chuang kha a hrilhfiahna nen a awm ta a ni. Kha kha keini tun hunah hi chuan frank takin zu sawi ta ila. "Engatinge" tih zawhna kha zu chhang dawn ila, Department Enquiry-a question forma a lo kal a, inbuatsaih lawk loh chuan, mahni Department chan pawh a lo ni tawh lo a. Tun thla khat emaw kha kan han hre tawh a, khatah Finance Minister han chhan sen rual a ni lova. Accidental-a awm a nih chuan kan zuk hrilhfiah thei a. Chuvangin Supplementary Demand kalphungah chuan kan hriat theuh angin tlar hnihin emaw chumi lei belh nan a tul chu a ni, an han ti ta a ni.

Kha kha heta kan Budget Demand wise discussion-a Department hotute an lo in rin lawk a, engatinge ? an tih chhanna kan hmuh hman loh chuan, mi Department enkawl kilkhawr, kum tawp lama an hman belh chhang tur chuan Finance Minister chuan tunah chuan hmuh hman rual a nilo tih chu in hre vekin ka ring a. Tin, Finance Minister mahin a tih hman hauh lo mai a, kan lo hriat chhun a te chu, ti khan tlem tlem chu kan han sawi nual a ni chauh mai a.

Tunah chuan Tourist Lodge engatinge an lo siam ve tak nawlh mai, tih te; engatinge hei hi a D.A. percentage hei awm, hei awmlo, hei engatinge Raj Bhavan-ah nuai 1 a awm ve leh tak ? medical-ah engatinge leina a awm ve leh tak si ? Supply hi a va tam leh ta si ve ? tihte. A thenah chuan buhfai man lo sangte, tin, supplementary demand-a dah loh theih lohte, demand a tira mi daih loh belh ngaite, a then chu a general-in sawi mai ila, Department thenkhata pass pawh awm, mahse, khang kha hetah Department thenkhat Head khat atanga Head danga chinfel leh semrual ngai, khatiang (Nirupam Chakma : Sorkar hluina a siam a ni a, Supplementary chu ama siam a nih avangin a ti a ni mai a.)

Pu Speaker, Supplementary Demand chu tuna changtute chuan kan siam chu ni teh lul e. Mahse, lo hman tawhna Adjust-na a ni a, kan hunlaia hman adjust pawh a awm a, a hmasa a mi adjust pawh a awm a. Chuvangin tu Finance Minister mah hian Supplementary Demand-a a nepnawi 500/600 chuang hi tun immediate a zawh nghal hian chhan sen rual a ni lova ni. Question-ah chuan kan hria a, ni 15 hmain kan pe a, Department an lo in buatsaih a, chumi chhanna nen Supplementary tur nen kan tang a ni a. Chuvangin, kha kha tuna han chhan sen rual a ni love. Kan hriat chhun chhun kan han sawi chauh a nia, chu chu a kalphung a ni tih MLA pangngaite chuan kan hre vekin ka ring a. Chu chu kan sawi tel mai a ni a.

Tin, Motor repair-na tihte pawh kha a dik chiah mai a. Kan Motor-te chu han en ila, a chhiat meuh hi chuan a let thum emaw a let li emaw hi pawisa sen chu a ni vek mai a. Chuvangin, Sorkar pawhin hetah hian khawvelina a kalpui dan pangngai angin vehicle pawh a theih ang chin chu privatization-a kal hi a tha e tiin, Sorkar pawhin kan tum mek a, a system erawh chu kan thlir zel dawn a. Engang nge tha ber ang tih tunah kan dap mek a ni a. Chuvangin, Motor kan repair-nate hi Sorkar Workshop han tihte pawh a tha a. Mahse, kan han siam a, a pelhena lai a lo tam khawp a, privatise loh chuan a fuh chuang meuh lo a nih hi maw, tia Sorkar Workshop, Central Workshop-te pawh kan nei a, a hlawk leh hlawk loh lam leh a that lam chu kan member tam ber hian kan hre thovin ka ring a.

Chuvangin Pu Speaker, heng kan Supplementary Demand tam tak hi chu, engemaw kan zawh fiah duh thil tam tak pawh hemi demand wise a discussion kan nei a, kan tih hunah a clear turte pawh a ni hlawmin ka ring a. Tunah kan sawi ang khan heng a hrilhfiahna zawng zawng pawh hi a tam lutuk ringawt mai a, engatinge tih a ni vek mai a. A general a hrilhfiah loh chuan han hrilhfiah ngaihna pawh a awm lova. Tunah ka sawi ang khan a tul ber erawhchu, supplementary demand-ah hian Centrally sponsored scheme lo kal tura kha hriat a la nilova. Chuvangin kan budget buatsaih laia awm lova kha a bu-ah a vaibelchhe telin a lo kal loh si a. Chutiangan in BADT a mite thil danglam tak te a lo awm a, tin, heta kan demand a han dah belh loh theih loh thil te, a then sawh hek loh theih loh te a lo awm bawk si a. Kan plan kha a tira kan estimate a kha lo fuh ta lo, State ina kan do let ve na tur kan mobilised ve theihna tura kan ngaih kan theih tak si loh avanga 20% cut leh ngai ta te leh, khami han siksawi kual nan supplementary demand hi a lo tling lo thei lo ta a ni a.

Chuvangin, Pu Speaker chutihlai chuan kan hriat ka duh a chu a awmna-ah pawh khan a voted leh star a kha a inang loh avangin, a bu ami tak hemi kan member nei leh heta vote tura kan dila pawh kha a inang lo a ni tih kha kan member zahawm tak ten min lo hriatsak bawk se. Tichuan Pu Speaker, he Supplementary Demand 1998 atanga 1999 chhunga head chi hrang hrang, pakhatna atanga 54 na thleng capital leh revenue chi hrang hrang, a vain a total in vaibelchhia 256 leh nuai sawmruk pariat leh singkhat leh sangnga kha, a hman theihna he House zahawm tak hian min pe turin kan dil nghal e, pass turin kan han dil e.

*Speech not corrected.

S P E A K E R : Awle, Finance Minister in a rawn wind-up a, pass turin a han dil a. Chumi hma chuan tawngkam hnih khat lek han rawlh

ve ka duh a. Kan Supplementary Demand buatsaih tute hian tunah hian han keu ula, an serial pek dan kha a dik lo phawt a. Helai chair atang pawhin mi a hruai buai vek mai a, an number pek hi No. 1, No. 2, an han pe a, No. 3 na an pe lova. "Charged" a ni a, an pek loh hi a awm reng a. 5 naah charged a lo awm leh dawn a, kal kanin '5' an pe leh a. Chutiang chuan, hetah, a tawpah 54-na an rawn ti a, kha kha 53 tur a ni a. Tin, tuna Finance Minister tan pawh khan, harsa deuh mai chu, helajah an total fel diam a, lakh 26,881. 81 an ti a, 'charged' kha paih tur a ni a. Chu chu kan han paih leh chuan tuna a han dil ang kha a lo ni leh ta a. Khangte thleng khan tunhnu-ah chuan finkhur deuh nise a thain ka ring. Helai atangin kan pass tur kan chawk chawp a, kan paih chawp a, Finance Minister lamah chuan in lo supply hman tawh a niang a. Chuvang chuan, hei hi tunhnu ah chuan he House zahawm takah hian a thleng leh tawh tur a nilo.

Awle, kum 1998-99 atana kan pawisa duh belh supplementary demand phok hrang hrang atan a lakh 25008.15 hi pass rem ti apiangin 'rem ti' ti rawh u le. Rem ti lo chuan 'rem ti lo' tih nise. Awle, pass a ni e.

Kan business, ah kan kal zel anga. Thla li chhunga pawisa kan lo hman lailawk tur Vote on Account hi Chief Minister, Finance changtu in a hlawmin han move leh teh se.

PU ZORAMTHANGA CHIEF MINISTER : Pu Speaker, Mizoram Governor recommend na ang leh i phalna in, Demand No. 1-10 leh 12-55, April, May, June leh July 1999 chhunga hman turin Demand hrang hrang 1 to 10 leh 12 to 55, a vaiin vaibelchhe 269 leh nuai 62 leh sing 5 leh sang li hi he House ah hian ngaihtuah turin ka rawn move e.

S P E A K E R : Vote on Account hi Budget pumpui kan pass hma a pawisa kan lo hman lailawk tur a ni a, sawiho pawh ngai lem lo leh tul lo a ni a, pass han dil nghal mai se a tha awm e.

PU ZORAMTHANGA CHIEF MINISTER : Pu Speaker, i remtih na leh he House phalna in, demand no.1-10 leh 12-55 April, May, June, July 1999 chhunga hman atan pawisa cheng vaibelchhe 269 nuai 62, sing 5 leh sang 4 hi, he House zahawm tak hian min pass sak turin ka rawn dil e.

S P E A K E R : Tuna Vote on Account pawisa Minister in a rawn sawi tak kha pass remti apiangin 'remti' ti rawh ule. Pass a ni e.

Awle, kum 1998-99 chhunga kan pawisa dil belh leh 1999-2000 (April to July) chhunga kan lo hman lailawk tur kan han pass a, hman chhuah phalna dan kan pass hran leh phawt loh chuan, khati mai khan pawisa kha a hman theih loh a. Tunah Chief Minister, Finance changtu in 'The Mizoram Appropriation No.1 Bill 1999' introduce phalna House han dil teh se.

PU ZORAMTHANGA CHIEF MINISTER : Pu Speaker, Mizoram Appropriation No. 1 Bill 1999 pawisa Rs. 2,68,81,81,000/- hi he House ah hian introduce phalna ka rawn dil e.

Pu Speaker, i remtihna leh House remtihna in Mizoram Appropriation No. 1 Bill, 1999 a mi Rs. 2,68,81,81,000/- hi he House ah hian ka rawn introduce e.

Pu Speaker, i phalna leh he House remtihna in Mizoram Appropriation No. 1 Bill, 1999 Rs. 2,68,81,81,000/- he House zahawm tak hian min pass pui turin ka rawn dil e.

S P E A K E R : The Mizoram Appropriation No.1 Bill, 1999 hi pass remti zawngin remti ti rawh ule. Remti lo kan awm em? Remti lo chuan remti lo ti se, passed a ni e. Khatiang bawk khan Vote on Account kan passed taka pawisa hman chhuahna dan pass leh a ngai a. The Mizoram Appropriation Vote on Account No. 2 Bill 1999, hi Chief Minister in House-ah a putluh phalna han dil teh se.

PU ZORAMTHANGA CHIEF MINISTER : Pu Speaker, i rem tihna leh he House remtihna in he Mizoram Appropriation No.2 Bill Vote on Account 1999, cheng vaibelchhe 304,37,04,000/- hi he House-ah introduce ka rawn dil e.

S P E A K E R : Introduce kan remti tlang a ni lawm ni? Han introduce nghal sela.

PU ZORAMTHANGA : Pu Speaker, Mizoram Appropriation Vote-on-Account No.2(Bill) 1999, cheng vaibelchhe zathum pali, nuai sawmthum pasarih leh singli he House-ah hian ka rawn introduce e.

S P E A K E R : A copy kha member hnenah han sem rawh ule. Sawiho ngailo leh sawiho chi vak lo a ni a, pass han dil nghal leh mai teh se.

PU ZAKHU HLYCHHO : Pu Speaker, hmanni kan Session ah khan kan House Leader zahawm tak hian Mizoram Sorkar ina expenditure liability kan neih kha member-te ka sem thei ang che u a ti a, tun thleng hian kan la hmulo tlat mai a. Chuvangin, kha kha min hrilh phawt sela a tha lawm ni ? Vawiina kan pass-te nen hian a in relate chho vek bawk si a.

PU ZORAMTHANGA CHIEF MINISTER : Pu Speaker, vawiinah kan rawn sem anga, kha kha chu a harsa lova kan nei sa vek a. Amah-erawhchu, kan liability leh kumthara lokal tura hi hemi kan Vote-on-Account tur a hi a relate phei chu a in relate a, mahse, a ba kan neih avanga hemi ina han tidanglam a ni chuang lova. Chuvangin, Pu Speaker, he House zahawm tak hian Vote-on-Account atan 1999 thla 4 chhung (April, May, June leh July) a hman turin pawisa Rs. Vaibelchhe 304, nuai 37 leh sang 4 hi hemi thla 4 chhunga hman turin he House hian min pass sak turin ka rawn dil e.

S P E A K E R : The Mizoram Appropriation (Vote-on-Account) (No.2) Bill, 1999, tuna kan Finance Minister-ina pass a rawn dil kha, pass remti in 'remti' ti rawh ule. Remti lo kan aww em ? Pass a ni e. (Chief Minister : Pu Speaker, ka lawm e.)

Kum 1999-2000 Budget sawihona kan tan anga. Parliament-ah leh State danga an tih dan ang deuhin, Opposition Leader-in hma hruaiin sawi hmasaber ta sela; chumi hnuah member dangin an sawi ve anga. Opposition Leader ka han sawm hmasaber teh ang. Member dang chu minutes 15 chauh ka phalsak dawn a, Opposition Leader erawhchu kan ngaihnhathiam deuh anga, a sawi rei deuh pawhin in lo hrethiam dawn nia.

PU ZAKHU HLYCHHO

: Pu Speaker, hun min pek hmasak ber avangin ka lawm e.

Hei vawiina kan Budget discuss tur hi a pawimawh hlein ka hria. A chhan chu kan Sorkar hruaitute i dinglana thute hian Mizoram mipui hnenah thu tha tak tak hi sawi engang mah sela, an thusawi ang hian hna an thawk angem tih hi he an subject-ah hian a lanna tur a nih avangin a pawimawh hlein ka hria a ni. Chuvangin kan Sorkar hma chhawp dan tur zawng zawng pawh he kan Budget-ah hian kan hmuh theih ka beisei.

Pu Speaker, ka sawi hmasak ber duh chu - hei kan hotute hi tawngkam an thiam angreng viau mai a, kan Chief Minister zahawm tak thusawi ka rawn quote duh chu "Delhi drip khai loh a nun" a tih kha a ni a. Kan Chief Minister thusawi khan Delhi drip khai lovin Mizoram hi kan nung tur a ni min ti a. Amaherawhchu a Budget speech para-III-ah hian "We are heavily dependent on the evolution of fund of the Central Government for Government plan and expenditure" a ti a. Chumi awmzia chu kan State-in kan inghahna tur chu kan plan a ni emaw kan non-plan a ni emaw Central Sorkar-ah kan inghat fai vek tluk a ni e a tihnaah ka ngai a ni. Chuti anih chuan a Statement pahnih hi a inkalh tlat a ni. Central, Delhi drip khai lova nun tum si hian Mizorama kan chhuan ber chu Mizoram chu special State Category-a awm kan ni a, 90% Central pawisa, 10% mahni thawhchhuah ringa nung kan ni kan ti a. Chu 10% a pawh chu a zuk sawi zelnaah chuan kan thawk lo tluk a ni, "It is hardly 10% of the total receipt" a ti a ni. Mizoramina kan thawh chi za a sawm pawh hi a ni awm love tiin a zuk sawi leh si a ni. Chuvangin, hetiangaw tawngkam dengkhawng tak hi kan ram hruaituten an chhak chhuah fo chuan vawiina kan Budget discuss tur leh kan ram mipui kan zirtir dan hi a inang lo lutuk in ka hria a, hengah hian kan Sorkar hi a inenfish deuh ngaiin ka hria a ni.

Tin, chu lo ka sawi leh duh chu, hmannah khan zawhnate kan han siam a, chutah chuan, hei, Delhi-ahte an zuk kal a, Peace Bonus-te a rawn ri nuk a. Tichuan, kan Zoram mipui ten kan lo thlir thup a, 'Nangmahniah beiseina nasa tak kan nei a ni' kan ti a. Peace Bonus an rawn hawn pawh chu engang nge niang aw ! tiin kan lo ngaichang nasa a ni. Chanchin hi sawi zau ta ila, he House-a min hrilh danah khan Delhi-a an zuk kal khan chu Peace Bonus-a kan pawisa hmuh theihna tur chu Committee, khulai a titu ten an din chuk chuk a, tiin min hrilh a ni. An hma zuk lakna kha ropui viau a kan hriat laiin hei, tuntumah hian ka han enchiang a "Accordingly a Committee of group of officer's had been set up by the Ministry of Finance, Government of India, through are efforts to make recommendation for resolving the financial crisis being face by the Government of Mizoram" tiin Budget-ah a rawn sawi ta mai a. Kha Committee-a kha Peace Bonus atanga Mizoramin hlawkna kan hmuh theihna tur zawnga din ni lovin, kan Finance Minister zahawm tak speech-ah chuan kan pawisa harsatna sutkian nan Committee din kha a lo ni a.

Chuvangin, kan Chief Minister thusawi hi he budget-a a sawi leh thil kal dan a inkah hle tih hi ka zuk hmuh dan a ni a.

Tin, chu lova ka sawi leh duh chu hmanni khan crore 100 a rawn hawn hi engatan te nge ni ? tih ka zawt a, he House-ah ngei hian. Tichuan, chu crore 100 a rawn hawn a chu a break up min hrilh a, crore 101 zawk a ni e a ti a, a dik mai ka lo ring a. Amaherawhchu, kan budget-a rawn lang a hi ka enchiang a, crore 70 chauh a ni. A ziak kim lo nge a sawi kim lo ka hre lo, a sawi dik lo. Ka belhkhawm vek a crore 70 leh point tlemte a ni a. Chuvangin, kan thusawi, Mizoram mipuite hnena kan thusawi zawng zawng hi kan budget ah hian kan cheng em tih hi chu thlir tham a awm niin ka hria.

Tin, Pu Speaker, vawliina sawi-lan loh theih lohva ka hriat chu, kan Chief Minister Budget Speech hi vawi hnih vawi thum ka chhiar chhuak a, ngun takin ka en a. Hei Zero base-in budgeting kan siam dawn a ti a, a ropui hlein ka hria. Mizoram kan kal leh na turah chuan zero base-in kan budgeting hi kan tan dawn a ti a, a lawmawm hlein ka hria, ropui pawh ka ti. He-tiang ngat a kan kal chuan kan ti fuh hle dawn a nih hi tiin ka lo ngaihtuah a. Mahse a thusawi para 15 han chhiar leh chuan opening deficit chu crore 126.11 a ni anga, tun financial year a tawp chuan kan closing deficit chu 157.35 crore a ni ang tiin a sawi tlat a ni. Zero budgeting-a tan tum si, a kum pawh kan tan hmaa closing deficit-ah crore 157 kan kai ang han tih nghal mai a hi leiba sain he Sorkar hi kal a tum a ni tih hi a chiang em em mai. Chuvangin hei hi a diklo hrim hrim a ni. Kan Sorkar hi leibat tum sain a kal a ni tih hi chiangin ka hria a

Hei, Pu Speaker, Congress Sorkar, Sorkar hmasa leiba te kan sawi nasa khawp mai a, a dik pawh a dik ang. A bat pawh a ba tam ang. Hna a thawh tam chuan bat pawh a tam turah ngai ila. Khawvel Sorkar hrang hrang, keini ang Sorkar rethei, Independence Sorkarte pawh hi Sorkar hausaa hian an ba teuh teuh a ni. Keini India ram ngei pawh hian khawvel hrang hrangah hman-niah ka chhiar a, khawvel Sorkar hrang hranga a bat hi a crore lama sawi pawhin crore nuai 60 chuang khawvel Sor- kar hrangah hian a ba a ni tih hi an rawn ziak a ni. Chu- tiang chuan ram hmasawn tur chuan kan bat a ngai a ni. India ramah chuan Punjab State khu a hausa ber a kan ngaih a ni a. Punjab State chuan India Sorkarah crore 12,000/- a ba a ni tih hmannah chanchinbuah an rawn chhuah ka lo chhiar a. Chuvangin a ram hmasawna tura kan thawh avanga leiba kan neih hi thil zahthlak a ni ngailo in ka hria.

Entirnan, Aizawlah In ka lo sa duh ta a, mahse, sakna tur pawisa ka nei thei si lova. Tichuan, MLA ka nihna avangin loan ka rawn dil ta a. Pu Speaker, i office zahawm takin loan nuai 5 min pe a, tichuan, In ka sa ve thei a. Engahnge nuai 5 min pek hi ka zah kher ang ? kha kha zahthlak a ni lo. In ka neih theihna tura Sorkar, i office-ina min ngaihtuahpui a ni.

Chutiang bawkin kan Ram dinchhuahna tura leiba kan neihte hi thil zahthlak ni lovin. ka hria a ni.

Pu Speaker, hei kan Chief Minister speech-ah hian department sawm chuang hmaih a nei a. Hei hi tunhma budget speech zawng zawng ka enin a awm ngailo tlat mai a. Engtizia nge kan Chief Minister zahawm tak hian a department, a Sorkar department-te a theihngihl ta mai em ni aw ? ka ti a ni. Governor speech-ah chuan hetiang hian a inziak a. "My Government is keenly aware of the need for human resource development of which Education is the primary input" tiin a sawi a. Tichuan, Education chu constitutional obligation anih avangin It will continue to receive high priority pekaw pawh high priority a ni ang a ti a. Mahse, kan Chief Minister speech-ah hian Education pakhatmah a lang lo reng reng a, hei hi mak ka ti a ni. Education hi a Governor hnenah high priority a pek tir a, mahse, engah-nge vawiinah hian pakhat te pawh a sawilan loh.

Chutiang bawkin Transport-te, Co-operation-te, Department a sawilan loh hi a tam lutuk a. Hengah hian hnathawh a tum lo em ni ? kan Finance Minister hian tih min ngaihtuah tir a ni. Chuvangin, a Budget Speech hrim hrim han thlir pawh hian a lehlamah chuan a beidawn thlak ka ti rum rum a ni.

Tin, thil serious deuh mai ka ^{saw}rawn duh chu, Mizoramah hian Autonomous District Council pathum an awm a. Chu chu India Constitution 6th Schedule hnuaiia pek vek an ni. Chung Autonomous District Council-te chu Mizoram Sorkar Budget-ah hian an lang vek a. Kum 20 deuh thaw U.T. kan nih lai leh State kum 10 chuang kan nih a, he House-a Budget sawinaah reng reng District Council chungchang hi sawilan a ni thin a. Amaherawhchu, tun Sorkar hian District Council mipuite ah hian eng rilru nge an put tak, Governor thusawiah pawh a lang lo reng reng a, kan Chief Minister thusawiah hian a lang leh lova, hei hi mak ka ti a. An rilru a ni dawn em ni, hetiang District Council-te Mizorama hnam hnufual te kan mausam dawna kan en hrang dawn a nih chuan hei hian Mizoram inpukhat zelna tur hi a ti chhe thei a ni tih hi ka sawi duh tlat a ni. Hmanah i dinglama thute hi veilama an thut lain heng District Committee hi thiat turin an rawn nawr ka sawi thin a. Chutah pawh chuan hetiang hian i innawr lo ang u, Mizoram inpukhatna ngaihtuah hian thil i ti hovang u ka ti thin a. Vawiinah hian i veilama thu thin a kha i dinglama an thut chiah a District-Council chungchang pakhatmah an rawn sawi duh ta lo hi a lungchhiat thlakin ka hria a ni. Chuvangin he Budget a hi pass-pui tlak a ni angem aw tih hi ka ngaihtuahaah a kal nasa a ni.

Tin, chulova ka sawi leh duh chu, Pu Speaker, tawite in ka sawi tawh ang. Hei Mizoram sun indaih loh harsatna thua hian tunhma pawhin MNF a lo Sorkar tawh a, tin, chumi hma pawhin P.C. te pawh an lo Sorkar tawh a. Chutiang chuan Mizoram Sorkar hi a inthlak a inthlak a ni.

Amaherawhchu, a tu pawhin tu Sorkar lai pawh kha ni sela, ba hi a neih loh theih loh. A chhan chu, India Sorkarin 90% hi Grand-in-aid in min pe a, 10% chu in baah ka dah ang a tih avangin kan ba hi a awmlo thei lo a ni. Chuvangin hetiang zu inmawhpuha zu insawichhiat vak vak te hi thil tha a nilo awm mange aw tih ka sawi duh a.

Engpawh nisela kan ram kan kalpui tum danah hian keimahni hi chiang ila, tichuan, chu kan chianna atang chuan kan ram kan khalh theiin ka ring a. Hei tuna kan budget-a a lan dan ang ngau ngau hi chuan Pu Speaker, a beidawn thlak hlein ka hria. Kan Sorkar hnathawkte hlawh Fifth Pay Commission anga pek tih pawh hi Sorkar hmasa khan Central Sorkarin a tih tak siah chuan a tihdan kan zawnpui ang che u a, tichuan, a pek dan tur chu kan ngaihtuah ang chu a ti a. Chumi tur chuan ruahmanna pawh thui tak siam a ni. Amaherawhchu, wawihin hian hei Sorkar hnathawkte Fifth Pay Commission anga hlawh pekna tur chhete mah rawn lang ta lo hi, tlemte tal rawn lang ta sela, duh leh supplementary-ah te pawh rawn khung tel ta sela, ka la hrethiam. Amaherawhchu, token provision pakhat pawh awm ta miah lo hi chu a zahthlakin ka hria a, a beidawn thlak a, kan Sorkar hnathawkte tan pawh hetiang hi chu a ni, thei dawn em ni ka ti a.

Tin, Pu Speaker, a dang ka sawi leh duh chu Mizorama Law and Order hi sawi ngalin ka hria a, kan Chief Minister thusawiah hian Mizoram chu India ramah hian State ralmuang ber kan ni a, chumi ralmuanna ang chu enganga man sang pawh nise kan pe ang a ti a. Hmanni a thusawinaah pawh high priority kan pe ang a ti bawk a, a lawmawm e. Amaherawhchu, wawihin kan dinhmun chu tukina kan vui liam tak te kha a lungchhiat thlak a ni. Khang thil thlenga kan hotute Statement ringawtah khan duhtawk mai lovin, kan ramah hian Law & Order hi enganga kalpui nge tul tih pawh hi he Budget-ah hian rawn lang ta sela chuan a lawmawm tur. Amaherawhchu, hetah hian Law&Order lama an kalpui dan tur reng reng a lang lova, Governor address-ah erawh chuan priority kan pe ang a rawn ti a.

Tin, Pu Speaker, a budget detail ang hi chu kan lut hman lova, paw ka ti angreng viau mai, amaherawhchu, tawite ka sawi duh chu hei, Department thenkhat priority kan pe ang, Governor speech a high priority, top priority kan pe ang tihna reng rengah department thenkhatah chuan an tlahniam daih hi a ni. Entirnan, Agriculture leh Horticulture-ah te hian nikum pian aiin a tlahniam tlat a ni. Horticulture-ah chuan nikumah 593 a nih laiin kuminah chuan 552 chauh an rawn dah ta mai a. Labour & Employment te phei chu a Minister changtu tan hian a luhai thlak in ka ring a, nikuma 167 an dah kha kuminah chuan 150 ah an han dah thla leh a. Social Welfare hi kan Chief Minister thusawiah a pahnihna velah a rawn lang a. Mahse, nikum Budget-ah

Rs 839 lakh a nih laiin kuminah chuan Rs.669 lakh chauhah an dah thla a. Chuvangin kan thusawi leh a bu hi a innil- lo a ni. A ngaihna kan hrelo a ni awm mange aw tih hi a lang a. He budget hi uluk lehzuala sawi loh chuan pass pui mai mai chi a ni dawn em ni tih hi ngaihtuah tham a tling a ni. Ka lawm e, Pu Speaker.

S P E A K E R : Member sawi duh duhin in sawi anga, mahse, kan sawi tawh ang khan, minute 15 hun kan in pe a, minute 15 a rik hma minute 2 velah warning bell kan ti ri anga, sawi duh in la awm chuan sawi rawh ule.

PU RUALCHHINA MINISTER : Pu Speaker, vawiina Budget kan han sawiho hi a lawmawm hlein ka hria a, kan Finance Minister speech han en te hian a lawmawm hle in ka hria a ni. Boruaka in sa ni lova a tak ngei lan tirna zel lo lang hi a thain ka hria a, chuvang chuan lawmawm ka ti a ni.

Ka hmaa thusawitu khan a hriat sual te pawh a awm a ni awm mange aw ka ti a. Leiba chung- chang te pawh kha Sorkar hmasaah khan a lar ber pawl a ni a. Leibat hi tuman kan hnial ngai lova, kan bat chhan a zir kha a ni zawk a. Mi ramah te pawh lei an lo ba ngai a, mahse, an bat a kha hmanral mai mai tur atan ni lovin, thil tha, hlawk zawk atan leh tangkai zawk atan an ba a ni thin a. Kan hriat lar em em chu Sorkar hmasa ah khan Finance changtu ber pawhina a rawn puan ang kha chuan, an nawm an maka leibat kha a lo tam ni a a pharh avang khan ni lovin ka hria a. Khang kha kan lo zak hle a, a ngaithlatute pawh. Chu chu a ni zawk a, a bat hrim hrim hi chu bat loh theih loh chin a awm a ni. Amaherawh- chu bat hian awmze neia bat tur a ni a, awmze nei lova an lo bat han inpuan ringawt a hi chu a tul lem lovin ka hria. Chuvangin hetiang thilah hi chuan ngun taka inrawn tlana tih tur a ni zawk in ka hria. Hetianga a nilo zawng deuh hlek a han sawi pawh hriatsual deuh vang a ni mai thei. Kan Sorkar hian Central Sorkar laka a 10% pawh har- sa taka kan thawh hleih theih loh chungchangah pawh, kan dinhmun chu a tichiang a. Tunah hian resource kan nei tha lova, chuvangin deficit-a kan kal thin avang khan, tunah chuan a takin Delhi drip khai a nung lo turin tih tumna lian tak neih avang zawk khan, kan Chief Minister hian hma a rawn la a, lawmawm ka ti a, khatiang ang sawi- seltu nih kha chu thil zahthlak tak ni zawkin ka hria.

Tuna kan dinhmun chiah chu 90% kha Central-in a rawn tum a, keinin 10% kan lo do ve nan pawh kan tlin mang lo a ni a. Khami drip-a nung tawh lo tura programme a han siam a, a han hmang zawk a kha kei fakawm ka ti a, kha khan kan dinhmun a tarlang mai

zawk a ni. Hun kal tawha kan dinhmun leh tun thlonga kan dinhmun a ni. Khatianga awm tawh lo tur khan kan kal dawn a ni zawk a, a ropui em em a ni.

Tin, chubakah financial crisis kan ramah kan Sorkarin a tawk a, chu chuan tute pawh hi a check vek a ni. Amaherawhchu kan Chief Minister-in Sorkar tharah hma a han la a, sum leh pai kan harsatna sukiang tura a bika Central-a Finance Ministry-ah siam thei tura hma a han la hi lawmawm ka ti a. Tunah a sawi love a han ti tak naa, Peace Bonus kha pawngpaw sawi vak vak tur pawh a ni chuang lo. Engpawh nise, Peace Bonus kan sawi chhan te pawh chu kan Financial crisis solve-na tur kha a ni tho tho a ni. Chuta tan chuan Ways and Means-te kan ti zel a. Khatiang khan Budget Head turte pawh hetiang zawng hian tih a tha lawm ni? tiin rawtna tha tak tak nen a zu kal a, an ni pawhin chungte chu hrethiamin a ngaihtuaktu tur pawlte pawh chu Committee hial an lo din a ni a. Hengah hian lawmthu sawi awm a ni a, hemite hian Peace Bonus an sawilo em mai tih lampang a nilo. An sawi emaw sawilo emaw, he Committee hian Mizoram sum leh pai harsatna sutkianna tura hma an rawn la a, Committee an din a ni tih hi a lawmawm hrim hrim in ka hria a. Heti khawpa kan harsatnaa ngaih-sak kan hlawh kha a lawmawm hle in ka hria.

Rilru taka Sorkar hmasa kan ngaihtuah chuan, hetu khawpa ba an han hnutchhiah a, an bat chhan pawh mumal lo tak mai a an han chhuah bawk si kha chuan pawisa pek tlak in ni tawh lo an tih mai kha hlauhawm deuh mai a ni a. Kan sum dinhmunte siamtha tura Finance Ministry-ah hial Committee an han siam hi a lawmawm tak zetin ka hria.

Tin, chubakah kan Chief Minister zahawm takina a sawi ka la hriat reng chu, "he kan sum leh paia harsatna kan tawh hi min han sutkian sak phawt ula, kum 5 hnuah phei chuan Central hi rawn pur che u kan tum tawh lo hial dawn a ni" a ti nghe nghe a ni, a ropui em em a ni. Khatiang khawpa Chief Minister-in tan lak tuma Central pawh kan rawn pur tawh manglo ang che u ti khawpa a zu challenge hi India ram State Chief Minister zingah an awmin ka la hrelo nghe nghe a ni. A hmalakna leh hmachhawp hi ropui ka ti a ni.

Tin, Agriculture-ah te pawh nikum aiin Demand pawh a tlem a, heng hi priority pek tur a ni a, mahse, pawisa chu a tlem zawk si a, kha an han ti a. A hnathawh leh a thil tihah khan a lo lang dawn a ni. Pawisa tlem zawkin thawh nasat a tum nasat zia a lanna pawh a ni ah-ngai ila thain ka hria.

Tin, District Council chung-chang kha chu sawi lutuk pawh kha a ngai em em lo zawk a. Normal-in an function a, a sum leh pai ruahman leh pek a nihna atang khan, a District Council hi Autonomous a nih avang khan (member dang an lo tawng buai a) Budget chung-chang thu ami a ni ka sawi, demand no.31-na chungchang thu a ni ka sawi, budget chung ami a ni ka sawi.

Tuna Demand 31-na, District Council kha a ni ka sawi ni. Chuvangin khilai kha, engah nge min lo tihbuai ngawt ni? Tunah Budget discussion kan nei a ni a, Chief Minister-in Budget chapchar chungchang kan sawi a ni. Hei hi a ropuia tunah pawh hian engahnge khalaiah pawh khan sawi khap theihna a nei em ni? Tunah hian Demand No.31-na

S P E A K E R : Thusawi kha ngaithla ila, Member-ten zalenna in neih angin in duh duh in sawi thei a ni. Tu thusawi mah tibuai suh u. Thusawi lai kha chu lo tibuai lo la, a tha ange.

P U R U A L C H H I N A
M I N I S T E R : District Council chungchang kan sawi a ni e, khami atangin sawi khap theihna right a neih? Chuvangin, khatianga lo intihbuai loh niselangin a tha ang. Tunah hianin hei, Demand No.31-na, District Council chungchang thute pawh hei tha takin a lo lang a. Hei Lai District Council-ah chuanin nuai sangkhat zathum sawmriat panga laite dah a ni a. Mara District Council-ah nuai 1219, Chakma District Council-ah nuai 742 te khatiang khan dah a ni. A ropui hlein ka hria a, amahni an lo in manage-na tur a nih avang khan State-in khalaiah khan a va rel vak ta thin lo a ni. Hei hi an hman that chuan a Council chhungah Administration leh Development leh engkim mai kha kalpui that theihna khawpin Budget provision hi dah a ni a. Chuvang chuan, khangah khan a sawiselna zawng lova, tha taka hman tum zawk thain ka hria a. Chuvangin kan Chief Minister-ina hetia Budget sawiho tur a rawn pharh hi lung-awi thlak hlein ka hria a, a tak ramah kan lut a ni, a boruak lam mai ni lovin, tih kha a lang chiangin ka hria a.

Chuvangin, kan han kal zel anga, heng kan sum hman turte pawh hi a Priority Base-in kan kal thei a, a aia tha zawk kan hmuh pawhin a kal leh theih tho va, kha kha chu Sorkar thu thu a ni ve tawh tho alawm. Chuvangin, khalaiah khan zalenna kan nei ve a ni. Engpawh nise, hei hi kan Sorkar inrelbawl nan te, a State Sorkar pawh District Council pawh inrelbawl nante a tha tawh hle tih hi ka hmu a, lawmawm ka ti a, lungawi taka kan pass theih pawh ka beisei a ni. Ka lawm e.

S P E A K E R : Dar 1:00 a ni top a, thusawi leh tur tan pawh a laklawh. Chuvangin, wawiina kan inkhawm chu kan chawl rih anga, dar 2:00 ah kan tan leh ang.

Recess at 1:00 PM.

.....241/-

S P E A K E R : Kan budget discussion kan chhun-zawm zel anga chawma lam khan pahihin an sawi tawh a, tunah member sawi duh apiang i ko ang u, Pu K. Vanlalauva.

PU K. VANLALAUVA : Pu Speaker, hun min pek avangin ka lawm e. hei kan sawi duh chu demand pahnih chauhva hun hman tum ila, a thain ka ring a. Kan hriat angin nimin lamah thil theng te kan hmuin kan hria a, Police ah hian thil sawi tur tam tak a awm tih kan hre theuh va, a chhan chu amahni kutah hian Mizoram a inthen tak meuh meuh a ni a. Kan hmalam hun zelah pawh hemi BRTF, BSF kan tih angte pawh hi thlak theih pawh kan duh em em a, kan la thlak theih ngang lo pawh a.

Chutiang chuanin mitin kumtin hianin kan Police te tun aia tam zawk siam kan duh a. Tin, tun aia changtlung zawka amahni enkawlna pawh hi siam Sorkar hian a duh em em a, amahni enkawlna ration te an uniform te leh quarters te, hengye pawh hi tunah hian a la beitham em em a, nikum lama kan pawisa dahte nen pawh hian in a inthlau hleih theih tak tak rih lova, a pawi ka ti hle a. Hei hi hun engemaw chen police hianin kan Sorkar hmasa ah khanin awlsamna ah nei chho tawh a, lawmawm ka ti khawp a, harsa tak mai a, an awm laite 1989 inthlan chhova te khanin keini hnial kalhtu pawlah kan han tan a, kan theihna zawhg zawngin kan nawra ration meney te clothing te, quarters te theihtawpin kan nawr sak a, Sorkar pawh khanin a hre chho zui zel a, lawmawm kan ti a.

A chhan chu Police Force te hi Sorkar a danglam avanga, han namliam emaw engemaw tihna tur hi a awm reng reng lova, tu tan pawh tangkai leh pawimawh an ni kumkhua dawn tlat mai a. Chuvangin kan ngaihsak tlang hle, tunah hianin an pawisa awmdan tur tun budget-ah mi pawh a la beitham ka ti khawp a. Mahse, beitham kan tih rual rual hian, kan ram dinmun han enin han kal vak hleih theih a ni lova. A rual khai deuh a ngai fo thin a. MLA te chuan kan hria a. Block Development Committee kan ti a. Chumi khua atan chuan dah tam deuh ila, han ti mah ilangin, a remchang lova, tlem tlem a insem zai deuh te a ngai thin ang hian Department tam takin kan demand ang hian serial No. 55 lai a lang a ni a. Hetiangte zu ngaihtuah hian ngai pawimawh hle mah ilangin, duh angin kan vulh theih rih lo erawh chu pawi ka ti em em a.

Tichuan, tunah pawh hian kan ral-thuam te kan enin a la modern tawh lo hle a. Nimin lawkah pawh harsatna leh vanduaina tawp khawk kan tawka a ni a. Khata an kalna pawh kha amahni Police Motor pawh ni lovin tual-chhung mi Motor a ni a. Tunah hian opposition angin lo sawi dawn ta ila, engatinge Sorkarin Motor a pe lo em ni, tiin lo sawi dawn ta ila, treasury bench lam atang chuan, "Aw, a ni tak asin, in lo pe lova, a pawi khawp mai, kan lo pe mai ang", tih mai pawh awl tak a ni. Mahse, khalam kha ka tum a ni lova.

Kha khan ebkawl leh tuam hla m an ngaihzia a tilang a ni tih sawi ka tumna lam a ni zawka a.

Chuvangin, tunah pawh khan reinforcement lam chungchang thuah tepawh harsatna an tawh nasa em em a ni. Chuvangin tuna kan pawisa neih ang hrim hrimah te pawh hian, a theih ang ang a anmahni tih changtlun a, Mizo tlangvalte hi chu a dik takin silai hi kan thiam rang khawp a, silai hming kan hriat mang loh pawh hi kan han tuai thut thut hi chuan kan final thei mai zel a ni. Chuti khawpa advance chu kan ni a. Chutiah lai karah chuan, kan ram chhuggah hian kan thenawn lawk lawk a dan pawn a awm ten hetiang a kan security force te an nuai hi, anmahni aia thain kan Weapon te pawh hi kan siam a ngai mang e, tih ngaihtuahna a awm lo thei lo a ni.

Tin, chu mai ni lovin, Police Force pawh hi tun aia tam zawka kan siam a, train pawh hi a tha leh zual a kan train pawh a thain ka hria a. Training hi uluk a lo ngai em em tih ka hmuh chianna em em chuwawikhat special service group an ti a. Pakistan-ah khan. An hnuaiah kan training a. Training Instructor te chu Israel thlakhat chaw ei miah lova thlalera Utawk leh Chungu te eia ringho, khamia training chhuak ho kha Instructor an ni a, an chiang em em mai a ni. Anmahni atanga han Training chhuak chuan ngaihtuahna a hlawn lian a, hmabaka kan tihtur ah pawh tum a ruh bik a ni. Chuvangin kan Police te pawh hi tun aia tha zawka training te pawh hi kan pek a ngai a ni. Tin, hetiang incident thil a lo nih takah hian awm zel lo turah kan beisei ualin tun aia nasa zawkin underground movement te beih dan te, tackle dan te pawh kha uluk zawka kan zirte pawh a ngai awm mang e aw tih thlengin min ngaihtuah tir ta hial a ni. Chuvangin, kan Police Force te tih changtlunna te leh tun aia advance zawka kan siam hi a tul ka ti tak meuh meuh a ni Pu Speaker, kha kha demand No. 14-a mi chu ni mai selangin,

Demand No. 22-na School Education tih hi tlemte sawi leh ta ila. Helaiiah hian School Education hmalak dan tur hi kimchangin tarlan theih ni rih lo mahselangin Mizoram tunah a awmawh chu School tlabal lutuk. Tunhma deuh te kan thlirin Sorkarin budget ah leh Work Schedule ah, "tunah chuan School 10 (sawm) Deficit kan tum ang", tia pawisa ruahman a nih lain 15 te Deficital dah a ni ta thin a. Khati a nih kha chuan zirtirtu 5 awm turah 2/3 te chauh awm a lo ngai ta a. Khatiang kha tunah hian chawmhlawn tur tam tak a awm a. Dik tak chuan tunah pawh Khawbung constituency ah pawh Farkawn-ah chuan Primary School Comprehensive Middle-ah an len ngang loh avangin anmahni thuin School an hawng tawp mai a. Tichuan, admission an han la a, an hawn tharah tanah khian, tahrik ni Khan an School ka va tlawh a, naupang 105 an awm nghal tawp mai a ni. Chung chu an lo khungkhawm ta a. A hahthlak em em a ni. Tichuan, a tih hleihtheih ngang lo a nih hi tiin School dang kan hawng tawp mai a ni. Khatiang te kha a mamawh lutuk vang zawka a ni a. Sorkar leh Department in min hriat zui a ngai hle ang tih ka ring a. Veng tam takah pawh a awm ve ka ring.

Khaw pakhat Thekte ah chuanin School naupang an kal that deuh ni chuan Zirtirtupa chu Varanda-ah a awm mai a. A leng ve tlat lo a ni. Khatiang chi te kha an awm duh khawp mai. Chuvangin, kan School Education hian, he pawisa hi School tlabal lutuk thawrawng lutuk tih phuisui nan hma a lak a tha awm mang e aw tih ka ngaihtuah a. Khatiang kha a nih avangin Mizoram pumah tuna, kan Speaker zahawm takin House min kaihruai dan te ka zuk hmuh hian Question Hour-ah min han hnuh tang tang hian, Question tam tak hi a thi ang tih min hlauhpuia ni tih ka hriat hian tha ka ti a, Mahni zawhna a han thi zan mai chu a hrehawm khawp mai. Minister in paper in min rawn chhang a, 'kan tum' 'emaw kan tum' tiin emaw 'dik', 'diklo' an rawn ti mai tawh si a, zawhbelhna a awm thei tawh silo, kan duh lai tak a han thi tur kha min ui sang vang kha a ni thin.

Chutiang deuh chuanin, tunah pawh hian Operation black board a zirtirtu kan Education Department ina an han dah zeuh zeuh te hi a tangkai khawp mai a- ngemaw zat an han dah hian, School hawng theilo tura ngaih 'Zirtirtu pahnih an han awm thei ta mai, pathum lai an han pek belh zawk mai te a han awm kha a ropui ka ti a. Khatiang khan nakinah O.B. ho an term a tawp dawnah pawh kan Education Department hian he kan zirna hi Middle School tha tak neitur te, High School tha tak nei tur te chuan Primary School a that a ngai a, chuan zirtirtu an mumal a ngai tih zawng zawng kha School tha tur chuan kan hria a ni. Chuvangin thingtlang chuan sawi tur kan ngah em em. Thingtlang bialtu chuan kan sawi ngamloh deuh thin, Sorkar hmasa pawh khan an tih tawh nge aw, khawpui ami i khawng e i han ti chhuak dawn teh ang ti ila a har em em mai a, khatih hun laia Minister zahawm takin a sawi ka hre reng thin. Vanapa Hall-ah zirtirtute kokhawm a, tunah hian ka hriattir lawk a che u. Education Department a in lo luh dawn hian thutiam in neih kha a tulna hmun apiangah in tih ang khan, a tulna hmunah ka dah dawn che u a. Tichuan lo hnial lo ula, Sorkar in hlawh a pe che u a, in thiamna kha naupang ten an chhawr duh a ni, ka ti a. Amaherawhchu hma kan la a, kan han insawn chhuak tan a, amaherawhchu, kan Minister te leh thian dang ten hei hi zawng a pasal a hrisel silova. Anupui a bawrhsawm si a, a chawm te an tar si a, tih lehkha ka hmu tam ta lutuk a, ka buai ta a ni a ti a, a dik viauin ka ring.

Helaiah hian a bik takin thingtlang bialtu te pawh hi MLA Association te kan nei hial dawn em ni tih te min ngaituahtir hial a, A chhan chu thingtlang a zirtirtu kan neih chauh dan leh khawpui in balance loh dan te zuk ngaihtuah hian, sawi thiam harsa zawk khawp in thil a awm a ni. Chuvang in he kan pawisa rawn siam chhuak ah hian in a theih ng ang in min siam rem sela, opposition te opposition lo te pawh ngaihtuah chuang reng reng lovin, khawilai ah hiange naupang zirna that loh zirtirtu an tlem tih te min en sak a tul hlein ka hrias Tin, High School Private tam tak an awm tlat mai a, ka bial chungah ngei pawh Private panga a awm a. Engatinge kan tih chuan a loh theih loh Middle School atangin an lo pass chhuak ta a, a khaw piah lama High School kal tur khan an thei tlat lo an zirna a

tawp dawn tlat. Nula pui pui, 'leirawl te an ni tlat, rim rual rual te kha an nu tan hnathawk ah an duh tawh si, Private in an din tawp mai a ni a. Eng pawh nisela, kumin chhungah Matric pass 3 in lo awm chuan a tha, pakhat in awm pawhin a tha, a fail phak in awm pawhin a tha tho tho ka ti mai a, kei chu, chuti khawp chuan he kan zirna ah hianin kan Education Department hian tan a lak loh chuan thil a fel lo ang tih ka hlau tak tak a. Chuvangin kan Education System ah hianin kan san tawh viau lain kan hnungtawlh dawn tap tlat tih hi kan Statistic ah pawh hian a lang tan a ni. huvangin kan hnungtawlh loha hmalam kan panna turin kan budget hi tangkai taka, hmang turin Pu Speaker, kan tarlang ve duh a ni e. Ka lawm e.

S P E A K E R : Pu C. Sangzual.

PU C. SANGZUALA : Pu Speaker, ka lawm e. A bu chhah keu lo hian phek te hmang in kan ti ve hlek hlek anga. Kei ni ang mi thar tan chuan a zawhna zawng hlir pawhin ka ila, zawh tur hlir a ni mai a. Kum chanve zawh daih hial awmin ka hria a, in ngeih mang lo te a ziak dan hmangah hian a ni a. Amaherawhchu a thil tuma kha kan sawi tum a ni a, chuti lamah chuan kal dawn ila,

Nichinah khan kan Opposition lam hruaitu zahawm tak khan a chhuk zawng lam deuh khan an sawi a. Ani viau tak a sawipui chakawmna lai pawh a awm ang a. Amaherawhchu, kan Budget hi ngaihsanawm tihna tak ka nei a, chik zawka han ngaihtuah chuan kan Sorkar hruaitu te hian duhthusam ramah min kalpui an tum lova. Duhthusam ram nilovin a tak ramah min thlenpui an tum aiin ka hria a, ka lawm hle a. Tunhma deuh khan vairam workshop kan kalna ah chuan Calendar hnung awl hi Parcel ruakah an dah teuh mai a, eng atan nge maw in tih chu aw ka ti rilru a, kan zawh dawn ni chuan T.A. Form an han sem a, Calendar hnung awl kha T.A. Form ah an lo chhu niin. Kan hawn chuan kan hotute ka hrih a. Kan inren ve fe emaw ka ti a, mi hi an lo inren zawk daih mai a, ka ti a, sum kan neih theih tur ang tlem a realistic thawkhat thei ang leh, uchuak lo deuh a thil ruahman hian a zai thei ang ber leh a tul ngei a hman min zirtir dawn niin hriatna ka nei a. Chumi angte atang chuan kan Budget hi ka han approach a, ka thaw deuh huai a, ka lawm ta viau mai a. Kan Budget ah hian chu chu min ti ngaihtha tu a ni a. Chuti zawnga kan pen rual that that chuan sum tam vak lo hmangin, thenkhat ten tam tak hmanga an thlen phak loh ram hi kan rap ma a awm mange tih beiseina te ka nei a, chu chu thuhma ah kan sawi phawt a ni.

Heng Demand 54 laiah hian sawi duh a thahnem thei hle a, sawi duh apiang han sawi ila, sawi fumfe mang loh khan a liam mai mai ang tih ka hlau bawk si a. Tlem tlem ka han sawi ang a, a in dawt tehchiam ni chuang

lovin, ngaih pawimawh ber pawh a awm hleithei lova, ngaih pawimawh theuh kha a mal malin kan sawi ve den den ang a. A then then chauh.

Demand No.27-na Water Supply

And Sanitation hi ngaih pawimawh awm hlein ka hria a. Ka bial, te han ti ila, mak sak a ni lovang a, ka bial khua te chu Aizawl ni ve tho, a then chu a changa Rural a chang a Urban a ni a, khatiang vel kha kan ni a. Thil hrehawm Curfew ila-ah chuan kan Urban a, vanneihna thilah chuan kan Rural a ni leh hlauh thung a, tih hi ka bialchhung khaw thenkhat te sawidan a ni a. Aizawl khawpui hrim hrim pawh tui thua kan harsatna hi chu phat rual a ni lova. Amaherawh-chu, heng tuna kan han sawi ang chi Aizawl khawpui chhunga chhungkaw then then, regular water supply ina a thlen tak tak loh te pawh a awm nual a. Chungah chuan nitin a kan thil hmuh leh hriat anih avangin, tui thu hi rilruah a lian lo thei lova. Hengah hian tuna tangka ruahmanna hian eng angin nge a rawn thlen ka hre hauh lova. Kan hotute, a sum han chalaitu tur tak tak te khan hemi Aizawl Greater Water Supply Phase-II tihpuitlin anih hma pawh hian eng arrangement emaw hi chu mipui harsa zual, tualchhung tuikhur ina a chawm sen tawh si loh te kan va chawm dan tur hi chu ngaihtuah tel hram nise, tih hi ka sawi duh a. A ngen pawh ka han ngen a, kan hotuten min chhinchhia sak se tih pawh ka duh hle. A hrim hrimah tui hi tunna, hriselna anih avangin kan vaia mamawh a ni a, a then kan hnianghnar deuh zawk laia a then ro chara kan han awm chu thil remchanglo tak ani. Hman zan lawk pawh khan kan kang a, a manganthlak lutuk ani, Sawlai Saikhamakawn-ah sawn tualchhungah kangthelhna tur tuinu pawh a awm chuang lova, a fim chu sawi loh. Khatiang kha kan ni a, Tui thu hi khawpui pumpui tamna a ni a, ruahmanna in duhthu a sam phak lo chungin; thiam zawk taka thil ruahman dan hi awm thei ta sela. Tin, khawpui chhehvela khawpui kan tih ve te pawh huam thei chunga thil ruahmandan hi tun kan Budget hian fun tel thei ngei se tih hi kan ngen duh bawk ani.

Tin, Demand 19-na leh 54-na kha han la kawp leh daih ta ila, LAD leh PWD a 'D' ve ve hi kan in 'D' tir ang a. Heta ka han sawi duh chu, khaw hmel, ram hmel helaia kan han hmuh maia tilangtu ber hi anni ve ve a, hemite hi. Veng hmasawn leh hmasawn loh hi Veng-thleng, khaw leilungah te, ramah te hmei Deptt. a pahnih hian an keng em em mai a ni. Chuvangin, hemi te pahnih hi han voh deuh- hlek pawh tha hlein ka hria, vohbik hleah pawh kan ngai a. Amaherawhchu, tunah hian hmehbel chin a awm rih phawt a, chutiang chu thil awmdan a ni a, nimahsela, thil kan neih sa ti hmin thar tur te, tin, neih ve ngei atana tha, Veng-hmawr ber pawh thleng phak tur, ramhmel ti danglam tura thil thar reh chhuah te pawimawh hlein ka hria a. Entirnan - mahni bial bawk sawi ila, Sawlai Kulikawn vel thleng sawn a hming chuan tunhmate khan khawlai black-top kawng a ni ve a, amaherawhchu kumkhua deuhthawin Ngaizel phehi hi a dum ve ngailo ani. Tuna Sorkar thar a lo din hi chuan Rulngan Pa ang zan ani tur a ni tih hi sawlai keini lam area te, tin, chhimlama kal phehi te zawng

zawng duhthusam a ni a. Tin, kan programme dang ah khan, sawng Aizawl - Thenzawl, Lunglei Road te pawh High-Way a tihtir tum niawm tak te pawh in ka hria a. Chungte pawh chuan ngaih a ti tha a. Ngaizel kham kawng pawh saw a nih ang ang a, tunah sawn kawng a lo dum tan ve ta a, a lawmawm khawp a. Kan hotuten zah an rawn ngai a, hmun danga sum remchang kuaikur min ka ring a, amaherawhchu Ngaizel phei kan dum dan pawh a then lai a dum zim deuh a, a then laiah chuan a dum sin deuh rei rei hlek a, sawng te saw chhuat pum dum ni thei sela.

Aizawl khawpui pumpui maih hian kawngpui thar, chuan chung leh chuan Laita te, chuan - hnuai te hetiang hian inkalpawhna kawng te han awm thar thei se lawmawm tak a ni ang. Shillong ah te pawh khuan chutiang chu a tam mai a, kawng te tak te te te pawh an black top a, a nih loh leh cement concrete-in kawng an siam a, a nuam em em a, hetiang hi kan hotute rilru ah awm thei se, khaw hmel tih danglam nan LAD leh PWD sum hman tangkai hle tum turin ka duh khawp mai

Tin, Damdawi Medical Demand 26-naah hian han tawlh thla leh ta ila. Hei pawh hi a pawimawh khawp mai a, hmanni khan Zero Hour-a kan ngaihthlak te kha kan la hria ang a. Hemi a Service dan improvement te pawh a ngai phawt a, tin, a facility a material lam han improve a ngai hle bawk a, kan damdawi In hi rei tak damlote damdawi kan pe tawh lo a ni tih pawh kan hria a, khatiang khan mirethei damdawi In emaw kan tih kha nei nung damdawi In ah a lo chang tlat mai a. Khangte pawh khan bu let kan tum niin a lang a; tunhma awm dan angah khan kir leh a a aia tha a tih an tum ni ngei tur a ni. Chutiang ti thei ngei tur chuan ruahmanna neih a tul hlein ka hria. Tin, sawi laiah damdawi In pahnihna ang deuhin Kulikawn ami hi damdawi In hming kan put tir chho mek a ni a. Hei pawh hi a nih tur ang tak nih tir tur chuan sum hman thiam a ngai viauin ka ring a. Chungah chuan damdawi lam a kan hotuten sum an han sem vel naah an priority number 1 a nih phak loh pawhin 2 leh 3 ah chuan tel thei sela tih hi ka ngen duh bawk a.

Tin, Police thu kha ka hmaah Khawbung bialtu zahawm tak khan a sawi a, ka'n tuihnih duh a. Niminah khatiang khan an vanduai thuin kan thin a thawng em em a. Tukin ah anmahni zahna inkhawm kan han nei leh a. Khatiang kha kan Police te chhuanawmna lo lanna ni thei mahse, khatiang kher kha a awm tawh loh nan famkim zawk leh changtlung zawk a kan force te hi kan thuam a, kan tih lan hi a ngai hle tih kha kan sawi nawn duh a, anni ho hi an zahawm em em a ni. Tin, theih nise, kan border vengtu ah te pawh hian a tih dan a awm lawm ni ? Sawmi Khawthlang tui-pui dungte pawh saw ka zawh ve tawh a, Bangladesh lam lui kam ah chuan ven buk tam tak ka hmu a, Mizoram ram lam lui kamah thung chuan ven buk reng reng ka hmu lova, khawng kan ven buk ka ti'a. "Tlabung hi an ti a, a hrehawm hle a ni. Sawngah te pawh sawn BSF thlaktu te pawh hi a siam dan a awm lawm ni ? A nih loh pawhin a chhak deuh hlekah ramri kantute dan bawhchhetute lo dang kir thei tur hian an dan theih lawm

ni ? tih te pawh min ngaihtah tir a ni.

Tin, kan House Leader in Priority a neih demand 36-naah hian han lut leh ta ila, Agriculture leh a behbawn ho hi, chaw kan neih hian mihring hi a tlangpuin kan zahawm a, kut dawhna lak ata kan fihlim a, kutdawh lo mihring mi dil dil lo hi mi zahawm a ni mai a. Mi thil kan kan dil kan dil chuan mi bawih kan ni a. Kan Motor te angte pawh hi an khawngaih thlak khawp mai a, pur phur Motor an ni mai a, Silchar leh Aizawl inkar, Zanlawn leh Aizawl inkar chhuah hian an chauin an rum hum hum thin a nih ber hi, a zahthlak hle a ni, pur kan phuhrei ta hi! Hemi kawngah pawh hian ruahmanna fel tak a awm niin ka ring a, awm se tih pawh kan duhthusam a ni.

Tichuan, chaw ah hian kan sum neih ang ang han chawm theihna tur hian ruahman ni ngei sela. Chaw hi number one ni thei sela. Tin, chaw bakah sum hmuhna dang dang hi a lo ngai a. Entir nan, Aizawl chheh velah chuan chhim leh hmarah chhak leh thlangah te pawh thlai- sum chang thlai fur thlai te, thlasik thlai te kan ching a, thlai kum hlun erawh chu kan nei vak lo deuh a. Hengte te te pawh hi mumal deuh zawk a chingtute kaihruai a kan enpui chuan chhungkaw inchawmna tur ruahman sak a har lo hle a. Aizawl hmar khawlian thenkhat Durtlang te, Zemabawk te, Sihphir te angah te chuan kan ti ang reng viau a. A ngaihna pawh an hre tawh viau a ni.

Hemi Aizawl chhim pheiah te pawh hian heti lamah ei an hmuhna tur khawpin huan thlai lampanga ei zawmna te pawh hi kan uar sak ve ta ila, kumina kan uar tur zing leh kan bawhtur zingah kan hotuten heng thil te hi lo earmark thei sela, a lawmawm ngawt ang. Hei Agriculture leh a behawm, Horti kan tih ang te hi kan ram intodelh na tur atan remchang ber zinga mi a niin ka hria a. Chu chu kan sawi chak deuh bawk a ni.

Tin, sum tampui duhthusama lungte hmana hman tur kan neilo tih chu kan hre reng a. Budget tak tak a lo chhuah hunah chuan hei ai hian a tam ngei beisei ila. Supplementary Demand te pawh a lo la awm leh ang a tih pawh rin lon rual a ni lova. Engle khawle, hemiah hian han in tehchhin ta ila, kan hotute hian a tak taka sum kan han hman dawn hunah priority thlan thuah rawn fimkhur hle te tih kan ngen duh a. Politics a innawrna, hi a pawimawh viau bawk a. Chutih rual chuan a tak taka pawimawh hi a awm a ni. Sum hi a realistic deuh hlein rawn sawngbawl sela. Tin, realistic taka sum hman kan zir dawn a ni tih thuhmahruai ang deuh hlek khan. Tihtur pawimawh thlan thuah fimkhur a pawimawh hle dawn a. Tih hmasak tur leh a dawttu tur thlan kawngah hian, thahnem ngaih tuata ram tin ker kuak zut a hlawhtlin si loh a hlauhawm a. Chutianga kal lova, a pawimawh lai bawh chat chat a, bawh lai zel chu hlawhtling ngei tura tih hi pawimawh tak meuhin ka hria a. Chu chu sum hman thiamna tur ni ngeiin kan ring a.

Tin, hei Education lam hi tawite in ka'n sawi ve leh talh duh a. Hei, School then then chu hah tak tak te an awm a, ni a, Hah taka Private a kalpui ngar ngar Sorkar lak duh ve em em School Junior zawk Sorkarin a lak khalh mai a tih Deficit tak mai leh thenkhat tih Private rengte pawh a awm thei a, engtir na tur kei pawhin sawi tur ka hria a ni. Veng hnuaiiah sawn High School, Veng-hnuaiiah Saron High School kum tam tak chhung Matric la chhuah hlawhchham miah lo kan nei a. Tun thleng sawn khawhar takin an la awm a. Education Department lamin hei kan Minister hi a lo la lut lo na a kan hotuten min lo chhin-chhiah sak sela. Kumin hi chuan kan lo en ve ran ran dawn a ni. Tichuan kan Budget hi tha thawkhat tia han commend. Kha a tawk turin kan ngai a, sawi duh la nei mah ila, an hmet ri tawh a, ka kal thui tawh lo mai ang a. A nih ang ang tangkai tak kan ram hmel ti danglam ngei ngei tur, tin, mipuiin beisei nasa a, min beiseina a tak a tihlan nana kan sum ruahman hi hmang ngei ngei tura ruahmanna kan siam thiam phawt chuan heng sum hian kan ramah hna a thawk ngei ang tih ka ring a. Duhthusam a tam ni rih lo, mahse langin kumin a mi hian nakum lam atan hmachhawp tha tak a siam theih ka ring a ni.

Thil pakhat kan House Leader pawhin a ngaih pawimawh em em kan ram problem lianpui Social Evils kan dona leh tihdam kan tumna kengtu Social Welfare Department pawh hi han en ta ila, Demand 33-na hi duh, ang chuan sum a tam lo ang reng hle a, hengte pawh hi Central Scheme atang pawhin a lo kal dawn ah ngai ila. Hei hi hman tak tak a lo tul dawn hunah kan thil phalna tur chin chu ni ngei kan ring. Heng Social Evils kan han dona ang leh a do chauh ni lova a damdawi kan han hnawihna te a tih dam hmu a hman tlak tura han chei zui chhohna te leh a la ching lote venna tur te hi Hnam Damna tur tak tak tur nia a lan avangin a pawimawh tak zet a. Sum awm ang a tulna a semzai thiam leh kawng dang amite pawh pawhpen theih turin kan hotute rilruah awm ngeiin ka ring a. Hei hian thla pawh a muang hle a ni. Ka lawm e.

S P E A K E R : Dr. Lalzama i ko ang.

Dr. LALZAMA : Pu Speaker, ka lawm e. Rei lote ka sawi ang a, hei kan Budget te kan han hmu a, a lawmawm hle a, amaherawhchu, kan hriat angin hengte hi kan duhthusam tak tak chu a la ni hauh lo tih kan hre theuh a. Nakinah kan ram hmasawna tak tak tura hma lak theihna turin Budget pui zawk te kan la siam dawn a ni tih kan hriat kha. Hei kan tih hmasak atana pawimawh a kan neih leh kan sawilan duh chu pakhatnaah chuan Department hrang hrang te hian building engemaw zat hi Office atan an luah hawh thleh thluah mai a. Heng hi zawi zawia tih bo theih tura hmalak ni ta sela. Thlatin mimal building Office a an luah hi senso tam tak pek a ni ziah a. Ka bial chhung Aizawl N-I

ah te pawh hian khatiang hmun tur kha a la awm viau a. Hei tunah pawh Engineering College te dah phei tur angin thil a kal a, a lawmawm hlein ka hria a. Hetiang ang zawng hian town area anih rau rau si chuan, mimal building te man to tak tak a luah a thlatin a chawi tam tak tak te pawh ngailo turin hetiang zawng hian kan Sorkar hian kalpui sela a tha hlein ka ring a. Chu chu tun atang hian man tlemte a han lei a ngaih pawhin tlemte a ni mai a. Tin, to tak tak a heng laia private building khawimawi laia chep tak tak hara tun hma an lei thin ang kha ni tawhlo sela a tha in ka ring a ni. Chutiang chuan hmun a la awm tih hria ila. Department hrang hrang mi building luah hawh te khan khati zawng khan rilru lo nei ta sela a thain ka ring.

Tin, a dawt lehah chuan hei Sports lampang te pawh kha han sawi leh ve zawk ila. Hei Mizoramah kan thalai ten Sports lamah hma an sawn chak ve hle a. T.V. ah te inkhel an hmu a, heng avang hian Play-Ground han chei that ve pawh hi a tul hle a. Khawpui chhung kan Play Ground zau tha deuh te leh heng ka bialchhung ami te pawh Zemabawk leh Durtlang a mite pawh han chei tha turin sum a tlem khawp mai a. Sports Council bikah hianin 1.23 a nia a tih ngaihna vak chu a awm dawn lo tawp mai a tih chu a lang a. Amah erawhchu, a thu hrimin, heng hi kan ram thalaite khawvel levelah pawh lang phak khawpa hma an lakna tur leh kan zirtir chhohna zel anih avangin Sports lampangah pawh hian hma han la chak chho deuh hlek ila a thain ka ring a ni.

Pahnihnaah chuan, kan Election Manifesto ah khan Identity Card issue tur tih kha a awm a, hei hi a pawimawh hlein ka hria a, a chhan chu hei khawthlang lamah khuanin Bru unaute Tripura atanga lo chho, lo let leh te an awm tan nil nial a, chhuk thla nilo, midang a thar lo lut leh an awm tih hriat a ni a, tin, a chhuk thla ta ate pawh kha an lo haw leh in an Christian tawh lo lehngal a. Tin, kang kham midang rawn hruai lut an awm bawk a, chuvangin Identity Card siam hi a rang lama tih ni thei ta sela, thain ka ring a. Kan ramah kan hriat angin khawthlang lam ah pawh Bru unaute pawh Arms nen an thawk a ni a, kan hre theuhva. Chuvang chuan Identity Card issue a, hemi kan ram pumpui Mizoram khua leh tui dik tak te helaia awm ate kan hriat chian thuai theihnan a pawimawh hlein ka hria a. Heng kan Gorkhali unaute pawh hetiang zelin, hmundanga mite pawh lo kal belh thei bawk a, Mizorama awm nghet chin kan lo ngaih te, Peace Accord ah pawh khan Minorities humhalh tih kha kan nei a ni a, kangte pawh kan tihpuitlin thuai theihna turin heng hi siam fel thuai theihna turin heng hi siam fel thuai nisela, Identity Card te pawh issue thuai thei ila, sawlam chhim thlang lam Chakma hote pawh chutiang bawk chuan lut leh chhuak tichiang thei turin, Mizoram khua leh tui te, awm nghet china kan han ngaih te tihchian theihna tur khan hei hi hmalakna hmasa ah a tul hlein a lang a ni. Nakin zelah pawh kan buai loh nan leh kan Peace Accord tih puitlin thuai a nih theihna turin hetiang thil te pawh hi a tulin a lang a ni.

Tin, hei hmanlai han ti ila, thangtharte tan chuan a ni ve tho baw k a, rambuai hma leh ram buai lai te khan Mizo signal corp kan din a nih kha. Khatiang chi kha tangkai takin kan ramah kan hmang a, thangtharte chuan an hre chiang tawh lo mai thei a, tiang khan kan hmang thin a. Khaw hrang hrang ah zanah thu pawimawh kan inthawn zung zung thei a, tangkai tak a ni. Inpekchhawn dan te a awm a, tunah pawh hian hei hi tih thar leh ni sela, kan Sorkar Department pakhat hian la sela, tunah pawh Telephone in a thlen phak lohna hmun khua a la awm a, tin Telephone a inngah chu a sure lohna chin pawh a awm a, inbiak hleih theih loh zan te pawh a awm a. Tunah pawh veng thenkhatah phei chuan an hmang tangkai em em a ni. Hei hi Sorkar hriatpuina atanga remruatna fel tak siam nisela, telephone la awm lohna khua leh vengte a tam a. Zoram pumah ti thar leh ila, Electric engte a awm a, a har awm mange te pawh in ti mai thei a, mahse, heng hian a tibuai hauh lova, chuvangin hei hi tihnun thar leh nise kan chhawr hlein a rinawm a ni. Sum sen tamna tur thil a ni lo baw k a.

Tin, tui in tur te pawh kan han sawi a, keipawhin hei hi sawi ve ka duh a. Tui in tur hi khawpui chhungah pawh kan hniang hnar lo em em a. Ka bial chhungah te khian tui a vang em em a, Durtlangah te pawh duhthusamin a vang a ni. Chuvangin Aizawl Greater Water Supply Scheme Phase-II pawh hi tihpuitlin hun te a ngahhleih awm a, heng kan tih hma hian Neihbawih tlang sanga pump chhoh tur Kawnpui bial lam, te nen pawha rin tham tur Kawrbel lui tui pump chhuah hi tih mai theih a ni a. Survey zawh vek tawh a ni a, thil har pawh a ni lova. Heng te pawh hi hmabak atana han neihah a tha hlein ka hria, khawpui chhung thleng pawha han chawmthla thei tur hian tih nise, reilote chhunga tihpuitlin mai theih niin a lang baw k a ni. Chuvangin Aizawl khawpui chawmmeha chawmtu Zemabaw k, Durtlang, Sihphir te kan han ti a, hengye hian hnianghnar zawka khawpui an rawn chawm theih nan tui tam taw k kan pek theih hi thil pawimawh tak a ni.

Tin, kan ramin zalenna kan han sual avangin kan tlangval tam takin nunna an chan tih kan hria a, hengte pawh hi Compensation engemaw zat la pek loh awmin a hriat a, in leh lo chante tin, Grouping avanga hruai-khawm ten in hmun lo ram an va luah tak te kha an awm a. Chutianga in leh lo, chante kha kan Sorkar hian compensation ngaihtuah baw k sela a thain kan ring.

Tin, kalkawng chungchangah pawh sawi tur tam tak a awm a, heng kan budget atang hian tih mai theih te pawh awmin a lang a, Kawngpui siam that chungchangah BRTF kawngte pawh BRTF te pawh hi contract a inthualah tih theih niin a lang a, tih that ngei nise. Tin, hei mitinin a kan hlauh em em ti ila, Durtlang-Bawngkawn inkar kawngte leh Kawnpui bul chhuk te hi thawh tiana rang taka Widening tih mai theih niin a lang baw k, heng kawngah hian kan Sorkar hian rilru nei sela a tha hle ang.

Tin, pakhat leha chuan kan ram in-
todelh theihna tura Sorkarin kawng hrang hrang a hma a lakna
hi a ropui in lawmawm ka ti a. Tin, ka bial chhung mipuite
chauh hi emaw rethei tih mai tur a ni a, mahse midang pawh-
in an sawi tho mai a ni a. Aizawl South-II bialtu pawh
khan an harsat thu a han sawi a, hmun dangah pawh ka hre
fo a. Mizoram mipuite hi kan lo pachhia in kan lo rethei
mang e ka ti a, engvang nge ni ang tia ngaihtuah a chhui
tham niin ka hria, chungte pawh chu ngaihtuah chung a Sor-
karin hma lase, tiin ka lawmthu ka sawi duh bawka a.

Ka lawm e.

PU AICHHINGA
MINISTER

: Pu Speaker, tuna kan Budget hi
nakinah Budget Session pangngai
ah a bupui hi chu kan la ken
dawn chauh a ni a. Chuvang chuan
a Budget pui chhung lamah han luh ka tum vak lova.

Kan sawi duh chu kan Chief Minis-
ter zahawm tak Budget Speech No. 1 atanga 10 thleng hian
kan Financial Problem a rawn sawi chho a, Henglaiah hian
thil tlem tlem han sawi hlek hlek ka duh a.

Hei sum lama kan harsatzia chu
kan vaiin kan hre theuh a. Nikum hmasa lam tawh atanga
kan Finance Minister pawhin Budget Session a a sawi, sum
kan hman duhdah lutukna awngin Reserve Bank of India Chem
zum chuan ka nghawngah min tin reng a ni ti hiala a lo sawi
khatiang ang dinhmunah khan kan ding a ni a. Chumi atang
chuan tunah Sorkar thar lo awmin, kan Chief Minister in
kawng thui tak mai a lo zawng chhuak a. Vawiin niah chuan
Budget pangngai tak sawi thei anga kan lo lang chho ta hi
a lawmawm a, a ropui ka ti a.

Thui tak sawi tur ka hre lem lova,
a tlem a zawng tal han sawi ve hrim hrim a hi ka duh a. Tin,
chumi piah lamah chuan chutiang ang harsatna kan ram in a
tawh chung a kan Chief Minister ina Zero Base Budgeting a
kaldan tur kawng tharte a rawn chhep chhuak chho a. Tin,
kan mamawh leh pawimawh Department biktea hmalak chho tumna
huaisen taka ke a rawn pen chho hi a ropui hlein ka hria a.
Dik takin kan ram Budget kalphung chu kan hre theuh a, kum-
tinin Department tinah 4% in emaw kan ti pung satliah ri-
ngawt a, hmalak tak tak tumna lam Department emaw kha lama
kha ngaihtuahna thui tak awm lem loin ka sawi mai ang a, tu
huat thu ni suh sela, khawi laia emawa LDC te, UDC tena Bud-
get dinglai atanga tlem tlam an rawn tih puna kha helai
House-ah kan buaipuia kan sawi ve chiam chiam thin a ni
tlangpui a. Chutiang ang kawng ni lova, kan ram ina a ma-
mawh dan ang zel hisap a, kan Chief Minister in huaisen tak
a chutiang anga hmalakna Zero Base Budget a rawn buatsaih
hi ropui ka ti a. Chuvangin vawiin niah hian kan Budget
han sawi khawm tura pawh hi leh kan hmanchhoh tura pawh hi
a hlimawmin a lawmawm tak zetin ka hria a; Chumi chu ka rawn
sawi tel duh a.

Tin, chu bakah chuan khami piah lamah khan kan harsatna hre reng chungga Central Sponsore Scheme lamte a tam thei ang bera hma lakna tura kan neih a ngai a ni, tia Department tinte Central Sponsore Scheme hnuaiia sum hai luh theih dan chi hrang hrang ngaihtuah tura fuihna leh hrilhate Department tina a han tichhuak zelte hi a ropui ka ti a.

Tin, chumi piah lamah chuan hei, Externally Aided Project chi hrang hrangte pawh a tam thei ang ber hetah hian kan tlanpui a ngai a ni tih thute a rawn tarlang hi a ropui a. Sorkar hmasa lamah pawh thui tak chu an lo tlan tawh a, tunah pawh kan chhawr viau tawhna chin a awmin ka hria a. Mahse, kha aia nasa leh zuala kan hmalakna turah hian keimahni ram chungga kan Budget neih piah lama pawnlam tanpuina hai chak tura hmalakna a rawn ruahman hi a ropui hlein ka hria a. Tin, chumi rual chuan tawngkam mawi tak a rawn sawi chhuah fo thin hi, nichin khan Saiha bialtupa khan an sawi mak lek lek na a, a ropui ka ti a. "Delhi Drip khaiia nun ngawt kan tum tur a ni lo", tih hi Central Sorkar tan pawh thu lawmawm ber pawl a tling ang tih ka ring. Kan ram Develop-na tur hian Central atang a Budget kan neih tura Central puihna zara kan kalpui tawk tawk ringawt maia hi chu kan nihphung kumkhua tur anilo hrim hrim ah ka ngai a. Keimahniin Central atanga min puihna titlem lak thei khawpa hmalakna kan neih a hi kan kaldan tur a ni a.

Chuvangin Mizote thinlunga kum tin Budget a kan pawisa neiha inngah ringawt maina thinlung lam ang chi nilo, keimahni atanga Revenue hailuh vena tur kawng zawna a hi kan ram tan thil pawimawh ber a ni a. Tunah chuan Delhi Drip khaiia nun tuma kan kal thinna ang thinlung kha ngaihtuahna puitling nen, ram hmangaihna nen tan kan lak a hun tak meuh ta a ni. Central puihna kan hnawl ang tihna lam ni lovin, khami atanga kan thawhchhuah ve zel atanga Revenue tam zawk kan ram hian a hmuh theihna tur kawng zirtirna a nih avang hianin hei hi a ropui tak meuh a ni. Chuvangin, he tawngkam mawi tak hi kan hmanchhawn theuh te pawh hi kan tihtur a ni zawk awm mang e tiin ka ngaihtuah a ni.

Heng thil piah lama ropui leh em em kan Chief Minister hmalakna chu Committee of Group Officer tena he Peace Bonus atanga ngaihtuahna kan ram sum leh pai kan hmuh belh theihna tur kawng rawn haichhuak hi a ropui hlein ka hre leh bawk a, tunah hian kan Budget hrim hrim piah lama engemaw zat Central atanga haichhuah dan tur kawng thar a rawn ngaihtuah thiam hi ropui ka ti in, fakawm ka ti a, kan ram tan hian a hlu tak meuh a ni. Dik takin remna kan neihna chu kum 10 aia rei a ni tawh a, chutih chhung zawng zawng chuan hei kan tam chhungah hian inremna a hlawhtling hle a, India Sorkarin inremna a siamna pek zingah remna tluantling ber a nihna denchhena hetiang ang sum haichhuahna kawng tha an rawn hria hi ropui ka ti a.

Chuvang chuan vawiin niah hian dawimawi pawh an phu hlein ka hria a ni. Chuvang chuan he Peace Bonus hman tangkai dan tur leh kan hmuh ngeina tura Committee hial Finance Department Central in a a lo siam thei te te hi vawiin ah hian kan hnam hian leh kan Sorkar ngei pawh hian lawmthu sawi mawlh mawlh tur niin ka hria a. Chuvang chuan he kan Chief Ministe in Budget chawimawi tur leh fak tur hlir mai a niin ka hria a. Tin, chu chu a fakawm satliah mai a ni lova, kan ram tan a chhawrna awm in a ropui hlein ka hria a, helai te hi kan tarlang ve hlek duh a ni a. Tin, chu bakah chuan Pu Speaker, kan tarlan leh duh chu keini hova hi Legislator kan inti a, dan siam pawl kan nih kan in hria a. Nimahsela, hun hmasa lam atang tawh khan, tute emaw ka zuk demna lam ni lovin, dan siam lamah hian keiniho hi kan chak lo em em a. Sossion apiang hian dan siam tur a thu e ti lo hian, kan dan siam tur rawn put luhte pawh hi kan reject fo mai hian ka hria a. Kan ram tan hian dan siam belh ngai hi kan ngah teh lul nen, vawiin ni thlenga dan siamna lama kan rilru kan dah tam lo hi a pawiin ka hria a.

Entirnan, kan ramin inremna thuthling ropui tak kan nei a. Khawvel ram hrang hrang pawha an awh Peace Accord kan nei a. Chutah chuan provision tam tak dan siam belha hman theih tur, dan siam leh avanga constitution-a mu ta mai mai thil tam tak kan neiin ka hria. Entirnan, Ownership and Transfer of land, tih thuah hian Mizoram Sorkar chu thu neitu lian ber a nih thu leh a neitu a nih thu a kha min pe fel tawh a. Constitution ah a chuang a, mahse, hman theihin vawiin ni thleng hian ka la nei ta chuang lova. A neitu kan nihna kha a chiang ringawt a, mahse khami a kha kan ram leilungah hian eng ang zawngin nge kan kalpui ang, tihna chang hre lovin vawiin ni thleng hian kan mutpui a, raw neih mai mai a.

Tin, kan sakuana chungchang thu ahte pawh, dan fel takin constitution ah chuan kan nei ngei a. Mahse, chumia pawh chu a in humhalhna tur leh a chhunga a hman dan tur a kha vawiin ni thlengin kan nei chuang reng reng lo. Chutiang zel chuan thil chi hrang hrang, inner line regualtion ah te pawh, kha inremna thuthlung khan a nem ngeth thar leh a. Nimahsela, hmana British hun laia kan hman dan pangngai reng khan kan hmang ringawt a. Arunachal dan hman dan kha an neih laiin keini chuan a ngai rengin kan Deputy Commissioner te kutah kan dah tawp mai a. A Sorkar lamin zuk enpui tumna lama kha kan nei vak lo a ni. Chutiang chuan he kan inremna thuthlung ami thil tam tak dana chantir ngai Assembly mawhpurhna ni sia hi tih nachang hreloa kan awm reng te pawh hi he term tharah hi chuan a tam thei ang ber dana kan chantira kan siam chhuah hi kan tihtur pawimawh tak niin ka hria a. Chulai te chu kan tarlang duh a.

Tin, chu bakah chuan ka thu tawp na ang deuha kan sawi duh chu mahni bial in lut theuh bawka, kan sawi ve duh a. Kei ka bial Khawzawl constituency khi tunhma atanga ngaihthah bial deuh nia in ngai an ni a. Kan Sorkar hmasain kum 10 chhung zet ro a rel chhung khan

kan rethei ngawih ngawih hian kan in hria a ni. Chuvang chuan kan High School te pawh MNF Sorkar hun laia kan din kha School tha ber pawla an ngaihte pawh vawin thlengin Deficit pawh a la ni lova, private a la awm ta ngar ngar te kan awm a. Khingte pawh khi siam thata a nih dan tur ang nih tir hi kan beisei a. Department hrang hrang leh Ministry hrang hrang te hian min han en teh u, min rawn ngaihtuah teh u tih hi ka han tlangau pui duh bawka ni.

Awle, sawi tur tam tak awm mah-sela, chunglai thil tlemte chu kan tarlang ve duh a ni.

Ka lawm e.

PU ZAKHU HLYCHHO : Pu Speaker, Budget kan discuss dawn a, MLA sawi duh an tam si a, Minister ho an inrawlh a, an bial chanchinte an sawi vak vak hi chu chance min pe rihphawt sela, a tawp lamah an duh leh sawi ve zawk mai se a tha lawm ni ?

S P E A K E R : Minister nihnain an sawi lova, an MLA nihnain an sawi a, khang kha chu khap theih a ni lo. Tunah PuSanghmingthanga i ko ang.

...255/-

PU H.SANGHMINGTHANGA H.PAUTU : Pu Speaker, ka lawm e. Hei kan han hriat tlan tawh ang leh kan Finance Minister zahawm tak in a present a rawn sawi ang deuh khan, tunah chuan kumin a pawisa ruahman felna planning Commission te nena la neih a nih loh avangin nika ami ang level-ah khan han ti phawt rawh u tia kal chho kha a ni a. Khami atang khan a tlangpui chu sawi chipchiar ngai lovin kan hre vek tawh kha a ni a. Mahse khati chung khan ka han thawi ve zeuh zeuh ang e. Helaiiah hian ka han sawi duh ve pakhat chu a hmasa berah Sports and youth Services Demand No. 24-na plan ah khan 79 lakhs anga han dah kha, khami column a ziah a kha a beitham deuh em ni chu aw ! ka ti a. Nakinah a pangngai tur ang a lo kal hunah kan hotu ten lo en tha sela. Sports & Youth Services hi tunlai khawvel-ah, ram tinah, he kan ramah ngei pawh a pawimawhna kan hmu chho dawnin ka hria a. Preventive Department te pawh ti ila, a sual loh hi mawle, te ka ti a. A chhan chu kan thalai ho Drugs te, Zu te ti ho hi, hetiang ang ho hi an han inhman chhoh hian an thil chin thalo lakah an fihlim phah hlauh ve thei mai a. Chuvang chuan Sports hi a prevention tha ber a nih hi maw tunah rih chuan, ka han ti deuh va. Chumi a lo nih chuan a plan Budget ah khan a bik yaka han duham sak deuh kha a tha awm mang e aw ! ka ti a ni.

Hei, keini Asian, Mongolian race ti mai ila, keini Mizo te hi kan Asian pui te ho han compete tur te, tin khawvelah pawha (world Arena a) han compete tur te pawhin Sport thilah hi chuan keimahni ah hian Pathianin thiamna/huaisenna hi min pe ve reng reng mai a. Kan aia lian an ni emaw, kan tlukpui an ni emaw physicalah kan han huphurh lo reng reng mai hi, hetiang rilru kan han nei te hi, he Pathian thil thlawn min pek te hi a ropui hlein ka hria a. He Talent kan dawn hi hman tangkai thiam a tul hle mai.

Hemi kawngah hian India Sorkar te pawh a bik takin kan hruaitu te hian, kan Minister te pawh in lo ti ti pui ngun ta sela. Tin, kan thalai te hi facilities tha tawkin pe thei turin lo challenge sela. Tichuan, he keini Mizo thalai te hian India ram ai-awhin khawvel Olympics-ah pawh a Gold Medal la thei tur khawp a chher chhuah hi a tulin tih makmawh a niin ka hria. Tichuan khawvel ram aiawhin khawvel Olympic Games-ah pawh hming thatna kan khum thei ang ti a, chutianga zu cho chhuak a plan pawisa te tha hnem tawk kan lak chhuah theihna tur a tan la turin kan chah duh bawka. Tin, hei reilo te chhungin Karate-ah te Boxing-ah te Thal-kah lamah te kan han lang chho ve a. Tin, heng Hockey te leh Football lamah te pawh hi kan la lang chho zel ang a, tin tuna expansion Scheme kan neih tur chung chang-ah te hian tlem in han ambitions chho deuh sela tiin kan ngen duh a. Heng hi min lo hriat sak ngei sela tih kan sawi duh bawka ni.

Tin, chung lo-ah pawh heng meterial Supply tih-ah te pawh hian hei kan hriat theuh ang in keini ho hi bial kan han fang a Football te Volley Ball te hi an lo lawm em em mai a, thalai ten, chuvang chuan heng te hi hunawl an hman that nan a an ni Department hi min supply tu ber an ni si a. Heng-ah te hian khami hre chung khan lo duham thiam deuh sela tih kan ngen duh bawka. Nakin a apa-ngngai a lo kal hun atan.

Tin, LAD chung changah hian nichina ka hma a Khawzawl bialtu zahawa tak in a sawi ang deuh khan he mi India Constitution article 371(g) in Special Protection a min dah tawh ang hian kan Memorandum of Settlement dung zui a hei hi kan tih puitlin vat ngai in ka hria a. LAD hi a concerned Department/Nodal tan chuan a tha ber mai awm mang e tih te a nih loh pawh in, kan hotu ten ngaihtuah tuahna lo hmang zui ta sela chutah chuan hemi kan Local Administration a tan hian V.C. pawh hi up grade a tub hle a, an power te pawh hi ani lo berah 1st class Magistrate Power hi angai hrim hrim in ka hria a. District Council te pawh hi an Power hi Session Judge Power ang level a kan hlan kai hi angai lawm ni tih hi min ngaihtuah tir a. Chumi a nih loh chuan keimahni Protection hrim hrim a thu khan tha tak tak awm mahsela, kan utawh tur vawn ngawt mai anih chuadik lova. Chuvang chuan helaiah hian uluk deuh a kan tih chhoh a, hna kan siam chhoh deuh pap pap a, he mi lai anga in hum-halh ve tlat hi tulin ka hria a ni. Tin, khung Meghalaya-ah te khuan keini ang ho-te hian ram zuk nei ngawt ila, Pass kan siam thei der lo a ni a. Chuti khawp chuan an in hum-halh ani a, Keini pawh kan inhumhalh tur a ni. Chuvang chuan khati zawng khan kan ram neitu nihna leh transfer theitu nihna min pek tawh hi hmang tangkai tur zawng hian hma kan lak a tul hlein ka hria.

Tin, Social Welfare Department-ah khan an ni hi Department tenau-ah kan ngai a, amaherawhchu, Central lamah hian pawh chhuah theih atam em em mai thung. A bik takin, tunah hian kan Minister in-charge, Col. Dalchungnunga Sailo hi a thothang a tha hlein ka hria a, khuti lampang an zu dawrna-ah te. Chuvang chuan heng kan naupangte, kan tu/kan fate School la kal rual lote an eichhia ilo lutuk ta te tanpui nan te leh thil chi hrang hrang drug addict chung chang ah te emaw, kawng hrang hrang a han pawhhhuah na tur hianin sum a tam si a. Khumi-ah khuan helaiah budget pangngai deuh a lokal hunah pawh chumi rilru chu hre deuh ranin ambitions deuh nisela ka duh deuh a ni.

Tin, a bik takin Social Welfare-ah hianin naupang eitur han pek hian nutrition special programme emaw special programme lo emaw pawh a awm a. Chutah chuan Locally available food fruits materials awm te hi lei ni se, entirnan bekang tihte kan chhum dan, umah ringawt nilo hianin ei theih dan tam tak a awm a. Tin, thei chi hrang hrang te, thei ei kan uar lo lutuk a, keimahni local ami fanghma tih te, kawlthei te pawh thil chi hrang hrang kan thei neih ang chite pawh hi lei a helai kuthnathawktu tena an thawhchhuah pawisa an lei-chhuahna ni bawh si, kha kha Scheme phal theih a tih vat a, tin tunah pawh chulam atan chuan Project Process mek niin ka hria a, khatiang a kan tih chhoh kha ngaiin ka hria. Company atanga siamsa kan lei zel khan Local a mite tan hamthatna a awm tlem a chuvang chuan khangte pawh khawvixin lo ngaituah sela kan duh a.

Tin, a bikin Social Welfare hi engnge- ni ang curative Department lampang-ah kan ngai dawn nge ni? Tin, hei de-addiction Centre ka bial chhung, Sethawn khua-ah, lian takin sak ani a. Amaherawhchu fully in operate ala nilova thil mamawh an la ngah em em mai a. Chuvang chuan curative Department ang deuh a ngaiin tihdam hna lam thawh ngawrh deuh tur pawhin duang ila a tha in a rinawm.

Chuvang chuan, heng ang tuna Drugs te, Zu te avanga harsatna neite kha an han dah khawm a, kan Chief Minister zahawm takin a ti fo thin a. Duhthusamah chuan compulsory in heng hi dah khawm vek a tul a ni, a dangte a kaihhnawih si a. Khata thangthar lo kal zel tur te kan tihlum vek loh nan dah khawm hi a tul a ni. Chutichuan, hemi Social Welfare Department-ah hi chuan khami a curative lampang ngaihtuahin chuti zawng hawia hmalak na turah khan thahnemngai takin hma han la sela tih kha kan duh a. Tsunami hi duh a in a la beitham deuh a ni, ka han ti deuh a ni.

Tin, Demand No.26 Medical-ah khanin tlem han sawi zawk ka duh chu Referral Hospital te kan han nei chho ang a. Kan neiturah kan beisei a, chumi mamawh lo kal chho zelah Department hrang hranga Specialist Competition emaw, anih loh leh a Seniority ang pawha, Seat Reservation chung chang ngaihtuah dan te pawh kha ruahman pui chhohna provision te pawh siam chho zel ila. Hospital tha tak kan han sa ang a, a enkawltu tur Specialist kan neih mang si loh chuan hmun dang atangin kan chawk chhuah kha a ngai lo thei lo ang a. Hmun dang atanga in chawk chhuah kha dan tur ka tihna nilovin a theih chin chinah kan nula/tlangvalte hianin an phak ve si, facilities an neih loh avanga an kal theih siloh a hi khami enkawlnaah khan ruahmanna te pawh rilru in lo hriat ni ta sela.

Demand No. 37-na Horticulture chungchangah khan Agri. te Horti te Fisheries te leh Allied service chung changa kan ram intodelhna tura top priority kan Chief Minister in min pek a tum avang hian lawm awm ka ti. Pu Chairman, ei leh bar chungchanga intodelh tumna-ah lawmawm ka ti hle a, nachinah khan an sawi tawh a, ei leh bar a kan hnianghnar loh chuan engmah a tih theih loh tih kha, kan Chiang tlang theuh va. Keini pheih chu Land lock State-ah kan awm a, Silcharah nikhat han tlan chuan kan buai ringawt ang chi te hi a tlawngaih thlak viau a, keimahni kan intodelh ngei ngeina tur a tan kan lakna turah hian heti lai a, Agriculture leh Horticulture chung changah hian Demand No.36 leh 37 te Demand No.41 ami Forest & Wildlife abikin Forest te pawh kha han dah/ ta kawp ta ila. Khatah khan kan ram topography han an ila, kan ram hi a chunglam khan tlangsang a, hnuai lam ah leitha a awm a, hei hi a tlang kan vah kawlh thin hian leilung pawh a tichhia a, chuvangchuan mithiam ten an sawi thin ang deuhin, a tlang lam hi zuah ngaw deuh ila, a tlang chhak hnuai tui dep lam leitha awmna hi terrace cultivation emaw in siam ta zawk ila, a chhan chu a area zawl a zuah tawh loh avangin zawl tam zawk siam a lo ni ang a. Khatiang zawng a kan tih chuan hnah tawih lo tla leh thil dang lo dan a, contour trench an ti emaw pawh lo niscala, khatiang chi a kan tih khan, a chhak lampang a tlang zum lam pang hi zuah ngaw ta ila, keimahni tan a that tlan zawk nan leh a hahdam thlak zawk bawh si dawn avangin a zia awm zawk ngei ang tih a lang a. Chu chu kan ram Forest leh leilung te pawh hi a that phah zawk ang tih ring in kan sawi ve duh a ni.

Chutiangin Budget lamah pawh kan Plan size an tihfel hunah Central lamin chung chu rilruah awm se kan duh a ni e.

Tin, Agriculture lamah hian tlem kan sawi belh leh duh deuh chu - Kan ram leilung hian Pathian malsawmna kan dawng a, a mak hle a ni. Vanneih thlak takin (a Technical hming kha kan theih nghilh hlahu mai a) kan ram lungah hian mineral chi khat a awm a, chu chu kan thlai ho hian an ngeih em em mai a ni. Hei hi chu Agriculture Scientist te nen pawh kan sawi ho tawh a, a chiang tawh a ni tih ka hre thiam ta a ni. chu mineral hming a chu kan thawktu ten an hre maiin ka ring a, kan note ya chiah lova. Chu mineral avang chuan kan ramah hian in, thlai reng reng hi kum khat chhungin a thang tha em em vek ringawt mai a ni. Aizawl-ah te pawh han en ila, lung han remah Cement mortar loh anih chuanin September, October thla velah hian antam chi kan va theh a tui pek pawh a ngai chuang lo a, a tha em em in a lo to mai a ni, kan pipu te hunah pawh lunghmuna lei awmah engpawh ching ila a to tha duh e an tih thin kha, vawiin thleng in ala dik a ni. Chu chu mineral avang chuan Pathian in malsawmna special in min pe ka ti mai a, keima ngaih-dan-ah chuan. Chumi hming zui tur chuan thlai leh thei lampang chin uar tul hle in ka hria a. Kan ramah hian ram lum tak atanga ft.7000 altitude a chin theih hi chu a awm thei hrim hrim in ka hria a. Tichuan thei eitam te kan uar ang a, hriselna atan te leh taksa pawh a ti mawi duh a ni, thei ei tam chuan.

Pu Speaker, a inhmehng e hmeh loh pheh chu ka hre lova. Eden huanah pawh khan-Bible kan en chuan Pathian khan thei rah kha ei tam tur khan a chawh hle niin a lang a, thei chi hrang hrang kha ei a phal a, a laia mi chiah kha ei a phal lova, chuang chuan vawiin niah pawh hian thei kan ei tlem lutuk avang pawh hian kan hmel te pawh hi a chhe tawh a, thei ei tam deuh chu an vun te pawh a nah duh a, chuang chuan hemi Horticulture lam hi nasa taka hma lain thei lampang ei tur chi, keimahni pawhin phi lam atanga lak ngai lova kan in chawm ngei ngei tur khawpa hma lak a ngai a ni. Tin, chumi hnu ah export oriented rilru nei a, Himachal Pradesh angahte pawh tunah chuan nasa takin apple-ah an in todelh tawh a, an export tawh a. Khutiang ang rilru khu pua hma la turin Department pawh hianrawn ti ve sela ka duh a ni.

Tichuan Agriculture lamah pawh kan sawi ang Khan Forest te nen a kan sawi pawlhna chhan pawh kha eng eng emaw e.g. Link Road te kan han ti ang a, Forest lamin Indian Forest Act dan an lo hmang tawh si anga, Agri Link road tih nan pawh an lo khap ve bur zel mai dawn a ni a, Amaherawh chu an hotu te. lamah hetiang hi chu in beng lo chhu ngawng deuh ula, link road kan siam nasa dawn a, siam an phal nan advance in lo dil zel mai tah u, khulam pang a in hotute chu kan han in ti deuh ngawt a. Chumi avang chuan heng Agriculture, Horticulture, Forest hote tang kawp zawng a kal thiam a tul hle dawn niin a lang. Agriculture in thil kan han ti dawn a Forest lamin an lo dan tlat a harsatna kan neih turah hian hei pawh hi tang tlang deuh va kan kal chhoh thiam a pawimawh hle dawn a ni. kal chhoh thiam a pawimawh hle dawn a ni, mau ringawt a pawh hi hausakna tham kan nei a ni. Heng kan mau te pawh hi, Pu Speaker, tuna kan tih dan system ang ni lo hian in, feet emaw a metre ang emaw pawh hian hralh ta ilang, tuna kan mahal system ai hi chuan kan hlawk tam daih in ka ring. Chuwang chuan, a feet zawngin emaw a metre zawngin emaw chuti zat tiin hralh ta ila, khata tang khan tun ai hian income hi a tam in ka ring hrim hrim, thingah pawh, heng kan Forest product te pawh hi chutiang zawng chuanin hma la thei turin ngaihtuahna kal sela tichuan

kan tih dan pangngai hi a tha tho va amaherawhchu, tihdan thar tha zawk kan hriat erawh chuanin kan kal tlangpui ngam tur niin ka hria. Chuvang chuan vawiin a 1999-2000 atana Demand grant kan Finance Minister zahawm takin a rawn pharhna hi tunah a dinhmun dik tak lang lo mah selang a tlangpui thuah chuan a lawmawm hle in ka hria, chuti lam hawi kang kan han sawi tak ang hawi zawng a hma mi hruai dawn avangin lawmawm ka ti hle a. Chuvang chuan Budget hi kan support hle a, pass ngei atan pawh ka duh nghal bawk a ni.

PU R.LALZIRLIANA : Pu Speaker, hun min pek avangin ka lawm e, vawiin nia Budget kan han sawi ho-ah hianin hei, thu tha tak tak te a in zia ka, ka hma a MLA zahawm takina a sawi khaka pawm zawng tak a ni a. Sawrkarna, helaia sorkar thar in lak hlimin hmun tinah in kal chhuak a. Tunah chuan Sorkar thar mai nilo, kalphung thar kan siam dawn a ni tiin mipui hnenah in sawi a. Tichuan hlauhna leh phuba lakna reng reng a awm lovang, thlamuang takin awm rawh u in ti a. Amaherawhchu, in sawi lai kha a teuh lai ber nita mai in ka hria a. Vawiin niah hian hlauhna kan ramah a lo hluar ta a.

Tin, Sorkar hnathawk te tu hi nge kan dah sawn ang ? Tu hi nge kan hrom ang tiin vawiin niah hi chuan Sorkar hnathawkte an tik dial dial tawh a ni. Chuvang in kan sawi ang leh kan thil tih a inan loh hi chuan mipuiah rin hlawh a har hle a. Tin, Sorkar hruaitute, Ram hruaitute pawh hian chuanin kan sawi anga kan tawngkam anga kan nu chhuah chhoh zel pawh hi a pawimawhin ka hria a. Tichuan tawngkam thiam takin, mawi takin Sorkar thar mai ni lo, kalphung tharin kan kal tawh dawn a ni, kan han ti a. Amaherawhchu, vawiin niah kan Budget kan han enchuan, Chief Minister zahawm tak Speech te kan han keu chuan kalphung thara kalna lai tur hi khawi lai hi nge ni ang aw ? tih kha a lo ni ta a ni. Tichuanin, kan thawhchhuah aiin kan lak luh a tlem si a. Kan lak luh aiin kan hmanral a tam bawk si a, chuvangin deficit lo thei lo kan nih tih hi chu ka pawm a. Amaherawhchu, chutih lai chuan engtinngge resources mobilisation kan ngaihtuah bawk silova. Tichuan kan hma a Sorkarah Revenue engtin nge kan lak theih ang ? tia, khalaiah kan hotuten an ngaihtuah laiin helaia ruling Party nitaten kan dang zel bawk si a. Nichina kan Minister zahawm takin a han sawi ang khan. Dan thar siam tur emaw Revenue tam zawk kan lak luh theihna tur emaw kha Sorkar in a tih dawn in kan dang zel si a. Vawiin niah hian khatiang ang kawng kha a neitu tak nihna dinhmunah in ding a. In ngaihtuah chhoh a ngai tawh a ni. A ram neitu tak tak tan chuan vawiin nia leiba zela kan kal chho tur te, kan han en hian a huphurhawm tak meuhin ka hria a. Chuvangin engtinngge Revenue kan lak luh theih ang a, engtinngge kan dap ang, Indirect emaw, Directed emaw engtizawng in nge Sorkar hian a ngaihtuah ang. Chutiang ang ti tur chuan Central drip khai lova kan nun ve theihna tur chuan vawiinni-ah hian kan ti nghal mai theilo, amaherawhchu kum 2, kum 3, kum 5 lo kal tur atan vawiin niah a bul kan tan that loh chuan nakinah a tlai lutuk dawn, kan thei dawn chuang lo tih hi a lang reng a. Tunah Non-plan atangin 20% te kan cut a, Plan atangin 42% te kan han cut sak leh ang a, a kal chho tur a awm ang hian kan lang a.

A chhan chu tunah hian Vaibelchhia, nuaih 126 deficit-in kan kal a, kum tawp ah chuan Vaibelchhia 157.35 kan ni dawn a ni kan ti thei mai a. Hetiang hi a tlem zawng a kal dan kan ngaihtuah lova, tunanga kan kalphung pangngai zela kan kalchho dawn anih chuan chu chu kan thlentur a ni reng a ni. Amaherawhchu, keimahni rama kan dehchhuah te intodelh na tura hma kan lakna hi sawi tur a awm lova. Chuvangin a beidawn thlak hle in ka hria a. Hei Chief Minister zahawm tak Speech No.8-na ah hian ka hma a mite sawi ang hian Zero base Budget in kan kal dawn a ni a ti a.

Tichuan heti hian a sawi a, "it may not be possible to immediately introduce this zero base Budget. However Departmental activities will be closely screened to eliminate Non-productive and non-renewable one as far as practicable" a ti a. A tul reng a ni hei hi a lawmawm kan ti a. Tiang hian huaisen taka kan kal ngam a pawimawh a. Tiang ang chuan nichina quation hour a kan sawi ang khan Department tam tak te in han en ang a. Thil tul lemlo tih tam tak an nei mai thei a ni. Chungangah chuan kan thlah thlak ngam a an tih tawh lohna tur a dan in siam te pawh a ngai a. Tin, chutiang rual chuan Sorkar hmasa khan Serlui 'B' hi an han en an han en a. 1993 daih tawh a Estimate an siamah khan a zawhna tur chu cror 102 aia tam a ni a. Chu chuan generation cost a khichhuah tur a kha unit khataah Rs.4.26 paise man lai a ni. Chuvangin a to lutuk a an thlah thla ngam ta a an fak awm hle a ni. Zero base budgetting an hmang ani hemi te hian, chuvang chuanin kan Sorkar hian engtizia nge vawiinniah Sorkar kan tih hian Sorkar tak tak a chu an la awm thup a. He Sorkar hnathawk tute khan helai a to lutk dawn avanga thlah thla an ni tih hrereng sia engtizia a heng te hi kan chhonzawm leh dawn a ni ti mai nge kan nih tih hi zero base budgetting neitur, hmang tur in tisi hian chu chu hriat thiam har hle in ka hria a. Chuvang chuan kan thil tih tur hi kan en hmasak fo a tha in ka hria. Tin, helai hian ka hrethiamlo nge ka hre lova, kan Chief Minister zahawm tak thusawi 10-na ah hian "as already stated by me, the financial position of the State is so critical that we have approached the Central Government for additional allocation of funds for this purpose, and the outcome of their decision is awaited", a lo ti a, chutiang a nih si chuan crore 101 lai kha a rawn hawn chho nghal mai bawk si a, helai hianin ka hre thiam lo nge ni, nakinah min hrilhfiah te pawh a ngaiin ka hria a. Chutiang chuan khatilai a crore 101 an rawn hawn te pawh kha a lawmawm viau rual rual khan vawiinniah hian kan deficit titam tu ah hian an tang ta niin ka hria a.

Tin, hei Agriculture te kan sawi a, a tha a, amaherawhchu, vawiinniah hmatar lakna tur ang tak, intodelh na ang tur a Development te engkim mai a zuan a zuang theuh theuh mai tur a mipui kan han zirtir lai khan kan hmalak na hi a beithamin ka hria a, a tir a mite angte kha heng tractor, power tiller tih angreng chi hi chuan thuitak minkalpu theiin ka ring lova, vawiinniah hian kan budget han en khan Bull Dozer te eng eng emaw lian zawk han leina tur te, a lang teh chiam in ka hre lova, Chuvangin intodelh hi huaisenna bul ani kan ti a, a dik em em rualin hei aia tan kan lak deuh hlek loh chuan kan sawi ai hian kan tlahniam ang tih ka hlau a.

Tin, AD 2007-ah Mau a lo tam dawn a, hengah hian invenlawkna tur Sorkar in a siam a, heng pawh hi hmanni Khan Sazu mei 75000 lai an lei tawh tih kan hria a, amaherawh chu hei chauh pawh hi nibovin 90000 lai kha a leitute hian waviin niah chuan an lei tawh niawm a ni a. Chutianga intodelh kan tum lai a kan sawi chhuah duh chu kan Speaker zahawm tak bial leh kan Health Minister zahawm tak bial te hian kawng an inchuh tlat mai a, an in chuh nge ka hre lova. Pioneer kawng tuipui lama kal kha Lungdar hovin apanna tur kawng an laiah hian mi 40 lain leilet an nei a, an buh phurh chhuahna tur vel atana kawng an laih kha Biata ho hian hmun 4/5 laiah an laihchhiat sak a, heng tepawh hi kan Sorkar hian rang zawka an enkawl loh chuan, engemaw han inrawlhna a neih loh chuan amihringte pawh engemaw taka inhuatna tepawh a thlang ang tih a hlauhawm avangin hengte hi an chinfel sak a tha in ka hria a.

Tin, kan demand No 46-ah Khan Electricity thermal Generation-ah Khan Megawatt 2 chauh siam tur ang khan a rawn ziak a. Hei hi kan Chief Minister zahawm tak Speech-ah Khan Megawatt 20 lai a ni a, (Deputy Chief Minister-Zero an chhut hmah palh anih kha) anih hmel viau a, a lawm-awm e. Tichuan tunhma deuh Khan Bairabi-ah Megawatt 120 lai pechhuak thei tur Techno economic clearance neih tawh niin he House-ah hian sawi a awm tawh thinin ka hria a. Waviin niah khatiang ang a economic clearance kan lo nei tawh a nih chuan engatinge 75 mega watt kan han tih thar leh tak tih hi ka ngaihtuahna-ah a awm a. Heng hi Power pe chhuak tam thei apiang hi kan duh a ni lawm ni tih ngaihtuahna min neih tir a ni.

Tichuan Police Department te kan han sawi a, hei a vanduai thlak hle a, khilai thil thlang pawh khian enquiry engkim tihfel a ni tawh ang tih ka ring a. He thil thlang hian kan inthlah dah vang nge kan huaisen lutuk vang a tih theih a ni. Engpawhwise information kan hmuh hmasak dan atang Khan khatiang ik kha hel bei tura intirh chhuah tur a ni lova, mawhphurtu diklo tak an awm in ka ring a, hei hi sawrkar in a enzui ngei a ngaiin ka hria. Huai-ah hian at huai deuh pawh hi a awm thei a, amaherawhchu, tirtu diklo tak pawh a awm thei bawka ni. Mizotlangval te tan hian a tlawm thlak in a vanduai thlak ka ti a, hei hi kan sawrkar hian mithite thlang kan hauh hi a pawimawh a, mipui a hnungah kan awm tlat avangin, kan mawhphurhna anih ang takin hlen chhuak thin sela, a tha in ka hria. Tichuan Training Centre atang hian kan inzir angai a ni. Waviin niah kan Police Training Centre a an in hrawm vel dan, an eichhiat dan atang hian Trainingte tih awm tak a ni. Amaherawh chu, an inzirtir danah hian a tunlai lo hle niin a sawi tu ten an sawi thin a ni.

Tin, hei Health Department lam-pang hi a pawimawh hlein ka hria a. Kan hotuten Agriculture te thil dangte ngaihpawimawh-ah an nei a, dik ka ti em em a, Agriculture a thawktu te an hrisel phawt loh chuan tih theih ani lova. Tin, Education lamah te, Technical line-ah te engkim maiah hian hriselna hi a pawimawh em em mai a, pawisa lo chuan engmah hi a tih tak tak theihsilova, Nikumah planah nuai 1674 leh tlem an dah a. Kuminah chuan in nuai 2308 lai an dah a, Non-plan-ah nikumah nuai 1948 an dah a, hei hi R.E. tih hma pawha hetiang anga dahna chang an rawn hria hi kan ram development atante engkim atante a kan tobul dik tak an rawn tiin ka hria a.

Helaiah hichuan lawmthu sawi tur tam tak a awm in ka hria a.

Tin, Saitualah khum 30 awmna tur vawiin ni hian an sa a, kum 1998, 1999-ah zawh tur a ni an ti a. Amaherawhchu ka bial chhunga mi a ni a, Saitual khua a PWD in Damdawi In an sak hi a thang mawh hle a. A kal thei thlawt lo a ni, chuvangin hei hi kan hotuten min enzuipui deuh hlek sela a lawmawm hle in ka ring a.

Pu Speaker, hei Lal thutthlengah kan han thu ta a, Election Manifesto mipuia kan in tiamnate kha kan theih nghilh lovang tih ka ring a. Amaherawhchu, kan theih nghilh lovang tih ka rin rual rual in vawiin niah hian khatiang anga han tih puitlinna tur kha a lang tlem hle in ka hria a. Primary Zirlai Bu a thlawna semna tur te, Sikul naupang harsa zual Uniform a thlawna semna tur te, Gas connection a free a pekna turte, Electric Connction a thlawna a semna tur te, khang zawng zawng kha nikum a mi nen a, kan han khaikhin chuan a vang hle in ka hria. Chuvangin kan hotuten tan inlak zual sauh sauh loh pheichuan he Budget atang hian rin in kai lovang tih ka hlah pui che u a.

Hei, 1988 a kum 1/2 emaw vel Lal thutthlenga an thut lai khan deficit 53.41 crore kan nei hman a, tiang chuanin kuminah avaiin sawi vek lo ila, a tla hniam zel a, nikum hmasa-ah a sang leh hret crore 117 kan nei a. Tichuan a lo tla hniam zel a, crore 79.36 kan nei a, Kuminah chuan 126.01 a lo kai leh a, min leiba kan neih reng reng hian engtingge kan ruh ang ? a sang zela Interest a pung zel ang tur ngaihtuah a duh loin kan rul zel ang tiin patlingin a ngaihtuah thin a. Vawiinniah erawh chuan closing deposit-ah chuanin crore 157.35 a lo ni dawn ta a. Hetia alan dan ang hi chuan a awmsa mai ring a, hetia kal mai kan tum ani ang tih ka hlau va, chu chu ka rawn sawi mai a ni e. Ka lawm e.

S P E A K E R : Pu Lalchamlia

PU LALCHAMLIANA : Pu Speaker, ka hming hi Information Department ina Diary an lo siamahte pawh khan a hma lamah hian K an lo belh a, ka belh ve ngai hauh lo ania.

Pu Speaker, thusawina hun min pek avangin ka lawm e. Hei kan hriat theuh angin tun tum Budget Session ah hian Budget pangngai kan sawiho thei lova, Vote on Account a ni a, Amaherawh chu, Demand for Grant kha chu a hmingin an han siam ve a, kan Plan Size pawh kan la hriat loh avangin angai angin kan han siam a ni a. Chuvangin a figure lam hi chu sawi vak pawh ka tum lem lova. Amaherawhchu, kan sawi lan duh a hi chu hei Total Outlay an Projectah hian crore 1000 chuang Budget Estimate an tihna niin alang a. Hei hi lawmawm hle in ka hria a, tunhma zawngin Budget Estimate-ah hian crore sangkhat hi ala tling lo niin ka hria a, chulaiah chuan lawmawm chu kan ti ve mai mai a. Tin, a figure chung chang han tih chuan Deficit chungchangte kha kan han sawi a, figure hi a chawh a chawh hian a chawh danglam theih viau mai a.

Tuna kan closing Deposit turte pawh hi 126 crore chuang ani te kan han ti a. In han sawi takah chuan kan han sawi zawk ang a. Heng te pawh hi, Sawrkar hmasa khan anmahni pawisa ni-lemlo kha K.Doposit-ah a dah a, chu chu '97-'98-ah khan kan en chuan Summary of Financial position phek 1-naah khan, opening Deficit a neih kha crore 79.38 a lo nih theihna chu K.Doposit ami nuai 5678 kha an pawh ta a. Kha kha nilo sela chu han belh-khawm ta ila, khatih hun lai khan '97-'98 a Actual Deficit-a kha nuai 13614.15 tling thei a ni a. Mahse tikhan K.Doposit kha kan Chief Minister in Statement a siam ang khan pekchhuah a lo ni ta a, crore 57 chuangzet. Chuvangin, kuminah hian closing Deficit hi lo sang ta a ni a. K.Doposit lo hum ta zel ila chu hei kuminah chuan crore 46.74 vel chauh hi closing Deficit tak tak tur a ni a. '97-'98 ami kha kan chhawm avangin 126 hi a lo tling chho ta a ni tih kha kan sawilang ve a ni.

Kan sawi duhtak erawh chu thil hi anih ang lo deuh hleka kan sawi hian a tha lovin ka hria a. Kan Chief Minister zahawm tak hian Zero Base Budget kan siam dan tur a Speech-ah khan a sawi lova. Sawrkar in a duh a, mahse tun dinhmuna kan thei rih lo a ni, tih kha ani maiin ka hria a. Chulai chu tawitea kan sawi leh duh a ni a.

Tin, Peace Bonus chungchang kha a tawngkam a lang lova, kan sawi tawh ang khan heng kan harsatna hmakhawsang atanga lo intan tawhte, nikum te, kum hmasa lamahte lo awm tawhte, khang kan harsatna zawng zawng tihkianna tura Peace Bonus tih a ni tih kha sawi nawn ngai lovin kan hre theuh-in ka sing. Kan Member puite sawi ang khan rawtna leh ngenna siam ka duh a. Chungah kan sawi duh chu pakhatna-ah chuan, nichina Saitual Member zahawm lakin a sawi kha lawmawm hlein ka hria a, resources mobilization hi kan uar loh chuan hnam anga, zahawmna kan nei thei lovang tih kha hmannah ka sawi tawh a, chuvangin budget tak tak siam hunah chuan kha lam a kha uar ta deuh ila, kan duh a. Tun atanga tlem te te a, chhiah kan ti emaw, tui Bill emaw Electric Bill kan ti emaw te kan pun loh chuan pun thut kha kahrethiam thin lo a ni. Chuvangin zawite te a kum tina Mizote hriat thiam zawnga, khatiang ang zawng khan resources te pawh hi mobilize tum ila. Tin, a dangte pawh zawng zel ila tha in ka hre ve a, Law & Order chungchang thuh hian vanneih thlak takin ram ralmuang tak kan nih lain State dang miten minrawn tibuai leh thin a. Vawin-ah pawh kan pasal tha te 5 lai kan vuilliam a, Vaitin khua khawtlang mipuite pawh an fakawm hle in ka hria a, chanchin kan hriat ve danin chulai karah chuan kan Bial Vairengte a chheh-vel pawh khu hetiang State danga rammu Sorkar phalloh thil ti ten a an paltlang chang a tam mai a. Chulovah chuan ramri hrula awmte an lo ni a. Chuvang chuan engemaw harsatna neuh neuh a awm thin a, chungah te chuan kan Sorkar hian a hma thei ang berin Armed Police thahnem taw tak Force tam deuh tak min dah sak theise, ka ti hle a ni.

Tin, Member ten an han sawi Zirtirtu sexual chung changa Sorkar hmasa ten theihtawp chhuahin an bei a, a bik takin Primary School zirtirtu te hi an ni a. Amaherawhchu, an hlawhtling vak lo, kan hmu theuhva, chuvang chuan hei hi nasa leh zualin tun Sorkar hian hma la se tha in ka hria a. Politics tak mai ngaihtuah lovin engtingge thing-tlang lama mite hian zirtirtu tun aia an indaih zawk theih ang ?

tihah khan. Tunah hian khawng hian thenkhateh chuan 7,8 te awmna te a awm a, khung kan bial Bukvannei tih te, Saihapui tihah te chuan single Teacher te, a thenah chuan 2 te Saipumah phei chuan Primary 2an. nei ve a, tah phei chuan adhoc a thawk pakhat chiaa a thawk a ni a, zirliai 80 chuangah khuan heng hi hma khawngaih takin chak takin Education Department hian min lak sak se ka duh hle.

Pu Speaker, vui thu han sawi ve hrim hrim ka duh a ZIDCO hi Industry hnuaiiah a awm a, nikumah khan plan pawisa nuai 62 chuang hret an dah ve a, amaherawhchu, pawisa harsat thua an lo surrender fai vek mai a. Kumin atan hian cheng sing khat chiaa mai an han dah a. Hei hi chu kan desolve dawn a nih loh hi chuan a awm lo hlein ka hre mai a. Chuvangin Budget takah chuan pangngai deuh tak min dah sak ve se tih ka sawi duh a.

Tin, Pu Speaker, Tradition bawhchhia angah min ngailo la, thil pakhat sawi duh ka nei a. Assembly Fund chungchang hi sawi ngai vak chu a ni lo ba a, Parliament ah leh State dangah te chuan Assembly in emaw Parliament in emaw a tih ang ang a kha a tlangpuiin an lo pawm thin a. Eng-emaw harsatna zual a awm chuan Finance Minister te nen an sawi-ho a. Chuvang chuan House-ah hian sawi a hlawh ngai lo hle a. Amaherawhchu hmanlai atang tawhin Finance Department lam hi an thu lutuk deuh a ni lawm ni, tih hi sawi ri ka hre thin a. Tun tumah hian a ni em ka hre lova. Amaherawhchu State dangte leh Parliament-ah te an tih ang bawkin hetiang hian, Assembly hi MLA te zawng zawng ina kan Office a ni ve mai a. Chuvangin mamawh nia kan Secretariat in a hriat hi khawngaih takin Finance ho hian ngaih pawimawh lo nei ve sela. State dang leh Parliament an tih dan deuh hian, Department dang ang ngawt hian en lo sela a tha lawm ni, tih kha ka sawi tel duh bawka.

A tlangpui thuin Finance Department a Officer te hian hun chep tak karah harsa tak a an rawn buat-saih hi lawmawm ka ti hle a. Amaherawhchu sawi tawh angin an plan size kan hriat loh avang khan. Pu Speaker, duh angin a sawi hleih theih loh a, duh ang pawn a la lang thei lova. Amaherawhchu he Sorkar hian Sorkar kalphung thar nei kan siam dawn an ti a. Budget kalphung thar kha chu a promise ngai lo a, campaign lai pawh khan Sorkar kalphung thar a ni a, kan sawi. Budget kalphung kha chu a awm sa kha a hman loh theih loh a, khami hman khan Sorkar kalphung thar kha a kalpui ve dawn niin a lang a. A ngai reng pawh hi a tih phung a danglam hi chuan a kalpui tu ten an kalpui dan a danglam chuan, a taka pawisa awm ang ang te pawh kha a hmanna tur dik taka an hman kha chuan kha kha kalphung thar tur chu niin a lang a, Chumi chu a taka alo chan hun tur mipui hian an nghakhlel hlein ka hria. Tuntumah hian 1992-2000 inkara kan Budget tur chung zinga 30% vel ang hi tuntuma Vote on Account-ah hian kan han telh taka chu a ni a. Hengte hi daihzai taka a nihna tur ang taka he Sorkar hian a hman ngei kan beisei a. Chutiang a nih avang chuan lawmawm ka ti a. Hmanchang hre taka kan Chief Minister zahawm tak ten Peace Bonus sawina chang an lo hria te kha hman-ni-ah ka sawi tawh a, lawmthu kan sawi nawn leh duh a ni e.

Ka lawm e.

PU C.LAWMZUALA : Pu Speaker, hun tha min pek avangin ka lawm e. Kan Budget thlir leh sawi ho hi duhthu sam lo deuh mahse a tha tawkah ka ngai a, a pawimawh ber zawka ka hriat chu budget hi a hman leh dan a nihna dik taka semzai hi a tul in ka hria a. Mizote hian Budget hi kan hre chiang tawk loin ka hria a, hnam dang changkang zawk te chuan Family Budget te pawh tha deuh deuh in an siam thiam a, keini chuan kan la siam thiam lo deuh hlek a. A siam thiam mai ni lovin a hman dan thim, dik taka tih hi a hlu turah ka ngai a. Hengah hian Zoram tan Department hrang hrangin a hman lak a, hmasawna tur ruahmanna kan han hmu a. Hengah hian a hman dan dik a pawimawh ber a. Ram hmasawn na atan chuan a thim lai, a phai lai kan chhun khah a ngai hmasa ang a. Tiang chuan sum pai kan neihte hi a hmanna tur dik taka bel chat chat kan tum a kan tihtur kan ngaihtuah reng turah ka ngai a ni.

Pu Speaker, kan Governor khanin "My Government stand Committed to achieve health for all by 2000 AD, tih a sawi kha a ropui hlein ka hria a. Mizo te hi kan hrisel tha em em lova, han awm khawm hi chuan na inhrilh mial mial tur hi kan nei hlawm a. Chutiang chuanin Health and Family Welfare Department hi a pawimawh hlein a lang a. A pawimawh ang ngei pawhin kan Sorkar chak tak hian hma a la dawn niin a lang a. Kan Minister zahawm tak in a chak takin hma a la tawh ang a. Kum kalta hun engemaw chenah khan Medical lampanga instrument leh kawng hrang hrang a hmanrua equipment chi hrang hrang leinan khanin Sorkar khan sum tamtak seng tawh in a lang a. Zoram dung leh vanga kan damdawiin te, kan Sub-Health Centre te kan Civil Hospital te han en chuan kan instrument hi duh ang chuan a la phuisui lo hle a, kan sawrkar thar hian tihphuisui a, hma chak taka lak a tum avangin lawmawm ka ti a. Hengah hian sawi ve mai loh chuan a kim dawn silova. Mahni bial lamte pawh sawikai ta ila, Lungleia Civil Hospital saw a upa tawh hle a, Building erawh chu R.C.C. in an han sa thar ve dawn a. Tunlai sawn a building chu thiah mek zel a ni a, thim hnuaiah Doctor leh Nurse fel tak tak hi an che kual vel a. Dam lo te an enkawl a ni a. Chutih lai chuan kan hotu ten hman an la mek tawh a. An hma lak mek hi a order te kan la hmuh ve loh avangin vawiin-ah sawi ta tho ila. Hnimhlum khawl te hi sawlai-ah sawn repair tawh hnu pek a ni a, tunah hian hman theih lohvin a awm a. Operation te hi a tih hleih theih loh va tih ka hria a, chungah te chuan kan Minister zahawm tak ten an lo ti tawh, a thar an lo ti tawh anih chuan a lawmawm ang a, an lo la hrelo anih chuan chungte pawh chu min lo hriatpui ang tih ka ring a. Tin, khatiang instrument te engeng emaw kan lo lei tam viau tawh alang-ah khan he lai Lungleia Civil Hospital-ah sawn Ruh Doctor lampang thawna tur a lo awm lo nge ni vawiin ni thleng hian he lai-ah tha tak tak an awm a. Kan lawmpui a, amaherawhchu sawlai-ah sawn pakhat tal dah ve tur ani dawn lawm ni tih kha kan sawi duh a. Amaherawhchu hmanrua a awm tlat lova, kha Specialist khan engmah a thawk thei chuang lovang tih te kha sawi a lo awm leh mai a, hotuten min enfelpui a tha awm e, kan ngen a ni.

Tin, Microbiologist pakhat a awm a, Pathologist kan la nei lova, Civil Hospital-ah sawn kan mamawh em em a. Hei pawh hi tih mek a ni mai thei, chu chu ka hre chiang lova, la tih loh anih chuan hei hi kan hotuten dah thei sela alawm awm khawp ang. M.D. ngei ni theisela. tiin kan sawi

ve leh a ni. Tiang chuan Jaib Doctor te an awm lova, Civil Hospital a Doctor in daih lo tak te khan an lo enkawl pui a. Leh lam leh lam in a lo tuar a, khatiang te khan sawlai a kan Civil Hospital pawimawh tak saw kan timai teh ang, mamawh tam tak kan nei a ni.

Tin, Lunglei a Nursing School saw atha hle mai a, amaherawhchu hmun nghet an nei lova, Hostel hmun an la nei lova, Tichuan an Nursing School atan hmun an la neilo bawk a, khatiang te te khan an mamawh pawh Pu Speaker, kan sawi ve lawk ang a, Principal emaw Staff te pawh kha a nghet in an la nei thei lo a, Chu chu hemi Health & Family Welfare apawimawh em em angin a institution kha kan tih phuisui a kan tih pawimawh a, kan zavaia hrisel na lampang siam that nan karawn sawi lang ve a, chu kan Budget atang khan a hman thiam chuan awm ngei ngei tur-ah pawh ka ring a ni.

Tin, Sorkar lam thilah thalai rilru leh taksa hriselna leh infiamna tha zawk siam theih na atan District Sport & Youth Office a awm ve a, saw lai-ah sawn Office an nei a, ka bial lam deuh hlek nakinah sawi na hun ka neih loh takin kan sawi anga, min lo hrethiam ula, Mizoram Development siam tur chuan a phailai, mamawh lai tih hmasak te pawh a ngai ve si a, kan sawi ve phawt a ni. Tichuanin khalai Coach emaw Director chi hrang hrang instructor te, scouts and Guides organiser te khatiang pawimawh tak tak thil tih turah khanin sum leh pai hi nikum July thla atang khan an nei tawh meuh lo niin ka lo hria a. Chuvang chuan thalaite hmasawna atana hmala tu ber Sports & Youth Office kha min lo hriatpui ve bawk ula. Hnathawk thei tura siam a ngai niin a lang a, chungah chuanin mamawh tam tak kan nei a, Lunglei-ah sawn Tournament siam turin sawlai Association sawn pawisa a nei lova, mi leiba thlaurin an ti thin a. Sorkar lam hian kan pui ve thei dawn lawm ni tih karawn ngen a ni.

Tichuan thildang tam tak sawi tur chu a awm, hei Lunglei-ah hian Fire Station ka bial bikah ani bawk a, Station kan ti mai a, 1974 a din tawh kha wawiinni thleng hianin Sub-Station ani tlat mai a. Lunglei mipui saw kan thlamuang lova, kan ralti a, tunlai kangmei nasa tak chhuak karah hian, Station puitling dah thei turin pawisa te chu kan nei tawh dawn lawm ni tiin karawn ti ri ve a ni. Heng hi hman deuh a 1998 a hmun hrang hrang a Fire Station an siam chu a full Station in khatiang khan an siam zung zung a, nikum lawka mite 4 lai an dah tawh a. Lunglei 1974 a din tawh kha wawin thlenga Sub-Station a ala awm hi mipui kan ralmuang lova, chung atan pawh chuan kan sawrkar hian hma min lakpui ngei ka ring a chu chu kan tilang a ni.

Tin, sawlai-ah bawk sawn Morning College fahrah deuh hlek kan nei a, a pawimawh hle mai a Education lamah hian tan kan lak a pawimawh hle mai a, chungah chuan kan Minister zahawm takte hian lo hriat a tha hle mai a, sawlai saw tihchangkan ava tha em, mipui rethei tak ten thawhlawm an han thawh khawm ve a, chutiangan Law College te pawh saw ka bial chhungah a hmingin private chhete a awm a, institution ang chi in a ding ve a, tun thleng hian permission an hmu thei lova, chung atan te chuanin permission te pek a pawisa te pawh a awm dawn lawm ni tihte ka sawi lai hian a remchang awm mang e ka ti a. State dang kan thlir chuanin Garo & Jaintia Khasi tih velah an District 3-ah khuan Law College te hi pakhat zelin an in sem tlang a. Chutiangan chuanin Mizoraman pawh hian

ti thei ta ila. Hetiang hianin decentralisation te pawh hi hemi Budget kan hman te pawh hian kan hre chhuak ang a, kan ti pah dawn lawm ni tih te kan sawilang duh bawk a ni.

Tin, chawhma lam khan in zawhnaah khanin LPG chung changah Supplementary Question hun a awm tak loh avangin ka sawi hman ta lova, tunah hianin sawi ta mai ila. thenkhat a man leh mual te, a delivery te kan buaipui lain khatiang pawh la buaipui hlei thei lo, a awmlo kan buaipui zawk a. A indaih a indaih reng reng lo, Gas distributor Lunglei ah sawn pakhat chiah mai an awm bawk a. Sawng-ah sawn 2/3 emaw te dah dan kan Minister zahawm tak takte pawh hian min lo enpui ula a tha awm e, ka ti a. Ka rawn ngen bawk che u a. Sawi tur tam tak a awm a, kan sawi zel mai anga min lo hrethiam ula.

Lunglei a High Power Committee kan tih ve thin saw in hria ang a, kan hotute chuan H.PC Lunglei P.C. kan ti thin a. Amaherawhchu, mi nuihzat a ni ta tlat mai a, khaw khat/veng khat V.C. te pawh tluk loh chang a nei a. Saw saw hma la tak tak thei tur chuan tunhma hun kal tawh Sorkar ina a alem lem anga an lo chei ve ang kha chu, a tha tawk lo tih in hria a. Kan hotu zahawm tak tak ten, hna thawk thei tak tak tur a ruahmanna awmin kan ring a, chu chu High Power tak tak ni thei tura Power vested body anih theih nan hotute ka ngen che u ni sela. Pawimawh tam tak sawng-ah sawn kan nei a. Kan Budget hi hmang tha ila a thim lai leh a phai lai rualrem lo siamthat nan chu chu a tha awm e, tiin Pu Speaker, House zahawm tak a kan Leader leh Minister zahawm tak tak te ka rawn ngen e. Ka lawm e.

S P E A K E R : Pu L.N.Tluanga, khi kan hun khi dar 4 khian a tawp dawn a. Tahchuan House ngaihnan kan la leh ang a, I thusawi lai kha tlem kan tibuai dawn che a ni.

FU L.N.TLUANGA : Pu Speaker, kan Minister zahawm tak budget Speech ka han hmu a, a budget bu te ka han keu a, kei kan hrethiam lo nasa khawp mai a. Zan hnih chung zir takte a zirin, kan thian experience nei deuh te kan zawh bakah, thiante hriat lohvin Account lam thiam mite kan kawm a, lengah ka sawm a, a tlangpuite kan thlir ve thuak thuak a, Tichuan kan hmuh chawp dan in India ram Style, an Budget siamdan kalphung zulzuia siam ani mai a. Chutiangah chuan tha awm hle in ka hria a. Amaherawhchu, India ram Style a tih dan pangngai a zawh tur awm lo ta sela, a thar liau liau a siam tur nita sela chuan, hei lo deuh hi kan siam ka ring a. Tin, India ram State zawng zawng leh keini State pawh telin kan Budget kalhmang hi ropui kati lo khawp mai a. Hei kum 50 liam ta a, India Independent a kan mithiam ten an thlir let pawhin, kan Budget hian min kaihruai sual nasa in, kan sunhman danah kutdawh rilru min put tir nasa em em tawh a ni.

Chu kaihhruaina atang chuan Mizo fate pawh hi thil dil mi, kutdawh rilru pu kan lo nasa em em tawh mai a, a pawl kati tak zet zet mai a. Kan retheihna changchawi in thil dil kan hreh lo em em tawh a. Heng hi kan State bikah pawh kan tih bo theihna tur chuan, a thlawna sem, pek uar ai chuan lawmman, hnathawh that man, "incōntive" kan uar hi tul tak takin ka hria a. Ei leh barah te pawh kan intodelh tak tak na tur chuan, a bulah khawl te eng eng emaw min tanpui chu kan la mamawh hle ang. Amaherawhchu, kan Buh-ah chiah pawh hian a thar tam lawmman azawngin kal ilang, Misote thil in tih hmuh chi leh mi tih dan la chi kan ni a, chutah chuanin tuna kan lo neihdan system an thlak hma pawh hian insentive zawngin kal ilang chuan in kum 2/3-ah kan thar tam sawtin ka ring nghal ringawt mai a ni.

Tin, kan ramah hianin hrichhia kan vei mek a, chung avanga thi kan tam sawt em em mai a. Hetah hian kan Sorkarin a enkawlina In tur tha te an siam tawh a, mahse a enkawlina lampang siam aini a ven a pawimawh zawk a. Chutah chuan kan hnathawktu, kan excise te kan Police zawng zawng te an tangkai rual hian, Mizoram chuan Social Organisation hi khawvelah kan nei tha ber, India ram chang nilovin khawvelah Social Organisation kan nei tha ber. Heng hi kan hnam Social Evil laka min veng tur leh, hma kan sawnna tur chi hrang hrangah pawh, kan Social Organisation te hi kan hman thiam a pawimawh ka ti em em mai a. Kan Governor Speech-ah te khang chung chang thu kha a sawi lova pawl ka ti viau va, Hnam dangin a min itna ber leh ropui min tihna ber pakhat chu Social Organisation tha tak ram pum huap kan neih hi a ni a. Heng hman thiam hi a pawimawh in ka hria, kan Sorkar thar hian heng hman thiam dan hi zir sela, a kawng zawng sela, Drug chungchang thuah te pawh a vena ven atanga reh tur a ni a, kan Thalai K.T.P, Y.M.A, M.Z.P. te kan hman hian heti chung hian Social Evil hi tun aini chak zawk in kan do thei in ka ring a.

Tin, kan Sorkar liam ta in a an thil ruahman zinga tha ka tih chhun chu, khawpui thar siam belh kha a ni a. Amaherawhchu, kha leh chen rorelin sum awm tawh loh hnuah an bat urh tawh hnuah, a thu chauh kha pawl ka ti a, a thu chauh pawh kha tha ka la ti thova. Aizawl khawpui a awm chauh an duh emaw tih tur khawpin kan in chuh a. Kan khawpui leh chu a chep tawh a, khawpui zauhna tura Sorkar hmasa in a alo ruahman fel em em tawh, quarter tam tak a lo sak tawh te pawh chu, tute Sorkar emaw chu a hnawh ping leh vek mai a. Tichuan chep em em in kan awm a, tun atanga kum 2 kum 3-ah hi chuan Kulikawn leh Chandmary inkar hi darkar 1 kan kal a ngai ang. Tichuan, khawpui thar din tura ruahman leh lo earmark tawhte a ni hi kan Sorkar in chhunzawm sela ka duh a, Officer lian tan pawh, tu tan pawh, tu leh fate thlenga In leh lo an neih theihna tura itawm, khawpui kan siam thar hi a pawimawh ka ti em em a. Chuvangin khawpui thar siam hi Sorkar in ngai-pawimawh se ka ti a.

Tin, Mizoram dung leh vang kan fang theuhva, tar chawmtu nei mumal lo, an damchung rei tawh lo tur si an awm a. Kan Social Welfare Department te pawh hian heng ang kan hnam zinga tar khawngaih thlak tak tak hi ngaipawimawh se ka duh khawp mai.

Tun hnaiah hei eng emaw mi piangsual bik, handicap an tih chi reng reng, hna a lak chung chang thu-ah hian 3 % reservation ang kha an lo zawm lo viauin ka hria a. Kan Minister pakhat ka zawh chuan zawm a tum thu min hrilh a, ka lawm viau va. A department pumpui-ah hian heng reservation, India Sorkarin a kaihhruaina a siam hi kan zawm lo viau tih a hria a, chu chu kan Sorkar pawhin ngai mawh sela, handicap te hi a bik taka enkawl an ngaihzia hi hria se ka duh hle a ni.

Ka lawm e.

S P E A K E R : Kan Budget sawiho hi Dt.30.3.'99 thawhlejni-ah kan chhun zawm leh anga. Naktuk zing Dar 10:30 A.M. ah thu leh turin i chawl rih ang u. Meeting adjourned.

che. Chuti pawh chuan minute 10 a tling dawn tawh.

Tukin zingah pawh limit nei miah lovin hun ka pe tawh che a ni. Nangmah chauh a ni limit nei lova hun ka pek ni.

PU ZAKHU HLYCHHO : Pu Speaker, ka lawm e. Heng Advisory Board te hi chu a thu hrim hrimah Advisor tur mai an ni a. "Suggestions and views made by the Board" kha Sorkarin a pawm ang tihna a ni chuang lo tih te hi a inziak lehngal a. Chuvangin, a in relevant lovin ka hria. Pu Speaker, Serchhip bialtu te pawh khan a rawn sawi a, a lawmawm hlein ka hria a. Ka thusawiah khan NLUP hi a fail ka ti lova, amaherawhchu, NLUP pawh kha tha viau mah-sela, a implementation-ah khan duhthu a sam lova. Chuvangin hengte hi Sorkarin kan en tha dawn in ti bawk si a. Chumi ne'tha tur chuan engah nge Commission din a, fel tak a in rawn duan law law loh. Chutichuan Mizoram tan nakim hnu zel thleng pawha kan dinchhuah theihna tur, Delhi Drip khai lova kan nun chhuahna tur kawng hi min lo duan sak ula, tih ngaih-tuahna thinlungin he Resolution hi ka rawn pulut a. He House hian ka Resolution "Mizoram hi ei leh bara kan intodelh theih nan ruahmanna (Flanning) tha tawk nena kalpui ngai niin a lang a. Hetianga plan tha tawk tak rawn siam tur hian Sor-kar in Commission din rawhse" tih hi he House hian min pawm-pui turin ka ngen a ni. Ka lawm e.

S P E A K E R : Kha tunah Resolution neitu Pu Zakhu'an a resolution Mizoram hi ei leh bara kan intodelh theih nan ruahmanna planning tha tawk tak 'nem kalpui ngai niin a lang a. Hetianga plan tha tawk tak rawn siam tur hian Sorkarin Commission din rawhse, a tih hi pass remti chuan 'remti' in ti ang a, pass remtilo chuan 'remtilo' in ti ang. Tin, pass remti in 'remti' ti rawh ule. Pass remtilo in 'remtilo' ti rawh ule. Pass remtilo aw a tam deuh a, kan pass lo a nih chu.

Thawhtan hi Holiday a ni a, kan Session chu Thawhleh ni dar 10:30A.M.-ah kan chhonzawm leh dawn nia.

Meeting adjourned 4:20P.M.

...339/-